

# কালাপাহাড়

( ঐতিহাসিক উপন্যাস )

প্রথম পরিচ্ছেদ ।

মন্ত্রণা-গ্রহণ ।

আমার পুথি লেখার চটার কলমটা কে নিলে ? আমার কস কালির দো'ত টাও ত দেখছিনে । আমার গৌতম-সুত্রখানা কে কোথায় ফেলে দিলে ? আমার সটীক সাংখ্য-দর্শনখানা কে মাটিতে ফেলে দিলে ? বেদান্তের পুথি খানা কে এলিয়ে ফেলেছে ? আমার প্রতি এ অত্যাচার—এ অজ্ঞার কে করে ? আগামী বৎসরের বে একখানা পাঞ্জি করেছিলাম, সে পাঞ্জি কয়টা কে নিলে ? তারি উপদ্রব, বড় অত্যাচার—এক সুশ্রী ব্রাহ্মণ-যবক উচরবে এই কথা গুলি উচ্চারণ করিলেন ।

যদি বুঝতে না পারব, তবে আর আমার তিন কুড়ি আড়াই গণ্ডা বৎসর বয়স হয়েছে কেন? বড় বৌ এখন কাজ করছে, সে হয়ত এখন আসতে পারবে না। হুকুমটা একেবারে আমার উপর হলেই ভাল হ'তনা? আমিই নম্র বিন্দে হয়ে যেতাম। না, না, আমি আর বিন্দে হতে চাইনে—এ যে দিনের বেলা, এখন সে আসামী গ্রেপ্তার করতে গেলে কিল চড় অনেক খেতে হবে। এ বড় বো'য়েরি কাজ—

এই কথা বলিতে বলিতে বৃদ্ধা কক্ষান্তরে প্রবেশ করিলেন।

ব্রাহ্মণ যুবক সেই নির্জন গৃহে ক্ষণকাল একাকী নিস্তর হইয়া বসিয়া রহিলেন। অবিলম্বে বহুমূল্য ভূষণ রাশি শক্তি করিয়া, রূপরাশি বিকিরণ করিতে করিতে এক পরম সুন্দরী যুবতী এক শিশু পুত্র কোড়ে করিয়া সেই গৃহে প্রবেশ করিলেন। 'গৃহের দ্বার দেশে আসিয়াই বলিলেন—

“কি ঠাকুরপো, কি চাই, এত চুঁচাটেঁচি করছ কেন?”

যুবা। বড় বউ ঠাকুরণ, তোমার মত বুদ্ধিমতী বউ এ বাড়ীতে আর একটিও নাই। আমি কি চাই, তাত তুমি অনেকক্ষণই বুঝেছ।

যুবতী। ঠাকুরপো একেবারে লজ্জার মাথা খেয়েছ। রাত দিন ভেদও এখন গেল? তোমার দূতী হ'য়ে গেলে অনেক কিল চড় খেতে হবে।

যুবক। তা বউ ঠাকুরণ, একাজ তুমি ভিন্ন আর কেউ করতে পারবে না। আমি বিশেষ দায় ঠেকে এসেছি, নৈলে এত বেহায়া হতেম না।

এই কথার পরেই যুবতী আর বাক্যব্যয় না করিয়া স্থানান্তরে গমন করিলেন। অল্প সময়ের মধ্যেই অপরা নবীনা যুবতীর হস্ত ধারণ পূর্বক প্রথমা যুবতী সেই গৃহের দ্বার দেশে আসিয়া বলিলেন—“আসামী গ্রেপ্তার করে এনেছি, বকসিস্ চাই।”

যু। তা বকসিস্ নিশ্চয়ই পাবে। বৌ-ঠাকুরণ, যে কাজ করেন তাই

করছি, অমনি দেখি নবাবের ভাইয়ের এক বাঁদি একটি বড় তরমুজ আর একখানি বড় ছুরি নিয়ে এসেছে। আমি বাঁদিকে জিজ্ঞাসা করিলাম,—ওকি? বাঁদি উত্তর করিল,—নবাবের ভাইয়ি এই আপনাকে পাঠিয়ে দিয়েছেন যা হয় তাই করুন। আমি বাঁদিকে বলে এসেছি আমার কর্তব্যাকর্তব্য চারিদিকের মধ্যেই তাকে বলব।

যুবকের এই কথায় যুবতীর মুখ অধিকতর স্নান হইল। তাহার আরও নয়নে অশ্রুধারা প্রবাহিত হইতে লাগিল। তিনি দীর্ঘনিশ্বাস ছাড়িয়া কহিলেন—“এতদিনে ঠাকুরদাদার গণনা ঠিক হ’ল। তিনি আমার কোষ্ঠী লিখিতে যেরে, খানিকটে লিখে ছিঁড়ে ফেলে দিবে, পিসিমাকে বলেছিলেন, যে এময়েটি পরম সৌভাগ্যবান পতির পত্নী হবে; কিন্তু স্বামীর সৌভাগ্যের ভাগিনী হবে না। এর জন্তে বাজলা, বেহার, উড়িষ্যার দেব দ্বিজের প্রতি অত্যাচার হবে। ইহার স্বামী স্বভাতি ও স্বর্ণ-দ্রোহী হ’বে।”

যুবক হাসিয়া বলিলেন—“তোমার হাজার বুদ্ধি থাকিলেও তুমি কেবল মানুষ ও বালিকা। সকল ভাতেই ভয়ে কেঁপে উঠ। আমার আবার সৌভাগ্য হবে? পৈতৃক সম্পত্তিটুকুও নষ্ট হ’ল; এত মাথা কোটা কুটি করেও দরবার পাচ্ছি না। তুমি আর অমূলক ভয় না করে, তরমুজ ও ছুরি পাঠানর তাৎপর্যটা কি বল।”

যুবতী। ছুরি ও তরমুজ পাঠানর তাৎপর্য আমার মাথা খাওয়া। নবাবের ভাইয়ের চরিত্র ভাল নয়। তোমার ইচ্ছা হইলে তরমুজ-রূপ তাহার সহিত আলাপের রস তুমি আন্বাদন করিতে পার। ছুরি রূপ আলাপের উপায় সেই করিতেছে। তুমি যদি তাহার সহিত আলাপ করিতে ইচ্ছা কর, তবে তরমুজটি চিরিয়া নিজে অর্ধেক খানা রাখবে, আর বাকী অর্ধেক খানা তার নিকট পাঠিয়ে দিবে।

সস্তার সকল যুবক যুবতী সন্তোগ করিয়া থাকেন । সে কালের সে সস্তার আনারাস-লভ্য ছিল না বলিয়া, অধিকতর মিষ্ট ও মধুর ছিল । তখন লজ্জারূপ সুদৃশ্য যবনিকা সংসাররূপ বঙ্গমঞ্চের পতিরূপ দর্শক ও শরীররূপ অভিনেত্রীর মধ্যে দিবাভাগে দোলারমান থাকিত । তৎকালে পতিকে এক পথে আসিতে দেখিলে পত্নী পথান্তর অবলম্বনে কিংপ্র গতিতে পলায়নপরা হইতেন এবং পতির ব্যবহারও বিপরীতরূপ ছিল না । তৎকালে দৈবাৎ দিবাভাগে পতিপত্নীর দর্শন মিলিলে উত্তরের মুখের হাসি চঞ্চল বিদ্যাদামের গার উত্তরের মুখে প্রকাশমান হইরাই লয় পাইত । সে কি মনোহর দৃশ্য ছিল ! কি মধুর ভাব ছিল ! সুন্দর ও মনোহর বস্তু আনারাস-লভ্য হইলে তাহার মধুরতা ও মনোহারিত্বের হাসি হইয়া পড়ে । লজ্জা নরভবনের ভূষণ,—নর চরিত্রের উজ্জল রত্ন । বিকসিত কুম্ব বায়ুত্তরে ছলিতেছে, ষট্পদ তাহার মধু হরণ করিতেছে, পাছ তাহার রূপরাশি দর্শন করিতেছে—এদৃশ্য সুন্দর বটে, কিন্তু একটি সুদৃশ্য গোলাপ গাছের পত্রপুঞ্জের মধ্যে একটি সুদৃশ্য গোলাপ ফুটিয়া আছে, বায়ুত্তরে সে কাঁপিতেছে না ; অলি তাহার মধু পাইতেছে না, পাছ তাহার রূপ দেখিতেছে না, যে উদ্ভান স্বামীর ধন, উদ্ভানস্বামী যখন পত্র-সিংহাসনে সেই রূপের রাশি গোলাপ-রাণীকে দেখিলেন, তখন তাঁহার কত আনন্দ । সে ফুলের সৌন্দর্য্য কি অতুলনীয় নহে ? বধু লজ্জাশীলতার সহিত গৃহ-প্রাঙ্গণে গৃহ-কার্য্য সম্পাদন করিতেছেন, পুত্র লজ্জাশীল ভাবে আপন কর্তব্যে রত আছেন ও পিতা মাতা দূরে থাকিয়া পুত্র ও বধুর লজ্জাশীল কার্য্য-তৎপর মূর্ত্তি দর্শন করিতেছেন । কথোপকথনে উৎকল পুত্র ও বধুর মূর্ত্তি দর্শন অপেক্ষা পিতা মাতার নরনে প্রথমোক্ত দৃশ্য কি অধিকতর প্রীতিপ্রদ নহে ? লজ্জা বঙ্গ-গৃহের অমূল্য ধন ! অবগুণ্ণনাবৃত লজ্জা-বনত বাঙ্গালী বধুর মুখ-কান্তি জগতের অতুলনীয় দৃশ্য ! বাহা হইল



সৌন্দর্যের রুচি সমাজভেদে পৃথক রূপ হইয়া থাকে। লজ্জার উপকারিতা সকলকেই মুক্ত কর্তে স্বীকার করিতে হইবে। লজ্জাই নিরন্ন-বঙ্গ-বৌধ-পরিবারের বন্ধনরজ্জু। লজ্জা দিবাভাগে দম্পতী-কলহের অন্তরায়। লজ্জা বধুর স্বামীতার সহিত কলহ করিবার পথের কণ্টক। লজ্জা খণ্ডর বা খণ্ডরপরিবারের অপর পুরুষ মণ্ডলের প্রতি বাক্য-বিষ-প্রবাহ প্রবাহিত করিবার পথের অবরোধ। যত দিন বাঙ্গালা গৃহের বধুর মুখে অবশুর্গন আছে, যত দিন বঙ্গ-বধুর স্বর মৃদু আছে, ততদিনই বঙ্গগৃহে শান্তি—মধুর একতা অনিত শান্তি। লজ্জার কিছুদিন ভ্রাতৃবিচ্ছেদের অন্তরায় হইতেছে, লজ্জার কিছুদিন পিতা পুত্রের কলহ নিবারণ করিতেছে, লজ্জার কিছুদিন বৌধপরিবারের উন্নতির পথ পরিষ্কার করিতেছে। লজ্জা, তুমি বাঙ্গালীর গৃহ ছাড়িও না, বাঙ্গালী বধুকে পরিত্যাগ করিও না, নিরন্ন বাঙ্গালী ভ্রাতার অকৃত্রিম ভ্রাতৃস্নেহ নষ্ট করিও না। আবার বঙ্গগৃহ লজ্জার কুসুম-সুবসার সূঁচশান্তিত হউক।



পার্শ্বভঙ্গ গোলাকার হীরকখণ্ড সন্নিবিষ্ট রহিয়াছে। মলয়ানিল কুম্ভ-মৌরভ-সস্তার অঙ্গে মাথিরা বিচরণ কালে সেই অপূৰ্ণ হার সন্দর্শনে গ্রহণ করিতে অভিলাষী হইতেছেন কিন্তু ভূঙ্গ সন্দেহে সাহসে কুলাইতেছেন না। সঞ্চরণ কালে এক একবার পরীক্ষা করিতেছেন,—চন্দ্রমা-খচিত জাহ্নবী নিজ্জীব হার কি সজীব কালফণিনী! তদীয় ভাব দর্শনে তরঙ্গদল নাচিয়া উঠিল—তাহারা নাচিতে নাচিতে ছপ্ ছপ্ বপ্ বপ্ শব্দ করিতে করিতে তীরাভিমুখে ছুটিল। পবন অপ্রতিভ হইয়া সন্নিগ্ন দাঁড়াইলেন। জাহ্নবী-তরঙ্গের খেলার, শ্রোতের সঙ্গীতে, চিন্তাশীল দর্শকের শ্রবণশুধ উৎপাদন করিতে করিতে, নিজের শ্রমশীলতার পরিচয় দিয়া—মানবকে তদীয় জীবন-শ্রোতের প্রবাহের গতি বুঝাইয়া দিয়া অবিরাম-গতিতে সমুদ্রাভিমুখে ধাবিত হইতেছেন।

এই সময়ে জাহ্নবীর উত্তর তীরস্থিত তাণ্ডা নগরীর বাজারের পশ্চিম পার্শ্বস্থ কালীমন্দিরের কিঞ্চিৎ দূরে বিকশিত পুষ্প-সম্বিত শকুলতর-শ্রেণীর নিম্নে বসিয়া দিগম্বর সার্কভৌম ও অগ্রদ্বীপের কাজি মহাশয় ধর্ম্মতর্ক করিতেছিলেন। দিগম্বর কাজির সহিত একেশ্বরবাদ সম্বন্ধে একমত হইয়া হিন্দুর পৌত্তলিকতার প্রয়োজনীয়তা ও সারবত্তা সপ্রমাণ করিতেছিলেন। কাজি তীব্র প্রতিবাদ করিতেছিলেন। কাজির তীব্র প্রতিবাদে দিগম্বর বিষম চাটুকারের গ্রাম চাটুবাক্যে স্বীয় মত যুক্তিতর্কের দ্বারা পোষণ না করিয়া, কাজির কথায় “আজ্ঞা আজ্ঞা” করিতেছিলেন। সংসারের গতি স্বংসারিক নর চিনিয়া লও। তোমার পাণ্ডিত্য, ধর্ম্ম, সত্যবাদিতা, যুক্তি, তর্ক উঠাইয়া রাখ। যদি সংসারে ভালভাবে চলিতে চাও—হাসিয়া খেলিয়া মিশিয়া মিশিয়া চলিতে চাও,—অপমান বিড়ম্বনার ভয় কর—তবে ধীরে ধীরে তাহাে স্বীয় মনোভাব প্রকাশ করিয়া স্বীয় ধর্ম্ম ও সত্য প্রমাণ করি


সৈন্ত । পাটলী গ্রামের নিরু বা রাজুঠাকুর নামে এক ছুট বামন এই বজ্রার আছে, তাহাকে গ্রেপ্তার করার ভক্ত ।

ফিং । হো—হো—হো ! পাটলীর নিরু ঠাকুর বা রাজু ঠাকুর কেয়ে ? এ বজ্রার বামন আসবে কি অন্য ? তোরা এ কার বজ্রা ঠাউরিয়েছিস' ?

সৈন্ত । বেগম সাহেব ! আমরা ছোট লোক, পরের গোলাম । আমরা কাজি সাহেবের হুকুম তামিল করতে এসেছি । আমাদের ঠাণ্ডা ঠোরর নাই । কি করবেন না করবেন, তা কাজি সাহেব জানেন ।

সহচরীর চেষ্ঠা বিফল হইল । তরী সবেগে তীরান্তিমুখে পরিচালিত হইল । নিরঞ্জন ও নিজিরণ বজ্রার গুপ্ত প্রকোষ্ঠে নিশ্চক্রে রহিলেন ।





## তৃতীয় পরিচ্ছেদ ।

### জাহ্নবী তটে ।

অগ্রদ্বীপের কাজি দ্বিজ্ঞান করিলেন—“এবজ্জায় কে ?”

সহচরী নির্ভয়ে উত্তর করিল—“তুমি কে ?”

কাজি । আমি নবাবের অগ্রদ্বীপের কাজি ।

কিং । তুমি জান এ বজ্জায় কার ?

কাজি । জানি, নবাবের ভ্রাতৃকণ্ঠার ।

কিং । তবে বামন হইয়া চাঁদে হাত দিতে এস কেন ? অতিথি হইয়া  
চোর ধরিতে এস কেন ?

ক। নবাবের ঘরে—নবাবের নির্মকের গোলাম তাই চোর ধরিতে  
আসি ।

কিং । কাল তোমার কি দশা হ'বে জান ?

ক। ইমাম মিলিবে ।

কিং । কাল তোমায় মাথা পেরান শকুনে খা'বে ।

ব্যতীত এই বজ্রার আর দুইটি সহচরী ছিল। একটির নাম ছবিরণ ও অপরটির নাম জিজিরণ। জিজিরণ সর্কাপেক্ষা বয়ঃকনিষ্ঠা ও সুন্দরী। আমিরণ মধ্যে মধ্যে রহস্য করিবার জন্তু কেলোর সহিত জিজিরণের বিবাহ দিতে চাহিত এবং গহনা গড়িতে বলিত। কেলো সে কথার সম্পূর্ণ বিশ্বাস করিয়া সার্বভৌমের সহধর্মিণীর নিকট গহনা গড়িবার প্রার্থনা করিত; কিন্তু সাহস করিয়া সার্বভৌমের নিকট কোন কথা বলিত না। মৈনিক পুরুষ কেলোকে বজ্রার মধ্যে প্রবেশ করিতে বলিয়া নিজে সশস্ত্র হইয়া বাহিরে দণ্ডায়মান রহিল।

বজ্রার যে প্রকোষ্ঠে নজিরণের সহচরীগণ ভয়ব্যাকুলিতচিত্তে অপেক্ষা করিতেছিল, কেলো সেই গৃহে অগ্রে গমন করিল। আমিরণ কেলোর হাত ধরিয়া চুপে চুপে বলিল—ঘোষ মহাশয়, জিজিরণ সঙ্গে এই রাত্রে তোমার বে হবে। গহনা যা পার দিও। এই বজ্রার গুপ্তগৃহে তোমার বাসর বহু হ'বে। অগ্রদীপের কাজি আর তোমার সার্বভৌম ঠাকুর সেই বাসর ঘর ও বে ভাঙতে এসেছে। খবরদার, সাবধান, সে গুপ্তঘর দেখিলে দিলে বে হ'বে না।

কেলো আমিরণের এই কথার আছলাদে আটখানা হইয়া বলিল—আজ্ঞে, আজ্ঞে, তা, তা আমি তা কিছুতেই দেখাব না। সার্বভৌম ঠাকুর বড় সয়তান, বড় বেল্লিক। সেদিন শিবনাথ শিরোমণি মশায় মা তাঁর বড় পৌত্রীর সঙ্গে আমার বে দিচ্ছিলেন আরকি, —তা ঐ বজ্রাত বামন ভেঁজে দিলে—কত গা'ল দিলে। মা ঠাকুরাণ ভাল, তাই বামুনের বাড়ী থাকি। তিনি মাসের মধ্যে দশটা সঙ্কর করেন, তা ঐ দুই বামুন ভেঁজে দেয়।

আমিরণ। তা যা হ'ক কথাটা বেন ঠিক থাকে।

কাল। আজ্ঞে—আজ্ঞে, তা খুব ঠিক থাকবে।

এই কথার পরে জিজিরণ কেলোর দিকে তাহার আয়ত নয়ন ঘুরাইয়া হাসিমাখা মুখে বেশ দুটা কটাক্ষ করিল। কেলোর মাথা ঘুরে গেল,— সর্বাঙ্গ কাঁপিয়া উঠিল। কেলো ধীরে ধীরে সার্কভোমের নিকট উপনীত হইল। সার্কভোম বলিলেন—বাবা কৃষ্ণচন্দ্র এসেছ, বেশ হয়েছে। কাজি সাহেব এই বজরার গুপ্ত ঘরটি দেখতে চাচ্ছেন, তুমি বাবা দেখিয়ে দেওত।

কেলো ক্রোধে আরক্তনয়ন হইয়া ভেজানের বিকৃত স্বরে বলিতে লাগিল—“তুমি মাসের মধ্যে কেলোর দশটা বে ভাজবে, আর কেলো তোমাকে গুপ্ত ঘর দেখিয়ে দেবে। এ বে কিছুতেই ভাজতে দিচ্ছি না। এ বজরায় গুপ্ত ঘর টর নাই। সকল সময়ে কেলো, আর বে ভাজবার বেলায় বাবা কৃষ্ণচন্দ্র, মণি, সোনা, গোপাল, ধন কতই বলা হয়। যাও ঠাকুর যাও। এত রাত্রে এ বজরায় মরতে এসেছ কেন?”

সার্কভোম বুঝিলেন, নজিরণের সহচরীগণ তাহাকে ষিঁঝাহের কি মিথ্যা আশ্বাস দিয়াছে। তিনি হাসি মাখা মুখে বলিলেন—“ঘোষজা, এত রাগ করছ কেন? শিবুর জ্যেষ্ঠ কন্যার সঙ্গেই তোমার উদ্বাহ ক্রিয়া সম্পন্ন করব। আমি ভেবে দেখেছি, শিরোমণির মা অতি সাধু প্রস্তাবই করেছেন। দশভুজার বয়স একাদশ বৎসর হয়েছে। সে যেমন সুন্দরী, তেমনি শিল্পকর্মনিপুণা। আগামী বৈশাখ মাসেই শুভকর্ম সম্পাদন করব।”

কা। যাও ঠাকুর যাও, তোমার আর উদ্বন্ধন হরিণাম ক্রিয়া করতে হ'বে না। আমার ক্ষমতা থাকে, ঘোষের বেটার বংশে, কুল, রূপ, গুণ থাকে, বে হ'বে, না হয় না হবে। তোমরা এখন বজরা হ'তে নেমে যাও।

মি। না হে বাপু না। উদ্বন্ধন নয়—উদ্বাহ; হরিণাম ক্রিয়া নয়,

“আমি আত্মরক্ষা করিতে পারিতাম, তোমার কথা শুনে ভাল হয় নাই। এই দেখ আমার সঙ্গে ছোরা রয়েছে ; ও কয়েকজন সৈন্য আর কাজি আমার কিছুই করতে পারত না।”

নজিরণ। আত্মরক্ষা করে পলাতে পারলেও নবাবের রাজ্য ছেড়ে কোথায় যেতে ?

নিরঞ্জন। ছদ্মবেশ ধরতেম, ছদ্মবেশ ধরে হিন্দুর তীর্থে তীর্থে বেড়াতেম, আমারত কিছুই নাই, বাড়ী নাই, ঘর নাই, ধনসম্পত্তি নাট, সবই অগ্রদ্বাপের কাজি হ’তে গেছে। যে কয় দিন বাঁচতেম দেশের কার্যেই জীবন পাত কর্তেম।

নজিরণ। তোমার কথায় আমি বিশ্বাস গেলেম না। স্বয়ং কাজি এক তরবারি লয়ে গুপ্ত গৃহের দ্বাৰে দাঁড়িয়ে ছিলেন। বঙ্গরার চারিদিকে সশস্ত্র প্রায় ৫০ জন সৈনিক ছিল। এদের হাত ছাড়িয়ে গঙ্গা সাঁত্রে আত্মরক্ষা করা আমি সঙ্গত মনে করি নাই।

নির। তোমার কথায় যে আমি ভীক্স কাপুরুষের ত্রায় আমিও পিণ্ডের মত ধরা পড়লেম, এই আমার আক্ষেপ। আমার ইচ্ছা ছিল, এই ছুরী আমার চিরশত্রু কাজির বুকে আমূল বিদ্ধ করিয়া পলায়ন করিব।

নজি। তা তুমি পারতে না, কাজির সঙ্গে অনেক লোক ছিল।

নির। তুমি আমাকে চা’ল কলা থেকে খোলা কাটা বামনই মনে করেছ। আমি কালীতে যখন ত্রায় বেদান্ত ও বেদ পড়ি, তখন কালী-মন্দিরের বাড়ীতে ভাল ভাল মন্দের নিকট কুস্তি, তীরন্দাজের নিকট তীর চালনা, অসিচালকের নিকট অসি বুদ্ধ, এমন কি আগের অস্ত্রের পর্যায় ব্যবহার শিক্ষা করেছি ; আমরা যখন কালীহ’তে পাঠ সমাপন করে বাড়ীতে আসি, আমরা ৮টি মাত্র ছাত্র। এর তিনশত কুস্তিগান দ্বারা আমাদের ঘেরাও করে। আমাদের হাতে কেবল

নির । সে কথায় কি আর কোন সুফল ফলবে ? তুমি যুবতী, আমি যুবক । তোমার সহচরী কয়েকটি যুবতী রমণী, আর তোমার প্রচরী কয়েকজন খোজা । সময় রাত্রি । সার্কভৌম ও কাজি কি ভাবে কথাটা দাঁড় করবে তারও ঠিক নাই । তারা ছুটে জনেই আমার পরম শত্রু, তুমি বাঁচলেও বাঁচতে পার ; আমার সম্পত্তি উদ্ধারের চেষ্টা গিয়েছে, কাল আমার জীবনও যাবে ।

নজি । আমার জীবন থাকতে তোমার জীবন যাবে না ; এক নির্দোষ ব্রাহ্মণকে আমার দোষে নষ্ট হ'তে দিবনা ; তুমি জাননা, এরা জ্য আমার পিতার ; ধন সম্পত্তি আমার পিতার ; সৈন্তগণ আমার পিতার । আমার পিতার মৃত্যুতে সৈন্তগণের সন্দেহ যে না হয়েছে এমন নয় । অনেক বড় বড় সৈনিক পুরুষেরা আমার বলেছে, আমার চাচাই আমার বাপজানকে খুন করেছে । আমার মার মৃত্যুও সন্দেহজনক ।

নির । তোমার পিতার যদি গুপ্তহত্যা হয়ে থাকে, এই ছুতায় তোমার প্রকাশ হত্যা হ'লে । নবাব সুলেমান অতি চতুর, এখন ~~সকল উজির, আমির, সেনাপতি, সৈনিক সুলেমানের আজ্ঞাবহ কিং~~

নজি । তারা চাচার কিংকর, ভয়ে । আমার প্রতি তাদের আন্তরিক শ্রদ্ধা ।

নির । এ ঘটনা প্রকাশ হ'লে তারা কি মনে করবে ?

নজি । আমি বলব আমার সর্বনাশ করবার জন্য চাচার ~~এক~~ এক কৌশল ।

নির । মিথ্যা কথা ? জীবনের ভয়ে মিথ্যা কথা ?

নজি । তোমার কি জীবনের ভয় নাই ?

নির । আমার জীবনের ভয় নাই । আমি মরিতেও পারি, মারিতেও পারি । আমার আক্ষেপ, দেশের কিছু করতে পারলেম না ; মর




ভূমির কিছু করতে পার্লেম না। আমার কষ্ট—বন্ধের দুরবস্থা সমান থাকল। আমার ভয়—নিন্দার। যে নিরঞ্জন হরদেব স্তায়রস্বের সর্বোৎকৃষ্ট ছাত্র, যে নিরঞ্জন কালীর পণ্ডিত মণ্ডলী-বিজয়ী আদিতীয় পণ্ডিত, যে নিরঞ্জন হিন্দুর পরম সূত্রদ, সেই নিরঞ্জনের পৈতৃক সম্পত্তির উদ্ধার কি প্রেমপিপাসু মুসলমানের যুবতীর গৃহে রজনীতে গুপ্ত প্রেমলিপ্সা? কা'ল জনসমাজে কি করে মুখ দেখাব? কি মনস্তাপ! কি আত্মমানি। দয়াময় হরি, এই কি তোমার মনে ছিল? শিবশস্তা! শিবশস্তা! শিবশস্তা! হুর্গা হুর্গতিনাশিনী মা! আর কত হুঃখ ক্লিষ্ট!

অপরিণাম দর্শীর পরিণাম এইরূপই বটে। আমি ফলাফল না ভেবে, হিতাহিত চিন্তা না করে, তোমার বজ্রায় উঠেছি। বালকের স্তায়, পাগলের স্তায়, কোতূহলের বশবর্তী হ'য়ে পরিণামের দিকে দৃষ্টি করি নাই। এখন বুঝলেম, আমার স্তায় অপরিণামদর্শীর এইরূপ আত্মমানি, এইরূপ মনস্তাপ, এইরূপ কলঙ্ক হওয়াই উচিত। আমি যাহার অধিকারী হইব, তাহাতে আর আক্ষেপ কি? কলঙ্কের সোঝা মাথায় করিয়া মরিতে হয় মরিব, সেও আমার কর্ম ফল। নজিরগ! তুমি যদি মর, তবে আমার বড় মনস্তাপ। আমি তোমা অপেক্ষা বয়সে বড়, অনেক দেশ বেধেছি, অধ্যাপককে আমার জগৎ বহু পরিশ্রম করতে হইয়াছে, কিন্তু আমার যে কোন জ্ঞান হয় নাই, তা আজ জান্লেম। তুমি বালিকা, মুসলমানের অন্তঃপুরচারিণী; তোমার শিক্ষা, অভিজ্ঞতা কিছুই নাই। তুমি আদরের পুতুল, সোহাগের প্রতিমা। তোমার ভ্রম আমার বোগ্য। আমার ঘোষের প্রায়শ্চিত্ত নাই, দণ্ড বিধান নাই।

এইরূপে দুই জনে কত কথা হইতে লাগিল। কষ্টের সময়, চিন্তার সময়, কষ্টের চাকল্যের সময়, মোকে নির্জনতা ভাল বাসে। কথা বলিতে

বিশ্বস্ত প্রাচীন ভৃত্য কালীমন্দিরের দ্বারদেশে প্রহরীর কার্য্য করিতেছিল । নিদ্রে ! তুমি আজ নিরঞ্জন ও নজিরগকে পরিত্যাগ করিয়াছ কেন ? তোমার অব্যাহত গতি, তোমার অসীম বল । তুমি রজনীর সহচরীরূপে ভূপৃষ্ঠে অবতীর্ণা হইয়া বিষম ষাডুমন্ত্রে তাহাদিগকে মুগ্ধ কর । তোমার অমুচর স্বপ্ন কত কুহকে জীবজগৎকে মুগ্ধ করে । নিদ্রে ! তুমি শোকা-তুরের শান্তি দাত্রী, তুমি বিপনের ক্ষণিক আশ্রয়দাত্রী, তুমি চিন্তাশীলের চিন্তাহারিণী, তুমি শ্রমশীলের শ্রমহারিণী । তোমার মোহ দেখিয়া মহানিদ্রার মোহের জন্ম প্রস্তুত হইতেছি । পাপ কলঙ্কের ডালি মাথায় করিয়াও মহানিদ্রার অঙ্কে মস্তক রাখিবার সাহস করিতেছি । তোমাতে আর মহানিদ্রার প্রভেদ কি ? তুমি দৈনিক শ্রমের শান্তিদায়িনী, আর মহানিদ্রা জীবনব্যাপী শ্রমের শান্তিহারিণী, তবে কেন মহানিদ্রার জন্ম ভীত হইব ? নিদ্রার অল্প সময়ের জন্ম স্বজনগণকে ভুলিতেছি ; মহানিদ্রার জানি না কত কালের জন্ম স্বজনগণকে হারাইব । এখন কিচাঁর, স্বজন কে ? সংসারে কি স্বজন আছে ? স্বার্থশূন্য স্বজন যদি পাও, তবে আর তুমি মহানিদ্রার জন্ম প্রস্তুত হইও না । সহধর্ম্মিণীর ক্রোধবন্ধিম মুখ খানি কি মনে পড়ে ? তনয়তনয়ার স্বার্থপূর্ণ চিবুকটি কি মনে হয় ? ভ্রাতা ভগিনীর স্বার্থের আকর্ষণ টুকু কি কখন লক্ষ্য করিয়াছ ? এসব যদি লক্ষ্য না করিয়া থাক, তবে মানব তুমি অমর হইয়া ইহলোকে বিচরণ কর,—মহানিদ্রাকে আর আহ্বান করিও না ।



প্রেমচাঁদ। বড় সর্কনাশ! নিরঞ্জন ঠাকুর আর নবাবের ভাইঝি ধরা পড়েছে। কালী বাড়ীতে তাদের বন্দী করে রেখেছে। পাহারার খুব ভাল বন্দোবস্ত হয়েছে। একথা কাউকে বলতে মানা। তুমি বুড়ো মানুষ তাই তোমাকে বল্লেম।

যোগ। নিরঞ্জন ঠাকুর হ'ক আর নজিরণ বিবি হ'ক তাতে আমাদের বরে গেল। আমার তারা না ধরা পড়লেই বাঁচি। বাবা তুই বাড়ী যা।

এই প্রেমচাঁদের কথায় যোগমায়ার শিরে যেন সহস্র বছর পড়িল। তিনি ক্রতবেগে গৃহে প্রত্যাগমন করিলেন। প্রত্যাৎপন্নমতি-প্রভাবে তিনি সহসা মতি স্থির করিলেন। তিনি দীনা, মলিনা ভৈরবীবেশে :ধূপ, দীপ, নৈবেদ্যাদি পূজোপকরণসহ বহির্গত হইলেন।

পথি মধ্যে দেখিলেন এক ক্ষুদ্র তরীতে দুই জন ধীবর মৎস্য ধরিতেছে। তিনি তাহাদিগকে গভীর স্বর ডাকিলেন। রমণী-কণ্ঠ-বিনিঃসৃত অথচ গভীর কণ্ঠধ্বনি শ্রবণ করিয়া ধীবর ভয়বিহ্বল চিত্তে নিকটে আসিল। যুবতী তাহার হস্তে পঞ্চ মুদ্রা দিয়া বলিলেন—“আমি কালীমার পূজা করি, ভৈরবী গঙ্গার দক্ষিণ পারে থাকি। একটি শবে উঠিয়া গঙ্গা পার হইতাম। সে শব এক্ষণে উদ্ধার হইয়া গেল। আজ আর পারের উপায় নাই। আমি মার পূজার পরে যখন ফিরে আসিব, তখন যোগ মগ্ন থাকিব, কথা বলব না। আমাকে গঙ্গার পরপারে নবাবের ভাইঝির বজরাগুলি যেখানে আছে, ঐ স্থানে নামিয়ে দেবে। আর মাছ মের না, তোমার পারিশ্রমিক দিলাম।”

ইতর শ্রেণীর ধীবর এক সঙ্গে পঞ্চ মুদ্রা পাইয়া বড় সন্তুষ্ট হইল। যুবতীকে ভৈরবী বলিয়াই বিশ্বাস করিল এবং তাহার কথা সম্পূর্ণ প্রত্যয় করিল।

অনন্তর যোগমায়ী দ্রুতপদে কালীমন্দিরে গমন করিলেন । তিনি তথায় গমন করিয়া দেখিলেন কালীর পরিচারক স্বরূপ দ্বারে ঠেস দিয়া ঘুমাইতেছে । মৃদু মধুরস্বরে জিজ্ঞাসিলেন—“স্বরূপ ! আজ এখানে কেন ?”

স্বরূপ নিদ্রোখিত হইয়া ভৈরবীর পদে লুপ্তিত হইল এবং ভয়বিম্বিত চিত্তে জিজ্ঞাসা করিল—“মা ! আপনি কে ? এত রাত্রে !”

যোগ । বাবা ! আমার চেন না ? আমি ত্রিপুরা ভৈরবী । আমি মার পূজা করি । তোমার দিগম্বর ঠাকুরত কেবল ফুল ছড়িয়েই ঘণ্টা বাজান আর চিনি কলা নৈবিদ্য আর পাঠার মাথা বেঁধে নিরে বাড়ী পালান ।

স্বরূপের এ কথায় বিশ্বাস হইল । সে দিগম্বরের উপর রুঠ । দিগম্বর তাহাকে চিনি কলার ভাগ অন্নই দিয়া থাকেন । স্বরূপ বলিল—“মা, তা সত্য, ঠাকুর পূজা করে না । আমার কিছু দেয় না । কিন্তু তা হলেও আজ্ঞাত আপনি পূজা করতে পারবেন না । ভাঁড়ার ঘরে বদমায়েস বন্দী আছে । বিশেষ দরজার চাবি আমার কাছে নাই ।”

যোগ । বাপ, ~~কি~~ কি ? শত বদমায়েস থাক, তাতে আমার পূজার ব্যাঘাত হ'বে কেন ? আমি পূজা না করলে মার পূজা হবে না, আমার দুই দিনের মধ্যে আহার হবে না । মার পূজা না হ'লে কি হয় তা ত জান । তোমারও ছেলেটা মেয়েটা আছে—মার ঘর খুলতে আমি যে চাবি লাগাব তাতেই খুলবে ।

স্বরূপ এই কথায় ভয় পাইল । এমন সময়ে কৃষ্ণচন্দ্র আসিয়া তাহার কাণে কাণে কি বলিল । স্বরূপ চুপে চুপে ভৈরবীকে বলিল—“মা, পার ত দরজা খুলে তাড়াতাড়ি পূজা সেরে যাও ।”

যোগ । তা যাচ্ছি । আমি কিরে যাবার সময় কথা কহিব না, তখন আমি যোগমগ্ন থাকিব ।

জেলের নৌকা দেখবে । সেই নৌকার উঠবে । সেই নৌকার উঠলেই তোমাদের তোমার বজরা গুলি যেখানে আছে সেখানে নামিয়ে দেবে । তুমি তীরে উঠে একটু এদিকে ওদিকে যাবে । তারপরে মাঝিরা অদৃশ্য হ'লে, এ সাজ পোষাক ফেলে দিয়ে, গা ধুয়ে আবার নজিরণ সেজে তোমার বড় বজরায় ঘুমিয়ে থাকবে । কা'ল তোমার চাচা জিজ্ঞাসা করলে বলবে—“আমি নিরঞ্জন ঠাকুরকে চিনি না । বাঁদী আর খোজারা পাঁচ মোহর সন্দেশ খেতে পেয়ে, কোন ঠাকুর আর তার স্ত্রীকে এক বজরায় উঠিয়ে ছিল । ঠাকুর বড় ভাল গান করে, তাই বাঁদীদের আগ্রহে আমি একখানা বজরা দিতে হুকুম দিয়ে ছিলাম । পথে কারো সঙ্গে কোন কথা বলা না ।”

নজিরণ ভৈরবী সাজিয়া ঈষৎ কৃতজ্ঞতার হাসি হাসিয়া যোগমায়ার আদেশ ও উপদেশ অনুসারে কার্য্য করিলেন । বলা বাহুল্য নজিরণ বুঝিলেন, নবীনা ভৈরবী নিরঞ্জনের ধর্ম্মপত্নী । নিরঞ্জন তখন নির্ভয়ে হাসিয়া বলিলেন—“ধন্য তোমার সাহস ! ধন্য তোমার প্রতিভক্তি !”

যোগমায়া লজ্জিত হইয়া বিষয়াস্তুরে কথা লইবার জন্ত বলিলেন—  
দেখ দেখি, তোমার গৈরিক বসন ও রুদ্রাক্ষমালা এনে ভাল করে ছিলাম কি না ?

নির । তুমি বেমালুম ভৈরবী সেজে ছিলে ; এখন তেমনই বেমালাম মুসলমানী সেজেছ । এখন হুকুম কর, কা'ল নবাবকে কি বলতে হ'বে ।

যোগ । এই এক প্রহর দেড় প্রহরের মধ্যে বুঝি নিজে হুকুম তামিল করে এখন সকলের কথাকেই হুকুম বল ? দাসী আবার প্রভুর প্রতি হুকুম ক'রে থাকে কবে ?

নিরঞ্জন এই কথায় লজ্জিত হইয়া বলিলেন—“তুমি কি আমার প্রতি সন্দেহ কর ?”

করিত । স্বরূপ নিরঞ্জনকে চিনিত । সে নিরঞ্জনের দেবভক্তি,  
পাণ্ডিত্য ও বাক্পটুতারদ্বারা ভাল বাসিত ও ভক্তি করিত । স্বরূপের  
যত্নেই নিরঞ্জন সেই বন্দীগৃহে পৃথক পর্য্যক ও উত্তম শয্যা পাইয়া  
ছিলেন ।



ছিল। সুলেমান বর্তমান রাজমহলের নিকটবর্তী কোন স্থানে গঙ্গার উভয় তীরে তাণ্ডানগরী সংস্থাপন করিয়া ছিলেন। গঙ্গার দক্ষিণ তীরে তাণ্ডা নগরীতে নবাবের প্রাসাদ নির্মিত হইয়াছিল। ভাগীরথীর উত্তর তীরে তাণ্ডার বাজার ও ধনী মহাজনগণের বিপণি-বীথি সংস্থাপিত হইয়াছিল। তাণ্ডার অবস্থিতি ভূমি ভাল হওয়ায়, বহুদিন বঙ্গে অরাজকতার পর কথঞ্চিৎ শান্তি সংস্থাপিত হওয়ার ও সোলেমানের সুখ্যাতি সর্বত্র পরিব্যাপ্ত হওয়ার, অল্পদিনের মধ্যে তাণ্ডা সমৃদ্ধিশালিনী নগরী হইয়া উঠিল। যে স্থানে কিছুদিন পূর্বে খাপদসকুল অরণ্যে বনজ তরুলতার অভ্যন্তরে নানাজাতীর বিহঙ্গকুল কুঞ্জন করিত, সেই স্থলে এক্ষণে গঙ্গার উভয় তীরে সুধাধবলিত সৌধমালা-বিরাজিত নগরী মধ্যে ক্রেতা, বিক্রেতা ও শ্রমজীবীগণের কোলাহলে পূর্ণ হইল ও গুণী, জ্ঞানী, শিল্পীগণ স্ব স্ব গুণের পরিচয় দিতে লাগিল। এই সমৃদ্ধিশালিনী তাণ্ডা নগরী এক্ষণে ভাগীরথী-গর্ভে লীন হইয়াছে। মোগল সম্রাটদিগের সময়ে সংস্থাপিত বর্তমান রাজমহল নগর তাণ্ডা বিলোপসাধনের পুরে সংস্থাপিত হইয়াছে। অনুমান হয়, রাজমহলের কিঞ্চিৎ দক্ষিণ পূর্বে তাণ্ডা অবস্থিত ছিল।

বঙ্গে অরাজকতার সময়ে সোলেমান কররাণির জ্যেষ্ঠ ভ্রাতা তাজ খাঁ স্বীয় বুদ্ধিকৌশলে একদল পাঠান সেনা গঠন পূর্বক তাহার নেতৃত্ব গ্রহণ করেন এবং গোড় ও তন্নিকটবর্তী স্থান সকল জয় করিয়া, নিজের প্রধান স্থাপন করেন ও বঙ্গদেশের অনেক অংশ শান্তিময় করিয়া তুলেন। তাজ খাঁ স্বীয় সৈনিকগণের পরম প্রিয়পাত্র ছিলেন এবং শাসন ও পালন গুণে তিনি প্রকৃতি পুঞ্জেরও সাতিশয় ভক্তিভাজন হইয়া উঠিয়া ছিলেন। প্রথমতঃ সোলেমান তাজ খাঁর সহায় ও সতি বিশ্বস্ত ভ্রাতা ছিলেন। পরে যখন তাজ খাঁর যশ সর্বত্র পরিব্যাপ্ত হইল এবং

লোকে তাজ খাঁকে ভূরি ভূরি প্রশংসা করিতে লাগিল, তখন সোলেমান মনে মনে ঈর্ষানলে দগ্ধ হইতে লাগিলেন। ভ্রাতার উচ্চপদ অধিকার করিবার জন্ত সোলেমানের লালসা হইয়া উঠিল। অনেকে সন্দেহ করেন, সোলেমান গোপনে বিষপ্রয়োগে ভ্রাতা তাজখাঁর নিধনসাধন করেন। সোলেমানও বুদ্ধিমান ও পরমকৌশলী ছিলেন। তাজখাঁর নিধনে গৌড়ের প্রকৃতিপুঞ্জ ও সৈন্তগণ বড়ই অসন্তোষ প্রকাশ করিতে লাগিল। সোলেমান প্রকৃতিপুঞ্জ ও সৈন্তগণমধ্যে বিদ্রোহিতার লক্ষণ দর্শন করিতে লাগিলেন। তিনি ঘণাক্রম প্রকৃতিপুঞ্জের স্নান মুখ দেখিবার আশঙ্কায় রাজধানী গৌড় হইতে ভাণ্ডার স্থানান্তরিত করিলেন এবং নানা উপায়ে সৈন্তগণকে সন্তুষ্ট করিতে লাগিলেন। তিনি ভ্রাতৃশোকে মুহূর্ত্তমান ভাব দেখাইতে লাগিলেন এবং ভ্রাতৃকৃত্য নজিরগের প্রতি বড় আদর সোহাগ করিতে লাগিলেন। তাজ খাঁর স্ত্রী বা অল্প পুত্র সন্তান ছিল না। নজিরগ আফ্লাদের পুত্র হইয়া উঠিলেন।

সোলেমান নূতন নগরী নিৰ্ম্মাণের পর বাঙ্গালা বিহারে সুদৃঢ় আধিপত্য সংস্থাপনান্তে মোগলগৌরব রবি বাদশাহ আকবরের সহিত সখ্য স্থাপনে প্রয়াস পাইতে লাগিলেন। তিনি দিল্লীর সম্রাটের নিকট নানা উপায়ন পাঠাইলেন এবং তাঁহার অধীনতা স্বীকার করিলেন। বাদশাহ আকবরও বিনা শোণিতপাতে পূৰ্ব্ব রাজ্য তাঁহার বশতা স্বীকার করিল দেখিয়া, পরম পুলকিত হইলেন। সোলেমান আপনাকে দিল্লীর সম্রাটের অধীন বলিয়া তাঁহার নিকট পত্র লিখিতে লাগিলেন বটে ; কিন্তু স্বরাজ্যে স্বাধীন বাদশাহ বলিয়াই ঘোষণা করিতে লাগিলেন।

'মোগল-গৌরব-রবি আকবর এই সময়ে রাজপুত-কুল-গৌরব প্রতাপ সিংহের সহিত তুমুল সংগ্রামে ব্যস্ত ছিলেন। প্রতাপের অধ্যবসায়, দৃঢ় প্রতিজ্ঞা, সহিকুতা, উদ্যম, উদ্যোগ কৌশল সন্দর্শনে তাঁহার বীর স্বভাবের



করেকখানা গ্রাম স্কুল ছিল। তাঁহার পাকা দোমহলা বাড়ী ছিল এবং বাটীতেও করেকটি দেবদেবী মূর্তি প্রতিষ্ঠিত ছিল। বিগ্রহ মূর্তির নামা-স্থানে বৃষ্টিতে পান্না যায়, তাঁহারা বিষ্ণুমন্ত্রের উপাসক ছিলেন।

প্রথমে নিরঞ্জন গ্রামের চতুষ্পাঠীতে সংস্কৃত ব্যাকরণ ও সাহিত্য অধ্যয়ন করেন। অনন্তর তিনি নবদ্বীপে যাইয়া বিখ্যাতনামা পণ্ডিত বাসুদেব সার্বভৌমের দৌহিত্র হরদেব শ্রায়রত্নের নিকট শ্রায় ও জ্যোতিষ পাঠ করেন। অতঃপর তিনি শ্রায়রত্ন মহাশয়ের পরামর্শক্রমে মিথিলায় যাইয়া শ্রায়ের কোন কোন গ্রন্থ পাঠ করেন এবং বারাণসী ধামে যাইয়া বেদান্ত মীমাংসা ও সমগ্র বেদ অধ্যয়ন করেন। যৎকালে পাঠ সমাপন করিয়া নিরঞ্জন ব্রাটী আসিলেন, তখন তাঁহার ভ্রাতা সুধীবর্জন মিথিলায় গিয়া পড়িতেছিলেন। নিবর্জন যখন গ্রাম্য চতুষ্পাঠীতে ব্যাকরণ ও সাহিত্য অধ্যয়ন করেন, তৎকালে দেশীয় প্রধানস্বারে তিনি মৌলবীর নিকটে অধ্যয়ন করিয়া পারশিক ও আর্বি ভাষায় বিলক্ষণ ব্যুৎপন্ন হইয়াছিলেন। তিনি অসাধারণ প্রতিভা সম্পন্ন লোক ছিলেন, বেদে ও কোরাণে তাঁহার অসাধারণ অধিকার জন্মিয়াছিল। পশ্চিম দেশে বেধ পাঠকালে নিরঞ্জন মধ্যে মধ্যে মৌলবী দিগের সহিত বিচার করায় কোরাণাদির তাৎপর্য্য বিস্মৃত হন নাই। নিবর্জন বলিষ্ঠ ও সুস্থী যুবক ছিলেন। তিনি মল্লযুদ্ধ, অসি ও তীর চালনা যত্ন পূর্ব্বক শিক্ষা করিয়াছিলেন।

নিরঞ্জন হিন্দু ধর্ম্মনিষ্ঠ গৌড়া হিন্দু ছিলেন। জেতা ও বিজেতার পার্থক্য তাঁহার মনে স্থান পাইত না। তাঁহার বিশ্বাস ছিল, হিন্দুগণের মধ্যে একতা স্থাপিত হইলে, মুষ্টিমের মুসলমান হিন্দুর ফুৎকারে উড়িয়া যাইতে পারে। কাশীতে অবস্থিতি কালে তিনি মল্ল সমাজে অনেক হিন্দুবীর চরিত্র অবগত হইয়াছিলেন। অনেক মুসলমান বোদ্ধগণের সহিত বন্দ-বন্দ করিয়া তাঁহার বিশ্বাস জন্মিয়াছিল, হিন্দুই মুসলমান

হইলেন এবং মাতুলানীগণের নিজ নিজ স্নুধাগণের অপেক্ষাও অধিক ভালবাসা পাইতে লাগিলেন। যোগমায়া পাকে সর্বোৎকৃষ্ট পাচিকা, জল-সংগ্রহে সর্বাপেক্ষা বলিষ্ঠা এবং যাবতীয় গৃহকর্মে সর্বাপেক্ষা সুকৌশল-সম্পন্ন বলিয়া প্রশংসা পাইতে লাগিলেন। বাটীর শিশু পুত্রকন্যাগণ তাঁহার বাধ্য হইয়া পড়িল। বৃদ্ধ দীননাথ যোগমায়ার পাক করা অন্ন ব্যঞ্জন খাইয়া পবিতৃপ্ত হইতে লাগিলেন। বৃদ্ধা মাতা-মহী মুক্তকণ্ঠে যোগমায়ার প্রশংসা করিতে লাগিলেন। যোগমায়ার এত প্রশংসা—এত আদর সত্ত্বেও সেই বাটীতে কেহ যোগমায়ার শত্রু হইলনা এবং কেহ তাঁহার হিংসা করিত না।

আমরা যে সময় হইতে এই আখ্যায়িকা আবৃত্ত করিয়াছি, তখন নিরঞ্জনের তিন মাস তাণ্ডায় আসা হইয়াছিল। সোলেমান কররাণি অতি বুদ্ধিমান ও বিচক্ষণ বঙ্গেশ্বর ছিলেন, তাঁহার নবপ্রতিষ্ঠিত তাণ্ডা নগরীতে শতসংখ্যক কৃতবিদ্য মৌলবী ও ব্রাহ্মণ পণ্ডিত বাস করিতেন। বঙ্গেশ্বর মৌলবী ও পণ্ডিতগণকে সমভাবে উৎসাহ দান করিতেন। তাঁহার নব নগরীতে জ্ঞানী, গুণী, শিল্পী, সকলোই বিশিষ্টরূপে উৎসাহ পাইতে ছিলেন। অতি অল্প দিনের মধ্যে নিরঞ্জন তাণ্ডায় প্রসিদ্ধি লাভ করিলেন। তিনি প্রতিদিন দলে দলে মৌলবীগণকে কোরাণেব বিচারে ও পণ্ডিতগণকে সাহিত্য, দর্শন ও বেদের বিচারে পরাস্ত করিতে ছিলেন। গায়ক ও বাদকগণ তাঁহার নিকট পরাস্তব স্বীকার করিতেছিলেন।

নিরঞ্জন যে কেবল বিচার করিয়া নিবৃত্ত ছিলেন, তাহাও নহে। তিনি নবাবের সহিত দেখা করিবারও যথেষ্ট প্রয়াস পাইতেছিলেন। সেকাল ও একালে অনেক প্রভেদ। বিশেষতঃ নিরঞ্জনের প্রার্থনীর বিষয় বহু গুরুতর। নবাব-সরকারের আশ্রয় ও উজিরগণ নিরঞ্জনকে

আশা দিয়া শুভ সময়ের অপেক্ষা করিতে বলিতেছিলেন । সোলেমান গুণগ্রাহী ছিলেন । নিরঞ্জনের বিচার করিবারও উদ্দেশ্য ছিল । তিনি ভাবিয়া ছিলেন, নবাব তাঁহার গুণের পরিচয় পাইলে, তাঁহার সহিত সাক্ষাৎ লাভের পথ সুপরিষ্কৃত হইবে । বাস্তবিক নবাবও নিরঞ্জনের গুণের পরিচয় পাইয়াছিলেন । এত দিন নিরঞ্জনের সহিত নবাবের দেখা হইত, কিন্তু তাহার এক অন্তরায় ঘটিয়াছে । নিরঞ্জন তাহার সুখ্যাতি লাভ করিতেছেন জানিয়া, অগ্রদ্বীপের কাজি কোন রাজকার্যের ব্যপদেশে কয়েক শত সৈন্যের সহিত তাহার আসিয়া উপনীত হইয়াছেন । তাঁহার কয়েক জন আত্মীয় নবাব সরকারে উচ্চপদে প্রতিষ্ঠিত হইয়াছিলেন । এক পক্ষে মৌলবী ও পণ্ডিতগণ নিরঞ্জনের অসাধারণ লোক বলিয়া নবাবের নিকট তাঁহার গুণ কীর্তন করিতেছেন, অন্য দিকে কাজির পক্ষীয় নবাবের পার্শ্বচরগণ নিরঞ্জনের রাজদ্রোহী, অত্যাচারী, মুসলমানদ্রোহী বলিয়া ঘোষণা করিতে ছিলেন । এই কারণে সোলেমান নিরঞ্জনের সহিত দেখা করিতে ইতস্তত করিতেছেন ।

সলিম সা ফকির নবাবের দর্শন লাভ করিয়াছেন । ধর্মবলে নবাবের বেগম মহালেও তাঁহার অব্যাহত গতি হইয়াছে । সলিম কথা শ্রবণে বেগম মহলে নিরঞ্জনের গুণ ও নিরঞ্জনের প্রতি অগ্রদ্বীপের কাজির অত্যাচারের কথা বলিয়া ফেলিয়াছেন । নিরঞ্জন সম্বন্ধে নবাব ও সলিমেও কথা হইয়াছে । সলিম বুদ্ধিমান । তিনি ধীরে ধীরে নবাবের মনের গতি নিরঞ্জনের অন্তরালে আনয়ন করিতেছিলেন ।

নজিরণ যে নিরঞ্জনের জন্য উন্মাদিনী হইয়াছে, সে কেবল নিরঞ্জনের সঙ্গীতে নহে । সলিম নজিরণের নিকটও নিরঞ্জনের অপেক্ষ গুণ কীর্তন করিয়াছেন । সলিমের ইচ্ছা ছিল, বেগম সাহেবা, সম্রাটের প্রিয় ভ্রাতৃকন্যা

বন্দী করিয়া রাখিয়াছেন। নবাব অনুমতি করিলে, তাহাদিগকে নবাব সদনে প্রেরণ করা হইবে। এই সংবাদে সোলেমান চমৎকৃত ও বিস্মিত হইয়া কতিপয় বিশ্বস্ত উজির ও আমিরের সহিত কালীমন্দিরের নিকটস্থ বকুল তরুর মূলে আগমন পুরঃসব দণ্ডায়মান হইয়াছেন। স্বরূপের বাক্য শ্রবণে সোলেমান বলিলেন—“কাজি সাহেব ও সার্কভৌম ঠাকুর! তোমরা বোধ হয় ভুল করেছ। দোষী লোকে নির্ভয়ে ঘুমাতে পারেনা। তোমরা নিরঞ্জনকে যত দোষী বলছ, আমি তত তার প্রশংসা শুন্ছি। সে পণ্ডিত, সে মৌলবী, তার এরূপ দুস্প্রবৃত্তি হবে না।

কাজি। জাঁহাপনা! মাপ করবেন, বোধ হয় ভুল হয় নাই। আমরা স্বচক্ষে দেখেছি।

সার্ক। খোদাবন্দ! ভুল করি নাই। সেই দুই আর ছোট বেগম সাহেবা।

সোলেমান। তোমরা কি নজিবগকে চেন?

নজিবগকে চিনিলেও সার্কভৌম ও কাজিব সাহসে কুলাইলনা। অপর্যাপ্ত সন্মানে ব্রাহ্মকন্যাকে তাহাদিগের চিনিত পাবা সঙ্গত নহে। তাহারা উভয়ে সম্বরে বলিলেন—“আজ্ঞা, আজ্ঞা, তাত বড়—তবে কিনা, তবে কিনা, হুজুবের খজরা কাপড় চোপড় গহনা গাঁটা অনেক দেখ্লেম।”

স্বরূপ এই অবসরে যুক্তকরে বলিতে লাগিল—“জাঁহাপনা! আমারত সে হুজুরের ভাইজির মত ঠেকেনা। তাদের দুইজনের ভাব দেখে আমার বোধ হলো, ঠিক ঠাকুর ঠাকুরাণী, আমের গাছে শ্রামলতা। আজকালকার দিনে এই রাজধানীতে বাদসাহী ধরণে গহনা কাপড় অনেকেই করছে। আমি ঠাকুরকে মানা কর্লেম, আমাদের ছোট লোকের কথা কি থাকে?”

পলাশ-সুন্দরীগণ বাসন্তী রঙ্গের বসন পরিয়া তরুশিরে হেলিয়া ছলিয়া যেন গর্কের হাসি হাসিতেছে। তদর্শনে রক্তবর্ণ কিংক-বস্ত্র-মণ্ডিতা শাল্মলী পুষ্প সুন্দরীগণ মৃত্তিকায় বদন লুকাইতেছেন। নীলাশ্রাবৃত-দেহা অপরাঞ্জিতা পত্রপুষ্পের অন্তরালে সার বাঁধিয়া দাঁড়াইয়া এই রহস্য অবলোকন করিয়া কৃষ্ণরাগ রঞ্জিত দশনপংক্তি বাহির করিয়া অন্ন অন্ন হাসিতেছেন। এমন সময়ে স্থলপদ্মিনী বয়োধিকা প্রোঢ়ার ঞ্চার গোলাপী বসন পরিয়া তরুশির হইতে বায়ু ভরে শিরঃকম্পনচ্ছলে যেন সকলকে বলিলেন—“যা লো যা, বসনভূষণের আবার গর্ব কি? বসনভূষণে যদি গর্ব থাক্ত, তবে বল দেখি ময়ূরের কাছে হেঁট মুখ নয় কে? শুণের আদর, ধর্মের মান বড়।” এই কথায় খেতবসন গন্ধরাজ যেন একটু দৃষ্ট হইয়া মাথা দোলাইয়া মল্লিকা সুন্দরীকে বলিল—“দিদি, যা বলে তা ঠিক।” কামিনী হাসিয়া খিল খিল করিয়া বলিল—“ঠিক, ঠিক, ঠিক।”

জনতা বড় বাড়িয়া উঠিল। নানা জনে নানা কথা বলিতে লাগিল। কোলাহলে নিকটবর্তী দুইজনের কথাও পরস্পর শুনিতে পাইল না। তখন নিরঞ্জন ভূতলে জানু পাতিয়া পুনরপি বলিতে লাগিলেন—“জাহাঁপনার অসুখ হইলে, আমার ধর্মপত্নী তাঁহার প্রার্থনা জানাইতে আসিতেন। আমাদের প্রার্থনার বিষয় অনেক আছে। আজ যদি সুপ্রভাত হয়েছে, জাহাঁপনার দর্শন লাভ ঘটেছে, তবে আজ সকল দুঃখের কথা নিবেদন করব।

সোলেমান একবার সেই সুবৃহৎ জনতার প্রতি দৃষ্টি করিলেন। একবার আকাশের প্রতি দৃষ্টি করিলেন ও একবার আরক্তনয়নে অগ্রস্বীপের কাজি ও সার্কভোমের প্রতি দৃষ্টিপাত করিলেন। অনস্তর নিরঞ্জনকে সম্বোধন করিয়া বলিলেন—“তুমি কাজটি বড় ভাল কর নাই। তোমার কাছে আমার মান সঙ্গর লইয়া টানা টানি পড়িবে। নজিরগের নিফলক

দেবালয়ের সুন্দর ভাব আর কি জীবনে দেখিব ? ধর্মভাবে আর কি মন  
প্রাণ পুরিয়া উঠিবে—এই বলিতে বলিতে তিনি কান্নিতে লাগিলেন ।”

সোলেমান যোগমারার প্রার্থনা শুনিতে আসেন নাই । তিনি জনতা  
বিভাঙ্কিত করাইতেছিলেন বটে, কিন্তু তাঁহার আন্তরিক ইচ্ছা জনতা  
তাঁহার সঙ্গেই আসে । সোলেমানের আশা পূর্ণ হইল । সোলেমান  
বলিতে লাগিলেন—“তুমি প্রজা-বধু, আমি নবাব ; তুমি মা, আমি  
পুত্র ; অথবা তুমি কণ্ঠা, আমি পিতা । আমার আবদার তোমার সর্বতো-  
তায়ে রক্ষা করা উচিত ; তোমার স্বামীর অপরাধ হইয়া থাকে, পরে  
বিচার করিব । অগ্রদ্বীপের কাজি ও সার্কভৌম কোন অপরাধ করিয়া  
থাকেন, তাহারও দণ্ড বিধান হইবে । তোমার প্রার্থনার বিষয় সকলও  
পরে জানিব । প্রার্থনা শুনিলার ও বিচার করিবার এ সময় নহে ।  
জনতা হইতে যে যে কথা উঠিতেছে, মা তাহা তোমার কর্ণপোচর  
হইতেছে । মা ! আজ এক নিরপরাধা ভদ্রমহিলার চরিত্র লইয়া  
আন্দোলন হইতেছে । তুমি নিরঞ্জনের ধর্মপত্নী, কি আমার ভ্রাতৃকণ্ঠা  
নজিরগ—উপস্থিত জনতার এই সন্দেহ । তুমি সন্তানের কথার তোমার  
দেবোপম মুখ জনতাকে দেখাইয়া অল্প সতীর চরিত্রদোষ কাগন কর ।  
তুমি নারী জাতি । তুমি সকলেরই মাতা ; তুমি মাতৃভাবে সকলকে  
তোমার মুখ দেখাও । তুমি কালীমন্দিরের রকের উপর দণ্ডায়মান হইয়া  
তোমার দেবী মূর্তির বিমল জ্যোতি বিকিরণ করতঃ যে কলঙ্কের ছায়া  
নজিরগের চরিত্র গ্রাস করিতে উদ্যত হইয়াছে, তাহাকে দূর কর ।  
সতীর অল্প সতীর গৌরব রক্ষা করাই কর্তব্য । তুমি পতির আদেশে,  
পতির সঙ্গে, পতির সম্পত্তি উদ্ধারের জন্ত পতির অমুগতা হইয়া যে কার্য  
করিতে ব্রতী হইয়াছ, তাহাতে মুক্তকণ্ঠে সকলেই তোমার প্রশংসা  
করিবে—বন্দে চিরকাল তোমার কীর্তি ঘোষিত হইবে ।”

বন্ধন করা না হইলে, তিনি বড় অসুখী হইতেন । নিরঞ্জনেশ্বরী  
বৃদ্ধার কেশবন্ধনে প্রবৃত্ত হইলে, তাঁহার অপরা পৌত্রবধু আসিয়া  
বৃদ্ধার চরণযুগল অলঙ্কারাগে রঞ্জিত করিয়া দিলেন । তৃতীয়া বধু  
তাঁহার করযুগল অলঙ্কারাগে চিত্রিত করিতে লাগিলেন । চতুর্থ বধু  
আসিয়া তাঁহার শরীর তৎকালোচিত অঙ্গরাগের দ্রব্য হরিদ্রা, কুসুম ও  
শ্বেতচন্দনে রঞ্জিত করিতে লাগিলেন ।

যৎকালে বৃদ্ধা এইরূপে বধুগণ কর্তৃক বিড়ম্বিতা বা সজ্জিতা হইতেছিলেন,  
তখন নিরঞ্জনের মাতামহ দ্বিতল হইতে অবতরণ করিয়া বাহিরে যাইতে  
ছিলেন । তিনি বলিলেন,—“আজ বুড়ীর এ সাজসজ্জা কেন ?” বৃদ্ধা  
ব্যস্তভাবে অবগুণ্ঠন টানিয়া মস্তক আচ্ছাদন করিলেন ।

যোগমায়া এ বাটীতে আসার পূর্বে কোন পৌত্রবধু দীননাথের  
সহিত কথা কহিতেন না । যোগমায়াকে তাঁহার সহিত কথা কহিতে  
দেখিয়া সম্প্রতি অনেক বধুই বৃদ্ধের সহিত কথা কহিতেন । একটি বধু  
বলিলেন,—“আজ প্রভুর দৌলযাত্রা, তাই রাধার বেশবিষ্ঠাস ।”

এই কথায় বৃদ্ধহাসিয়া কহিলেন—“বৃদ্ধের গঙ্গাযাত্রার দিন নিকট-  
বর্তী বটে, বৃদ্ধার সহমরণে এইরূপ ঘটাই হবে ?”

সকল বধুগণ সমস্বরে বলিয়া উঠিলেন—“ঘাট—ঘাট, এ অমঙ্গলের  
কথা কেন ?”

বৃদ্ধ পুনরপি বলিলেন—“এ আর অমঙ্গলের কথা কি ? তোমাদের  
সকলকে রেখে আমি মরি, আর বুড়ী ঘটা ক’রে সহমরণে যার, এইত  
এখন মহানন্দের কথা ।”

বধুগণ নিস্তক হইলেন । বৃদ্ধ বৃদ্ধার প্রতি দৃষ্টি করিতে  
করিতে বহিরাগীতে চলিয়া গেলেন । এখন সকলের রহস্য পঙ্কিল  
যোগমায়ার প্রতি । বৃদ্ধা কহিলেন—“আমার জ্যেষ্ঠ পুত্রের সাজাতে

এই বধূটি একটু লজ্জিতা হইলেন এবং অপর্যায় বধু লিজ্জালা করিলেন,  
—“ভৈরবী দিদি ! এত অল্প সময়ে তোমার সে বুদ্ধি কেমন করে হলো ?  
তোমার এত লজ্জা, এত ভয়, তাতে তোমার এত সাহস কোথা হ’তে  
এলো ? তুমি অত লোকের মধ্যে ঘোমটা খুলে মুখই বা কেমন করে  
দেখালে ?”

যোগমায়া ধীরে ধীরে বলিতে লাগিলেন—“বা করেছি দিদি ! তা  
মনে করলে আমার এখন চমৎকার বোধ হয় । বুদ্ধি সাহস সকলই মা জগ-  
দম্বা দিয়েছিলেন । রাত্রি দুপুর হ’লো, তিনি এলেন না, তরমুজ ছোরার  
কথা মনে পড়লো ; তখন বড় অস্থির হয়ে উঠলেম । যখন চৌকিদারের  
মুখে শুন্লেম,—তিনি বন্দী, তখন শরীরটা যেন কেমন করে উঠল ।  
ভক্তিতে মা জগদম্বাকে ডাকলেম, বুদ্ধি সাহস চাইলেম । আগে ভেবে  
দেখলেম, সকলকে জানালে একটা মিছে হৈঁচৈ পড়বে, সব কাজ মাটি  
হবে । বুদ্ধি, সাহস, বল যেন কোথা হ’তে এলো । যাকে যে ভীলবাসে,  
যে যাতে তন্নয় হ’য়ে থাকে, তার ইষ্ট বস্তুর অমঙ্গলে তার আর জীবনের  
প্রতি মমতা থাকে না । জীবনের প্রতি মমতা না থাকলেই নৈরাশ্র  
আসে । নৈরাশ্র ফলে অসীম বল, অসীম সাহস, অসীম বুদ্ধি আসে ।  
আমি ভেবে দেখলেম, আমার পিতৃকুলে এক মাতুল এবং স্বশুরকুলে  
স্বামী ও তাঁহার মাতামহ বংশ ভিন্ন আর কেহই নাই । তাঁর জীবনে  
আমার জীবন, তাঁর মরণে আমার মরণ । যদি আমি মরিয়াও  
তাঁহার কোন উপকারে আনতে পারি, তবে আমার নারী-জীবন সার্থক  
হবে । যদি তিনি কলঙ্কী হয়ে জীবনে মরেন, তবে আমার কলঙ্ক, বিপদ  
ত অতি তুচ্ছ । যদি চেষ্টায় বিফল হই, তবে নবাবের সুলতানের প্রথম  
তরবারির আঘাত হইতে পতির জীবন রক্ষা করব—তার পরে তাঁর অদৃষ্টে  
মা থাকে, তা হ’বে । স্বামীর সুখের ভাগী হ’তে চাই, তাঁর আয়োনের



হইতে দেওয়া উচিত নয়। তবে আমি এই বলিতে চাহি, যে কার্য জনসমাজে যে পরিমাণে প্রসারিত হয়, তাহার সত্য তত সহজে বাহির হইয়া পড়ে। নিজিরণ ও নিরঞ্জন কালীমন্দিরে এক সঙ্গে ধৃত হইয়া লজ্জা পাইলেন না বটে, কিন্তু সত্য ঘটনা তিন দিনের মধ্যেই তাণ্ডার সর্বত্র প্রকাশিত হইয়া পড়িল।

যে রাত্রিতে নিজিরণ ও নিরঞ্জন কালীমন্দিরে বন্দী হন, তাহার পরদিন প্রাতঃকালেই সার্কভোমের পরিচারক বুদ্ধিমান কেলা ঘাটে পথে গান করিতে লাগিল—“বিয়ের বাকি নাইকো আর, আমিরণ বলেছে মোরে যার, জিজিরণের সঙ্গে কেমন মজার, আরে কেমন মজার। কপাল খুলেছে মোর এবার, জিজিরণ মোরে দেখে বার বার, সাজ পোষাকে জিজিরণের কেমন বাহার, আরে কেমন বাহার।” কৃষ্ণ চন্দ্র ঘোষজার সঙ্গীত শ্রবণে তাহার শ্রোতৃগণ সঙ্গীতের তাৎপর্য্য জিজ্ঞাসা করিতে লাগিল। কৃষ্ণচন্দ্র রজনীর আমূল ঘটনা মুক্তকণ্ঠে তাহাদের নিকট বর্ণনা করিতে লাগিল।

স্বরূপ তাহার সহধর্ম্মিণীর নিকট অতি গোপনে রজনীর ভৈরবীর কথাটি বলিল। স্বরূপ-পত্নী সেই কথা আবার অতি গোপনে তাহার তিনটি সমবয়স্কার নিকট প্রকাশ করিল। তাঁহারা তিন জনে আবার সেই কথা সর্বত্র অতি সঙ্গোপনে তাঁহাদিগের স্বামীর নিকটে প্রকাশ করিলেন। স্বামিগণ আবার তাঁহাদের বয়স্কাগণের নিকট প্রকাশ করিলেন।

সাধু অতি গোপনে তাহার মাতার নিকট রজনীতে বাহা দেখিরাছিল তাহা বলিল। সাধুর মাতা বহুকণ্ঠে এই কথা প্রায় এক ঘণ্টা গোপন করিরা রাখিরা, অতি গোপনে বিশ্বাসিনী হরির মাতৃস্বামীর নিকট প্রকাশ করিল। তিনি আবার তাঁহার বিশ্বাসিনী হরির জননী, রামের

সহধর্মিণী ও গোবিন্দের প্রণয়িনীর নিকট গোপনে প্রকাশ করিলেন । তাঁহারা তিনজনে প্রত্যেকে তাঁহাদিগের তিন সখীর নিকট প্রকাশ করিলেন ।

ধীবর তাহার পঞ্চমুদ্রা প্রাপ্তির কথা তাহার ধর্মপত্নীর নিকট বলিল । ধীবরবধু সে কথা আবার তাহার প্রিয় সখীর নিকট বলিল । প্রিয় সখী আবার পঞ্চমুদ্রার স্থলে পঞ্চশত মুদ্রা প্রাপ্তির নূতন সংবাদ গঠন পূর্বক স্বামীর আহ্বারের কালে গল্প করিয়া সখীর কপাল প্রসন্ন হওয়ার সমস্তাষ প্রকাশ করিলেন ।

আমিরণ প্রভৃতি নজিরণের সখীগণও হিন্দুরমণীর প্রত্যাশমতি, পতিভক্তি, সাহস ও বুদ্ধিকৌশলের প্রশংসা করিলেন । তাঁহাদের নির্বুদ্ধিতার সহিত হিন্দুললনার বুদ্ধিমত্তার তুলনা করিলেন । বিবাহিত জীবনের সহিত অবিবাহিত জীবনের সুখদুঃখের তারতম্য দেখাইলেন । বলা বাহুল্য, কথাটা অবশ্য সহচরীগণের মধ্যে অতি গোপনেই হইল ।

গোপনীয় কথাই বড় রটে । যে দিন প্রাতঃকালে নিরঞ্জন কালীমন্দির হইতে পত্নীসহ মাতামহালয়ে গমন করিলেন, সেই দিনই সন্ধ্যাকালে কোন ধনী মহাজনের নৈশ বিশ্রামাগারে ঐ মহাজনের প্রিয় সখা বলিয়া উঠিলেন—“কথাটা আর বুঝিতে বাকি নাই । তাইতেইত আমাদের মূনি ঋষিগণ আট বৎসরের কষ্টের বিবাহ বাবস্থা করেছেন । নজিরণের বয়স ২৬ বৎসর, আমার দশভুজার তিন দিনের ছোট, আর অন্নপূর্ণা হ’তে ১৮ মাস ১৭ দিনের বড় । নবাবের বড় অন্যান্য । এতবড় অক্লান্ত মেয়ে একা একা কেবল দাসী খোজা নিয়ে নৌকায় থাকে । প্রাতঃকালে ছোরা তরমুজ নিরুর নিকট পাঠায় । রাত্ৰিকালে নিরুর নৌকায় তুলে নিয়ে আমোদ করতে থাকে । কাজি ও সার্বভৌম বহু কষ্টে ধরে । নিরুর বোটা বড় চালাক । ভৈরবী সঙ্গে নজিরণকে পার করবার জন্য মাঝিকে

আশা অবিনশ্বর ভাবিতেছ। সকলে চলিয়া যাউক, আর তুমি নিষ্কণ্টকে নিরাপদে সকল সম্পদের অধিকারী হও—এই আশা করিতেছ। তুমি কতকগণ এই মহীমণ্ডলে আছ, তাহা কি একবার মনে কর? এই পাশ্চাত্যের কত দিনের জন্ত অবস্থিতি করিবে, তাহা কি কখন মনে হয়? পার্থিব সম্পদের অসারতা, মানবজীবনের অনিত্যতা কি কখন চিন্তা করিয়া থাক? জীবন স্বপ্ন। ইহার ক্রিয়াকলাপ স্বপ্নের অস্থায়ী ক্রিয়ামাত্র। যদি দিনান্তে একবার মনে কর, তোমার জীবন-স্বপ্ন এই মুহূর্তে ভাঙিতে পারে, তোমার সম্পদ বিস্তব তোমার নয় এবং তুমিও তোমার নও, তাহা হইলে তুমি সকল পাপ তাপ হইতে অনেক উপরে থাকিতে পারিতে।

নজিরগ! তোমার সকলে ঘৃণা করে করুক, কিন্তু আমি তোমাকে ঘৃণা করিবনা। আমি জানিতেছি, এখনও তুমি নিষ্পাপ। কেবল পাপপ্রবৃত্তি মাত্র তোমার মনে উদয় হইয়াছিল। তুমি সেই প্রবৃত্তির বশবর্তিনী হইয়া কার্য্য করিতেও কিছু অগ্রসর হইয়াছিলে, অবসর পাইয়াছিলে, সুযোগ হইয়াছিল; তাই তুমি অগ্রসর হইয়াছিলে। আমি আমার মনোমন্দিরের স্মৃতির প্রকোষ্ঠ খুলিয়া ফেলিলাম, হায়! হায়! হায়! কোন্ পাপের প্রবৃত্তি আমার মনে উদয় হয় নাই? কোন্ পাপে মগ্ন হইতে অগ্রসর হই নাই? সুযোগ ও অবসরের অপেক্ষায় পাপগুলি অসং-বৃদ্ধি রহিয়াছে। কোনটির চেষ্ঠা বা বিকল হইয়াছে। আমি চোর, দস্য, মথ্যাবাদী, ব্যভিচারী, রাজদ্রোহী, বিশ্বাসঘাতী ইত্যাদি ইত্যাদি বহু বিশেষণে আমাকে আমি নিজে নিজে বিশেষণ-বুদ্ধ করিতে পারি, পরে যদি আমাকে এই কথা বলে, তবেই আমার বড় ক্রোধ। পরকে ঘৃণা করিবার পূর্বে নিজের সহিত তাহার একবার তুলনা করা উচিত। তাই নজিরগ, আমি তোমায় ঘৃণা করিবনা।

নজিরগ! চকুর জল মুছিয়া ইতিকর্তব্যতা স্থির কর। জীবন পরীক্ষার

করিতে চাও, যদি বিদেশীর আক্রমণ হইতে দেশ রক্ষা করিতে চাও, যদি মোগল দস্যুগণকে ফৎকারে উড়াইতে চাও, তবে হিন্দু মুসলমান এক হও । এই উদ্দেশ্যে সকলে সমবেত হও । হিন্দুর শিক্ষা, সভ্যতা ও স্ববুদ্ধির সহিত পাঠানের শ্রমশীলতা, সহিষ্ণুতার যোগ হউক—মণি কাঞ্চনের যোগ হউক । আমার শৈশব-শিক্ষার সঙ্গে সঙ্গে পিতার শিক্ষানুসারে আমি অন্তঃপুরচারিণী হইলেও, এই লক্ষ্যের বীজ হৃদয়ে পোষণ করিয়া আসিতেছি—এই লক্ষ্য-বীজ বঙ্গবাসী হৃদয়ে পোষণ করুন,—আসমুদ্র হিমাচল-ভারতবাসী হৃদয়ে পোষণ করুন । আমি মরিব, তাতে আমার কিছুমাত্র ভয় নাই, ক্ষোভ নাই, তবে জীবনে কিছুই করি নাই । তাই ইচ্ছা, কিছু দান করিয়া বাই ।”

এই কথার পর নজিরগ স্তূপীকৃত দ্রব্যসামগ্রী দান করিতে আরম্ভ করিলেন । ভিক্ষুক দল তাঁহাকে ঘেরিয়া লইল । যে যত দান পাইতে লাগিল, সে তত অধিক দান পাইবার প্রার্থনা করিতে লাগিল । বিষম গোল উঠিল—মহা হৈ চৈ গড়িয়া গেল । এই সময়ে এক পুগল, কিস্তুত কিমাকার পাগল, স্তবেগে সৈনিক বাঁধা না মানিয়া ভিক্ষুক দলে আসিয়া প্রবেশ করিল । ইহাকে ফেলিয়া, উহাকে সরাইয়া, তাহাকে ফেলিয়া দিয়া নজিরগের সম্মুখে আসিল ! উচ্চরবে পাগল বলিতে লাগিল—

“আমায় মণ্ডা দিবি, মেঠাই দিবি, কাপড় দিবি জোড়া ।

আমায় ঢাল দিবি, তররাল দিবি, দিবি একটা ঘোড়া ॥

আমায় সেনা দিবি, সামস্ত দিবি, দিবি রাজ্য পাট ।

আমায় চল্‌চে দিবি, গালচে দিবি, দিবি রাজার খাট

ওরে দিবি নবাবের খাট ॥

এই কথা বলিয়া পাগল চীৎকার করিয়া কাঁদিয়া উঠিল এবং কাঁদিয়া কাঁদিয়া বলিল—আমি প্রাতঃকাল হ’তে কিছুই খাই নাই, আমার

কিছুই দিলে না। আবার খিল খিল করিয়া হাসিয়া বলিল—  
দিবে, দিবে।—

নবাবজাদি লক্ষী মেয়ে সোনার মত মুখ ।

মণ্ডা মিঠাই খেয়ে কাজালী পাছে কত সুখ ॥

জোড়ার জোড়ার দিচ্ছে কাপড় ফেলছে গোলা গালে ।

অভয় পাগলা নেচে উঠল লাকের তালে তালে ॥”

আবার এই বলিয়া পাগল নাচিতে আরম্ভ করিল এবং উচ্চরবে গান  
ধরিল—

ওরে মাঘ ফাগুনে ফোটে ফুল, চৈত্র মাসে গুটি ।

কেউ খায় ভাত খালে খালে, কেউ খায় বা রুটি ॥

সাওন মাসে কাতিক পূজা বাড়ী বাড়ী ধুম ।

মেটের মা বিধবে হলো আমার নাইকো ঘুম ॥

পাগল এইরূপ কত কি গান করিতে লাগিল । অনন্তর নজিরণের হাত  
ধরিয়া টানিয়া মিষ্টানের নিকট লইয়া বলিল—“আমার এক কোচ দে ।”  
বস্ত্রের নিকট লইয়া বলিল—“আমার এক বোঝা দে ।” তার পরে  
চীৎকার করিয়া বলিল—“ওরে আমি এর কিছুই খাব না, আমি খাব  
তোমার ঐ গহনা পরা কান ।” এই বলিয়া হা করিয়া পাগল নজিরণের  
কর্ণের নিকট মুখ লইয়া গেল ।

কয়েকটি সৈনিক পাগলকে তাড়াইয়া দিতে আসিতে আসিতে সে  
লক্ষ দিয়া ভিক্কুক মণ্ডলের বাহিরে গেল এবং “আমি কিছুই নেব না”  
এই বলিয়া চীৎকার করিয়া তাহার গৃহীত বস্ত্র ও মিষ্টান্ন ভিক্কুক মণ্ডলের  
মধ্যে ছড়াইয়া ফেলিয়া হাউ হাউ করিয়া কাঁদিত্তে কাঁদিত্তে সত্য হইতে  
সবেগে কোথায় পলায়ন করিল ।

নজিরণ ধীরে ধীরে দানের কার্য্য শেষ করিলেন । পরে এক স্ত্র

হিন্দু ভ্রাতৃগণ, হরিবোল বলিয়া নজিরগের পবিত্রতা ঘোষণা করি—হরি বোল হরি—হরি বোল হরি—হরি বোল হরি ।”

এই সকল কথা জনতার মধ্য হইতে শেষ হইতে না হইতে সেই কোরাণধারী পককেশ মৌলবী বলিতে লাগিলেন—“আমরা কি মূর্থ ! কি অজ্ঞান ! আমরা কি ঘৃণাহীন ! নজিরগ নবাব-কণ্ঠা, আমাদের মাতা । আমরা নবাবের আহ্বানে হিতাহিত জ্ঞানশূন্য হইয়া মাতৃচরিত্র পরীক্ষা করিতে আসিয়াছি । আবার কি না নারীহত্যা দেখিতে আসিয়াছি । ছি—ছি—ছি লজ্জায় আমাদের মুখ লুকাইবার স্থান নাই, মাথা উঁচু করিবার উপায় নাই । মাতা নজিরগ যেক্রপ সগর্বে, নির্ভয়ে, অকপটহৃদয়ে মৃত্যু নিরুটে জানিয়াও তাঁহার পদোচিত ভাষায় ও ভাবে তাঁহার পবিত্রতা প্রমাণ করিয়াছেন । তাহাতেও কাহার মনে বিন্দুমাত্রও সংশয় হইতে পারে না । এস, আমরা সকলে ‘ধন্য নজিরগ’, ‘ধন্য নজিরগ’ বলিতে বলিতে বাড়ী যাই । •

অতঃপর সভা ভঙ্গ হইল । সোলেমানও লজ্জায় অবনতমুখে রহিলেন । নবাব এবং অমাত্যগণের আদেশ ও উপদেশক্রমে নজিরগ কিঙ্করীগণের সহিত স্বীয় ভবনে গমন করিলেন ।



ফকির । দেশের কার্য করতে পারেন না ?

স্বামী । দেশ করে লয়ে ? মানব মানবী লইয়াইত দেশ—তারা ধর্ম পথে থাকলেই দেশের কার্য হইল ।

ফকির । উৎপীড়নকারী ও উৎপীড়িত এদের দিকে কি দৃষ্টিপাত করেন না ? কেবল পর জগতের প্রতিই কি আপনার লক্ষ্য ? ইহ-জগতের প্রতি কি আপনার দৃষ্টি নাই ?

স্বামী । আমি হিন্দু ।

ফকির । তা বুঝ্লেম । হিন্দুর লক্ষ্য পর জগতের প্রতি । অত্যাচারী আর অত্যাচারিত হতে যে পাপ স্রোত প্রবাহিত হয়, তেমন পাপের স্রোত কি আর কোথাও আছে ?

স্বামী । উপায় কি ! পথ যে দেখি না ।

ফকির আমাদের পূর্ব পরিচিত নিরঞ্জনের সহচর সেই সলিম সা ফকির । স্বামীজি আমাদের সম্পূর্ণ অপরিচিত । ইঁহার নাম জ্ঞানানন্দ-স্বামী । ইনি তীর্থে তীর্থে পর্যটন করেন ও ইঁহার উদ্দেশ্য ইঁহার নিজের কথায় প্রকাশ পাইয়াছে । আবার উভয়ে কিছুকাল তরুণে নিস্তরু থাকিলেন । পরে দীর্ঘ নিশ্বাস ছাড়িয়া সেলিম বলিলেন—“স্বামীজি ! আমি একটা প্রস্তাব করতে চাই ।”

স্বামী । করুন, সচ্ছন্দে করুন ।

ফকির । অত্যাচার উৎপীড়ন হ'তে দেশে ঘোর অধর্মের অনুষ্ঠান হচ্ছে । হিন্দু পাঠানের মধ্যে ঘোর বিদ্বেষানল জলছে । ঐ যে মোগল আবার এলো এলো । মোগল বালসূর্য্যের প্রচণ্ড কিরণে রাজপুতানা দগ্ধ হচ্ছে, পরে সকল ভারত দগ্ধ হ'বে । আপনি স্বামী, আপনার হিন্দু মহালে সর্বত্র অব্যাহত গতি । আমি ফকির মুসলমান মহালে আমার গতিও সেইরূপ । আহুন, উভয়ে মিলিয়া বিদ্বেষের আগুন নিবাতে চেষ্টা



## দ্বাদশ পরিচ্ছেদ ।

### নবাবের অধিরোহণোৎসব ।


প্রতি বৎসর জ্যৈষ্ঠ মাসে তাণ্ডায় খুব উৎসব হইয়া থাকে—অনেক ধনী মহাজন আসিয়া থাকে ও অনেক গুণী শিল্পীর সমাগম হইয়া থাকে । তাণ্ডায় প্রকাণ্ড মেলা বসে—সুন্দর প্রদর্শনী খোলা হয় । অনেকেই কিছু কিছু উপহার পাইয়া থাকেন । এই জ্যৈষ্ঠ মাসে বঙ্গের সোলেমান কররাণি বঙ্গের সিংহাসনে অধিরোহণ করিয়া ছিলেন । তাঁহার রাজ্য দিন দিন প্রসারিত হইতেছে, তাঁহার ধনৈশ্বর্য বাড়িতেছে, তাণ্ডানগরীর শ্রী দিন দিন বৃদ্ধি পাইতেছে ও সোলেমানের ষশঃসৌরভে বঙ্গদেশ পূর্ণ হইতেছে । সোলেমানের সর্ববিধ উন্নতির সঙ্গে সঙ্গে তাঁহার অধিরোহণোৎসবের আড়ম্বরও বৃদ্ধি পাইতেছে ।

এই অধিরোহণের উৎসবে তাণ্ডায় যে কেবল একটি বৃহতী মেলার আধিবেশন হয়, তাহা নহে । এই উৎসবের সময় সৈনিক গণের পদোন্নতি



এদিন অসি যুদ্ধেও অভয় সিংহ অধিতীর হইলেন । কোন অসিচালক তাঁহার সমকক্ষ হইতে পারিলেন না । বিশেষতঃ তিনি অসিচালনার, এমন কতকগুলি কৌশল দেখাইলেন যে, তাহাতে দর্শকগণ বিস্মিত ও চমৎকৃত হইলেন । তিনি কাহারও হস্তে একটি লেবু রাখিয়া কেবল লেবুটি মাত্র কাটিলেন, অসি হস্তস্পর্শও করিল না । তিনি কাহারও মস্তকে আতা রাখিয়া কেবল আতাটি মাত্র কাটিলেন, অসি মস্তকের কেশও স্পর্শ করিল না । তিনি কতক গুলি তীক্ষ্ণধার অসির উপর দিয়া নগ্ন পদে ক্ষিপ্ত গতিতে হাঁটিয়া গেলেন অসি গুলি তাঁহার চরণের ত্বকও স্পর্শ করিল না । তিনি যোদ্ধৃগণকে অসি ধরিতে বলিলেন, চারিখানি অসির মধ্যে আট অঙ্গুলি প্রশস্ত একটি বর্গক্ষেত্রের আয়তন থাকিল । তিনি দূর হইতে যোদ্ধৃগণের স্বদের উপর দিয়া সরল ভাবে আসিয়া সেই চারি অসির মধ্যস্থিত ব্যবধান দিয়া বাহির হইয়া পড়িলেন । সকলে তাঁহাকে ধন্ত্বন্দ্র করিতে লাগিল । পদাতিকদিগের সৈনিক-ক্রীড়ায়ও তিনি বিশিষ্টরূপে পারদর্শিতা দেখাইলেন ।

চতুর্থ দিনে অখারোহী সৈনিকগণের ক্রীড়া হইল । প্রথমে অখারোহণ ও অখচালনার খেলা । একটি বহুমূল্য স্তম্ভের অখ সজ্জিত করিয়া ক্রীড়া ক্ষেত্রে আনীত হইল । সমাগত যোদ্ধৃগণ একে একে তাহাতে আরোহণ করিবার যত্ন করিতে লাগিলেন । অনেকেই সেই অখে আরোহণ করিতে পারিলেন না । অখে আরোহণ করিবার চেষ্টার সঙ্গে সঙ্গে অখ লক্ষ প্রদান করিতে লাগিল । অভয় সিংহ অখের নিকট গমন করিলেন । অখটি পশ্চিমাভিমুখ ছিল, তাহাকে দক্ষিণাভিমুখ করিলেন । তিনি অনায়াসে অখে আরোহণ করিয়া তাহাকে দক্ষিণমুখে পরিচালিত করিলেন এবং অল্প সময়ের মধ্যে স্বেদজনিত ফেনারমান অখের সহিত প্রত্যাবর্তন করিলেন । সকলে সবিস্ময়ে জিজ্ঞাসা করিলেন, "অখের দিক



## ত্রয়োদশ পরিচ্ছেদ ।

### নবাব-দরবারে ।

অন্ত তাণ্ডার নবাব ভবনে বিরাট দরবার । তাণ্ডার বাজারে হিন্দু ব্যবসায়ি-মহলে বারওয়ারী পূজার খুব ধুম চলিতেছে । মেলায় ও প্রদর্শনীতে বহুদ্রব্য ক্রয় বিক্রয় হইতেছে ও বহুলোক গমনাগমন করিতেছে । মল্ল, তীরন্দাজ, গোলন্দাজ, অসিচালক, পদাতিক, অখারোহী, বীর ও সৈনিক-গণের ক্রীড়া-প্রদর্শন হইয়া গিয়াছে । নৃত্য, গীত বাণ্য দিবারাত্র কয়েক দিন চলিতেছে । আর কত দিন চলিবে ! অন্ত উপাধি-বিতরণ, উপহার-দান, সৈনিকগণের পদোন্নতি-ঘোষণা, নবসৈন্ত-নির্বাচন, নবাব-সরকারের গায়ক, বাদক, শাস্ত্র, চিত্রকর প্রভৃতির নির্বাচনের কার্য হইবে ।

সুবৃহৎ নীল রক্তাদিখচিত চন্দ্রাতপের নিম্নে বহুসংখ্যক মহার্য্য আসন

সমূহ আনীত হইয়াছে। ভিন্ন ভিন্ন পদস্থ জনগণের অস্ত্র ভিন্ন ভিন্ন আসন নির্দিষ্ট করা হইয়াছে। রত্নাদি খচিত সর্বোচ্চ আসন বঙ্গেশ্বরের অস্ত্র সজ্জিত রহিয়াছে। তাহার নিম্নে বহুমূল্য আসন সকল আমির ওমরাহ-গণের অস্ত্র নবাবের দক্ষিণ দিকে সংগৃহীত রহিয়াছে। নবাবের বাম পার্শ্বে অমাত্যগণের নিমিত্ত বিচিত্র আসন সকল বিরাজ করিতেছে। আমির ওমরাহগণেরও দক্ষিণ পার্শ্বে মৌলবি ও পণ্ডিতগণের নিমিত্ত মনোজ্ঞ আসন সকল নির্দ্ধারিত হইয়াছে। পুষ্পমালা, পতাকা, চিত্রপট, প্রস্তর, মৃৎসিকা, কাষ্ঠ, হস্তিদন্ত, রজত, কাঞ্চন প্রভৃতি ধাতু বিনির্মিত অসংখ্য প্রতি-মূর্তি সভার শোভা বর্দ্ধন করিতেছে। সর্ব সম্প্রদায়ের দর্শক, উপাধি-প্রার্থী উপহার-প্রার্থী, পদপ্রার্থী প্রভৃতি সকলেই স্ব স্ব স্থানে সমাগত হইয়াছেন।

এই বিরাট সভায় নিস্তব্ধতা বিরাজ করিতেছে। অবিলম্বে চামর হস্তে ছই নকিব আসিয়া নবাবের আগমনবার্তা ঘোষণা করিল। অবিলম্বে সহর কোর্তওয়াল বহুমূল্য বসনে সজ্জিত হইয়া রৌপ্যদণ্ড স্বন্ধে করিয়া নবাব-সিংহাসনের দক্ষিণে আসিয়া দাঁড়াইলেন। "অল্পকালের মধ্যেই বঙ্গেশ্বর সোলেমান অমাত্যগণে পরিবেষ্টিত হইয়া দরবার গৃহে উপস্থিত হইলেন।

উপাধি বিতরিত হইল, উপহার-দান সম্পন্ন হইল, দাতা ও গৃহীতার স্বয়ং বক্তৃতায় শ্রোতৃবৃন্দের কর্ণে সুধা বর্ষিত হইল। অতঃপর সৈনিক-নির্বাচনের সময় উপস্থিত হইল। সর্বাগ্রে সেই কৃষ্ণকায় মল্ল অভয় সিংহের ডাক পড়িল। অভয় সমুদ্রমে নবাব-তক্তের নিকট উপস্থিত হইলেন। অভয়ের দিকে দৃষ্টিপাত করিয়া সকল লোককে সন্মোদন করিয়া প্রধান অমাত্য বলিতে "লাগিলেন—অভয় সিংহের মল্ল ক্রীড়ার বঙ্গেশ্বর ও দর্শকগণ বিশিষ্টরূপ পুলকিত হইয়াছেন। অভয়ের অসিশিলাও অতি সুন্দর, অতি সুন্দর। 'অভয়ের তীর চালনার কৌশল অতুলনীয়। অভয় একজন প্রধান গোলন্দাজ। অভয় একজন প্রধান পদাতিক ও

মন অমেক কথাই হইতেছে । আমার মনে বড় কষ্ট, হৃদয়ে বড় ব্যথা । প্রতিহিংসা-বহি আমার হৃদয়ে নিয়ত জলিতেছে । যতদিন না অগ্রদ্বীপের কাজির সমুচিত দণ্ড-বিধান হইবে, আমার পৈতৃক সম্পত্তি ফিরিয়া না পাইব, আমার বিগ্রহগুলিকে শ্ব শ্ব মন্দিরে পুনঃ স্থাপন করিতে না পারিব, যতদিন না আমার গৃহে অতিথিসংকার আরম্ভ হইবে, ততদিন আমি সত্যে বলিতেছি, আমার সৈনিক কার্য্য করিবার অধিকার নাই ।”

এই সময়ে সলিম শা ফকির বঙ্গেশ্বরকে কি সঙ্কেত করিলেন । বঙ্গেশ্বর তখন বলিতে লাগিলেন—“নিরঞ্জন ! আমি জানিলাম তুমি প্রকৃত বীর, রাজদ্রোহী নহ । অগ্রদ্বীপের কাজিকে বন্দী করিবার পরমানা বাহির করিলাম । তোমার পৈতৃক সম্পত্তি ছাড়িয়া দিলাম । তোমাকে আর ৫ খানি গ্রাম নিষ্কর দিলাম । তোমার সতীর্থ, নবদ্বীপ নিবাসী হরনাথ বিদ্যাভূষণের নিকট সনন্দ পাঠাইলাম, যে, তিনি তোমার সম্পত্তি রক্ষা; বিগ্রহ পুনঃস্থাপন ও অতিথিসংকার পুনরায় আরম্ভ করেন । তোমার ইচ্ছা হইলে; তুমিও তাঁহার নিকট পত্র দিতে পার । তোমার প্রতি আমার কোন সন্দেহ নাই । তোমার সম্বন্ধে কোন ‘কুৎসা’ আমি সত্য বলিয়া স্বীকার করি না । তুমি যথেষ্ট কষ্ট পাইয়াছ, আমায় ক্ষমা কর’বে । তুমি যেরূপ অচল অটল কালাপাহাড়ের ঞ্চার ক্রীড়া-ক্ষেত্রে দণ্ডায়মান ছিলে, তাহাতে তোমার ‘কালাপাহাড়’ উপাধি হওয়া উচিত । আমি তোমাকে ‘কালাপাহাড়’ উপাধি দিলাম ।”

চতুর্দিক হইতে দরবার কম্পিত করিয়া শব্দ উঠিল—“জয়, কালাপাহাড় জী কি জয়, জয়, কালাপাহাড় জী কি জয়, জয় কালাপাহাড় জী কি জয় !”

নবাব পুনরপি বলিলেন—“সময় ভাল হইলে তোমার সম্পত্তি পুনর্বার অধিকার সহিত তোমাকে গৃহ গমনের অধুমতিও দিতাম, কিন্তু



## চতুর্দশ পরিচ্ছেদ ।

—:~:—

আবার স্বামী জী ও ফকির ।

তাওয়ার বঙ্গেশ্বরের অনেকগুলি সুন্দর 'সুন্দর পুষ্পোদ্যান আছে । সকল উদ্যান গুলিই অতি সুন্দর ও সবলে রক্ষিত । সে সকল উদ্যানে যাহার তাহার যাইবার অধিকার নাই । নবাব-পরিবারের ব্যক্তিগণ ও নবাবানুগৃহীত আমীর ও ওমরাহগণ এই সকল উদ্যানে পরিভ্রমণ করিতে পারিতেন । এই সকল উদ্যানে বসিবার নিমিত্ত মর্ম্মর প্রস্তর-নির্ম্মিত সুন্দর সুন্দর মঞ্চ রহিয়াছে । ফকির সলিম সা এই সকল উদ্যানে বিচরণ করিবার অনুমতি পাইয়াছিলেন ।

তাওয়ার এক প্রান্তস্থিত এক উদ্যানে একদিন অপরাহ্নে ফকির সলিম সা বিচরণ করিতেছেন । উদ্যানের পার্শ্বস্থিত পথ দিয়া জ্ঞানানন্দ স্বামী যাইতেছেন । ফকির সাহেব জ্ঞানানন্দকে ডাকিলেন । উভয়ে এক মঞ্চোপরি উপবেশন পূর্ব্বক কথোপকথন আরম্ভ করিলেন । ফকির

খুব কাজের। তোমার মত অনেক ফকির যদি মুসলমান সমাজে  
বুঝিয়ে সুঝিয়ে নিষ্ঠুরতা কমিয়ে হিন্দুর প্রতি একটা ভালবাসা জন্মাইতে  
পারে—হিন্দু মুসলমানের একতার ফল বুঝাইয়া দিতে পারে, তাহলে  
কিছু শুভফল হলেও হ'তে পারে।

ফকির। আপনার দলে কতলোক আছে ?

স্বামী। আমার দলে সহস্রাধিক লোক। তোমার দলে কত ?

ফকির। আমার দলে এখনও শত লোক হয় নাই। আমরা  
প্রথমে ২৭ জন লোক এই মিলনের কার্যে ব্রতী হই, এখন ক্রমে ক্রমে  
আমাদের মতের লোক ৮০।৮২ জন হ'য়েছে। বারেন্দ্র ভূমির অন্তর্গত  
ফুলবাড়ী নামক স্থানে ফকিরগড় নামে আমরা একটা গড় করেছি।  
আমাদের মধ্যে কয়েকটি রাজ্যভ্রষ্ট, স্বদেশ-বিতাড়িত ভূপতিও আছেন।  
আমরা ঠিক বুঝেছি, বৈদেশিক অরাতির বিরুদ্ধে এখন কোন কাজ করতে  
হ'লে হিন্দু-পাঠানের মিলন চাই, দেশের একতা বৃদ্ধি চাই, দেশের  
শক্তি বৃদ্ধি চাই।

স্বামী। উদ্দেশ্য খুব সাধু, কিন্তু কৃতকার্য হওয়া রুড় কঠিন। আমি  
দিন্দা চক্ষে দেখছি, যত দিন না এই মিলন হবে, তত দিন আর দেশের  
কল্যাণ নাই। একথা হিন্দু বেশ বুঝেছে। তোমার পাঠানের মাথায়  
এই কথা প্রবেশ করলেই একতা হ'তে পারে। একটা নবাব বা ক্ষমতা-  
শালী লোককে এই কার্যে ব্রতী করতে পারলে ভাল হয়।

ফকির। চেষ্টায় আছি, একটা লোক গঠন করছি। এ অসাধারণ  
লোক, এ দ্বারা আমি হিন্দু মুসলমান এক করতে পারব। আমি পুরুষ  
পক্ষ গঠন করছি, আপনি প্রকৃতি পক্ষ গঠন করুন।

স্বা। লোকটি কে ?

ফকির। পাটুলীর নিরঞ্জন রায়।

পুত্র যছ যে জেলাল নাম ধারণ পূর্বক মুসলমান ধর্মে দীক্ষিত হইলেন, তাঁহারও উপহেট্টা এই ককির সম্প্রদায়ের একজন। আমি স্বয়ং ককির গড়ে গমন করিয়াছি। গড় যে অতি প্রাচীন, তার আর সংশয় নাই। গড় ও যুক্তিকান্তূপ অদ্যাপি ইহাদের বার্কিক্যের পরিচয় দিতেছে। গড়-মধ্যে একগুণে কয়েক ঘর পলিয়ার বাস।



## কালাপাহাড় ।

কারণে ইষ্ট দ্রব্য লাভের পথে অনেক বাধা বিঘ্ন । মানুষ তাহার প্রকৃতির দোষে কষ্ট পায় । সে অভাব গড়িয়া লয় । সে ছুরাশা করিয়া লয় । মানব মানবী আপন কৃত কর্মের ফলভোগ করে, তাহার অন্ত আক্ষেপ করিব না ; মানবের কষ্ট দেখাইতে চেষ্টা পাইব । নজিরগ নবাবের ভ্রাতৃকণ্ঠ । কত মুসলমান সেনাপতি আমির ওমরাহ, ভিন্নদেশীয় নবাব তাহার পাণি পীড়নের প্রয়াসী । নজিরগ মুসলমান স্বামী চাহেন না । নজিরগ চাহেন হিন্দু ব্রাহ্মণ পণ্ডিত নিরঞ্জনকে তাহার পতিত্বে বরণ করিতে । তাঁহার স্মৃতির পথে কণ্টক, তাঁহার ইষ্ট বস্তু লাভের পথে বাধা, তাঁহার ইষ্ট বস্তু লাভ সময় সাপেক্ষ । নজিরগের এই ক্লেশ, তাঁহার স্বকৃত ব্যাধি ।

নজিরগ নিরঞ্জনকে তাঁহার ইষ্ট বস্তু করিয়াছেন বলিয়া তাঁহার দুঃখ কষ্টের বিড়ম্বনার একশেষ । নজিরগ কালীমন্দিরে বন্দী হইয়াছেন । তাণ্ডার সর্বত্র নজিরগের কুৎসা রটিয়াছে । প্রকাশ্য দরবারে নজিরগের পরীক্ষা হইয়াছে । নজিরগ বন্দিনী হইয়াছেন । আর কি নজিরগের ক্লেশ দেখিতে চাও ? যদি দেখিতে চাও, তবে এস পাঠক এস, আমরা চুপে চুপে সভয়ে বঙ্গেশ্বর নজিরগকে যে উদ্যান-ভবনে বন্দিনী করিয়াছেন, তথায় প্রবেশ করি ।

ছি ছি ! নজিরগ ! এত রোদন কেন ? তোমার স্নেহময়ী জননী ইহলোকে নাই । তোমার বঙ্গবিজেতা পিতা—স্নেহপারাবার পিতা পরলোকে গমন করিয়াছেন । তাঁহাদিগের অন্ত কয় ফোঁটা অশ্রুবর্ষণ করিয়া থাক ? কোথাকার কে নিরঞ্জন, অজ্ঞাতকুলশীল নিরঞ্জন, ধরম্মার সম্পত্তিহীন ব্রাহ্মণসন্তানের অন্ত এত ক্রন্দন কেন ? একি তোমার স্বকৃত ব্যাধি নয় ? তুমি নবাবকামরী, সম্রাটকুমার বা অন্ত নবাব-কুমারের সহিত পরিণীতা হইতে ইচ্ছা করিলে এত ক্লেশ পাইতে না । ছুরাশা ক্লেশের প্রসূতি । লোকের অধিকাংশ ক্লেশ ছুরাশার হইয়া থাকে ।



কখন জীবনে কোন বিষয়ে বাধা পাও নাই। তোমার যৌবন বয়স মনো-  
বৃত্তি তরঙ্গে ছুটিয়াছে। তুমি কখনও এ বৃত্তি রোধ করিতে শিখ নাই—  
তোমার সখীগণ এ বৃত্তির গতিবৃদ্ধি ভিন্ন হ্রাস করিতে জানেনা ; তার পর  
ফকির সলিম সা তোমার এই গতি কিপ্র হইতে কিপ্রতর করিতেছে।  
রোরুদ্যমানা নজিরগের নিকট আসিয়া আমিরণ বলিলেন—“নবাবজাদি !  
আপনি শুনেছেন, আজ নিরঞ্জন ঠাকুরের কি হ'লো ? নিরঞ্জন তাঁর  
পৈতৃক সম্পত্তি ফিরে পেলেন, আর তিনি একজন বড় সৈনিক হলেন।”

নজিরণ। তাতে আমার কি ? সে বামন ঠাকুর। তার সতী  
লক্ষ্মী স্ত্রী আছে।

আমিরণ। সে বামন ঠাকুরই হ'ক, আর যেই হ'ক, তার জন্তই ত  
তুমি পাগল। এমন হুখে আলতার রং তার ভাবনার কেমন ক্যাকাসে  
হয়ে গিয়েছে। চখের উপর কাল দাগ পড়েছে। দিন দিন শরীর শুকিয়ে  
যাচ্ছে। তারও ত তোমার উপর পুরা টান। তার যদি তোমার প্রতি  
ভালবাসাই না থাকবে, তবে সেদিন পাগল সেজে এসে তোমার কানে  
কানে নিজের পরিচয় দিয়ে গেল কেন ? তোমার ঘাতে মিথ্যা কথা বলতে  
না হয়, তার উপায় করে গেল। সেত নিজের জীবন দিতে এসেছিল  
বলেও চলে। নবাব তাকে চিন্তে পারলে, তার মাথা নিশ্চয় কাটতেন।

নজি। সে আমার ভাল বেসে আসে নাই। তার দোষে একটি নারী-  
বধ হ'বে তাই রক্ষা করতে এসেছিল। সে বীর তার জীবনের মমতা নাই।

আমি। ভালবাসার লোককে কি এতই সন্দেহ করতে হয় ? যদি  
ভালই না বাসবে, তবে নবাব-সরকারে কাজ নেবে কেন ? তার ভালবাসা  
না থাকলেও এই নবাব-সরকারে কাজ করতে করতে, তার পদোন্নতির  
সঙ্গে সঙ্গে এই রাজ্যের লক্ষ্মী-স্বরূপিণী তোমার পেতে তার ইচ্ছা হবেই  
হবে।

## কালপাহাড় ।

উপর অত্যাচার না হয়—হিন্দুপাঠানের মিলনের পথে কাঁটা না পড়ে ।  
কিসের যোগল, কিসের সত্রাট, হিন্দু পাঠানে মিলিত হইলে আমাদের  
সঙ্গে পারে কে ? মা ! আমি এখন আসি ।



## কালাপাহাড় ।

একটু বুঝতে পারি। আমি দিকি চোখে দেখছি। ভৈরবী বৌর আর কপাল পুড়তে বাকি নাই। ঠাকুরপো পূজা আচ্চা ছেড়েছে, তার পরে মুসলমানের খানা ধরবে, তার পরে মুসলমান হ'বে, আর যেদিন মুসলমান হ'বে, সেদিন সেই ডাকিনী টাকে বে' করবে। তখন এত সোহাগ, এত আদর, এত প্রণয়, এত ভালবাসা ছপুরের ফুলের মত সব শুকিয়ে যাবে।

বড় বৌ। তা ভৈরবী বৌ করবে কি? যা অদৃষ্টে আছে, তাই হ'বে। স্ত্রীর যা কর্তব্য তাই ক'ছে—নারী জাতির যা কর্তব্য তাই করেছে। বিপদে পতিত স্বামীকে উদ্ধার করেছে—স্বামীর দোষে নারীর মৃত্যু রক্ষা করেছে। ওর ধন্তি বুদ্ধি! ধন্তি কিকির!

ধলা বধু বলিলেন—বলি দিদি! ভাসুর ঠাকুর তো তোকে পূর্বের মতই ভালবাসে?

এই কথার উত্তর হইতে না হইতে নিরঞ্জন গলা ও পদের শব্দ করিতে করিতে গৃহদ্বারে আসিলেন। ঝাঝা বায়ুর প্রভাবে প্রভাতী কুম্ভমরাজি বৃন্তচ্যুত হইয়া বেরূপ উড়িয়া যায়, গৃহস্থের আগমনে তঙ্কর যেমন পলাইয়া যায়, সূর্য্যের আগমনে শশাক যেমন পলায়ন পর হন, বধুকুল সেইরূপ নিরঞ্জনের আগমনে ভূষণ-সিঞ্জন করিতে করিতে দ্বার দিয়া বহির্গতা হইলেন। কেবল বড় বধু একটু অপেক্ষা করিলেন। নিরঞ্জন জিজ্ঞাসা করিলেন—“বড় বৌ ঠাকুরাণী, আপনারা কে কে এখানে ছিলেন?”

বড় বৌ। আমরা অনেকেই এখানে ছিলাম। ঠাকুরপো! তুমি নাকি শীঘ্র যুদ্ধে যা'চ্ছ?

নিরঞ্জন। শীঘ্র নয়, কল্য।

বড় বৌ। এত তাড়াতাড়ি? ঠাকুরপো করলে কি? পূজা আচ্চা ছেড়েছ, আবার যুদ্ধে চলে। তুমি যে কি করতে কি করে বসো, সেই আবার ভয়।



## সপ্তদশ পরিচ্ছেদ ।

### আবার তাণ্ডায় দরবার ।

করিম । বল্‌দিন ফতে মামুদ আজকের দরবারে কি হ'বে ?

ফতেমামুদ । তা আর জানি না ! বিষ্ণুপুর ও পাটনার জাইগীর-  
দারের মাথা কাটা যাবে । পাহাড় সাহেব আজ সেনাপতি হবেন ।

করিম । ওরে আমাদের যে সেনাপতি আছেন । এক সেনাপতি  
শাকতে আর এক সেনাপতি হবেন কি করে ?

ফতেমামুদ । আমাদের আছেন নামে সেনাপতি, কামে ত পাহাড়  
সাহেবই সব । পাহাড় সাহেবের বুদ্ধিবলেই বিষ্ণুপুর জয় । পাহাড়  
সাহেবের যুদ্ধকৌশলে পাটনা লাভ ।

করিম । তা ভাই গুণের আদর কি সব জায়গার হয় ? তার পর  
পাহাড় সাহেব হেঁচ ।

পাঠক বুঝিয়াছেন, উপরে যে দুই ব্যক্তির কথোপকথন উল্লিখিত  
হইল, তাহারা দুই জনেই মৈনিক পুরুষ । তাহারা উভয়ে পাটনা ও বিষ্ণু-

## কালাপাহাড় ।

পাঠানের মিলনে তাণ্ডার নবনগরী ও সোলেমান কররাণির ইতিহাস-  
বিখ্যাত শাসনকাল। বিজেতার বিজিতের উপর বিশ্বাস স্থাপন ও উভয়ে  
এক মত হইয়া দেশের কার্যে মনোযোগ করণ ব্যতীত দেশের প্রকৃত  
উন্নতি হইতে পারে না। বিজেতৃগণ যদি কেবল বিজিতগণকে দমন  
করিতে থাকেন, একে একে তাহাদের স্বাধিকার হরণ করিতে থাকেন,  
তাহাদিগের মস্তক উত্তোলনের চেষ্টার সঙ্গে সঙ্গে যুধলাঘাত করিতে  
থাকেন, তবে আর দেশের কল্যাণ কোথায়? মোগল রাজকুল-গৌরব  
বাদশাহ আকবর উদার নীতি অবলম্বনে হিন্দুর প্রতি বিশ্বাস স্থাপন  
পূর্বক হিন্দু প্রকৃতিপুঞ্জকে বিশেষ বিশেষ ক্ষমতা ও অধিকার প্রদান  
করায় মোগলসাম্রাজ্য সুদৃঢ় ভিত্তির উপর স্থাপন করিয়াছিলেন।  
পক্ষান্তরে তদীয় প্রপৌত্র আওরঙ্গজেব তর্ষিপরীত রাজনীতি অবলম্বন  
করায় মুসলমান সাম্রাজ্য অন্তঃসার শূন্য ভঙ্গপ্রবণ পদার্থে পরিণত  
করিয়াছিলেন। বিজেতৃগণ, ইতিহাস পর্যালোচনা করিয়া এই কথা  
অনুসন্ধান লুও। বিজিতগণ, তোমরাও দিলনের অন্ত প্রস্তুত হও।  
বিজেতৃগণ, মিলিতে মিশিতে আর কাল বিলম্ব করিও না। আমার  
কথায় যদি একজন বিজেতা ইতিহাস অনুসন্ধানে ভারত মুশাসনের  
মূলমন্ত্র লাভ করিতে পারেন, তবে লেখনী পরিচালন সার্থক জ্ঞান  
করিব ও পরিশ্রমের অন্ত সফল কাম হইব।

পূর্ব-বর্ণিত দরবারের গ্রাম তাণ্ডায় অন্তও এক বিরাট দরবার।  
এ দরবার নবাবের সিংহাসনাধিরোহণ পর্ব নহে—এ দরবার নবাবের  
অন্ন-ঘোষণা। বিষ্ণুপুরের ও পাটনার জাইগীরদারগণ যুদ্ধে পরাস্ত হইয়া  
বন্দিরূপে তাণ্ডায় আনীত হইয়াছেন। সমগ্র বাঙ্গালা বেহার, বঙ্গেশ্বর  
সোলেমানের করতল গত হইয়াছে। কালাপাহাড়ের সুখ্যাতিপূর্ণ  
বীরুদে বঙ্গদেশ পূর্ণ হইয়াছে। আজ যুদ্ধবিজয়ী সৈনিকগণকে উপহার



## অষ্টাদশ পরিচ্ছেদ ।

### দম্পতি ।

কেনেছ আজ আমার কি হয়েছে ? আইগীরদারগণের বিক্রোহ  
দমনে নবাব বড় পরিতুষ্ট হয়েছেন । আজ আমি খাঁ সাহেব উপাধি  
পেলেম ও খেলাত পেলেম । নবাব আর বলেন, আমি মুসলমান হ'লে  
নবাব আমার সাথে তাঁর কন্ডার বে দিতেন—এই কথা গুলি নিরঞ্জন  
রজনীতে শয়ন-মন্দিরে তাঁহার পত্নী যোগমায়াকে বলিলেন ।

যোগমায়া রোদন করিতেছিলেন । নিরঞ্জনের এই কথায় তিনি  
অধিকতর রোদন করিতে লাগিলেন । হাঁশের খনি, প্রফুল্লতার প্রতিমা,  
পতিভক্তির মূর্তিমতী দেবী আজ পতির উন্নতির কথাতে এত রোক্ত-  
মানা কেন ? স্বার্থ ! তুমি জপৎ হ'তে দূর হও । তুমি নীচতার  
খনি, তুমি মনুষ্যত্ব নাশের স্মৃতিস্তম্ভ অসি । তুমি দেবীত্ব ধ্বংশের কঠিন  
অশনি । তুমি গৃহবিচ্ছেদের তীক্ষ্ণধার কুঠার । তুমি ভ্রাতৃস্নেহ-নাশের  
স্মৃতিস্তম্ভ ছুরিকা । তুমি ষোড়শ ব্যবসায়-ধ্বংশের জলন্ত আগ্নেয় অস্ত্র ।  
তোমার মৌছে মানব পথাচার করে । তোমার অত্যাচারে জনসমাজ

## অষ্টাদশ পরিচ্ছেদ

ছারেখারে যায়। আইন আদালত, মামলা মকদ্দমা, তোমার ভেলুকি ; বিচারপতি এবং ব্যবহারশাস্ত্রোপকৌবিগণ তোমার ক্রীড়ার পুঙ্কল। যুদ্ধ তুমি বাধাও। দাঙ্গা হাঙ্গামের মূলেও তুমিই আছ। যে মানব স্বার্থ বলি দিতে পারে, সেট দেবতা। বুদ্ধ স্বার্থবলি দিয়া সন্ন্যাসী হইয়াছিলেন ; তাই তিনি আজ জগতের এক পঞ্চমাংশ অধিবাসীর উপাস্ত দেবতা। খ্রীষ্ট ত্যাগী মহাপুরুষ ছিলেন, তাই তিনি স্বয়ং ভগবানের পুত্র। রাম রাজ্য ও বনিতা ত্যাগ করিয়াছিলেন ও লক্ষ্মণকে বর্জন করিয়াছিলেন, তাই রাম বিষ্ণুর অবতার। স্বার্থ কথঞ্চিৎ ত্যাগ করিতে পারিলেই মানব মর্ত্য-ধামে জন্মিরাও অমরত্ব লাভ করিতে পারে। যোগমায়া কিয়ৎকণ রোদন করিলেন। পরে সৌভার কথা মনে করিয়া অশ্রুজল মুছিলেন। কিয়ৎকাল যোনা হইয়া থাকিয়া তিনি হান্তময়ী হইলেন। তিনি স্বার্থ বলি দিতে কৃতসঙ্কল্প হইলেন। তিনি মনে মনে স্থির করিলেন, তিনি জাতিধর্ম রক্ষা করিয়া চিরজীবন পতির শুভাকাঙ্ক্ষিনী থাকিবেন, স্বীয় স্বার্থ পতির চরণে উৎসর্গীকৃত করিবেন, কখনও নিজের সুখের দিকে দৃষ্টিপাত করিবেন না ও পতির মনে কখন কষ্ট দিবেন না। তিনি প্রকাশে বলিলেন—“বেশ হয়েছে, বেশ হয়েছে। শুনে বড় সুখী হলেম।”

নিরঞ্জন বলিলেন—“এত ভেবে চিন্তে উত্তর দিতে হলো কেন ? এ যেন তোমার মনের—প্রাণের কথা নয়।”

যোগ। আমি একটু অন্তমনস্ক ছিলাম। বুদ্ধের ক্লেশ, মুসলমানের মধ্যে থাকার কষ্ট, অযত্ন, অনাহার এই সকলে তুমি বড়ই কষ্ট পাও। আর ভাবছিলাম সেনা হ'তে সহকারী সেনাপতি হ'লে ক্লেশ আরও বাড়ল। সেনাপতি হ'লে ক্লেশের এক শেষ হবে। তবে তুমি যাতে সুখী হও, আমিও তাতে সুখী হই। তারপরে তোমার নবাবের ডাইজির সঙ্গে বের কথাটাও ভাবছিলাম। বে'টা হলেই বা কতি কি ?

## অষ্টাদশ পরিচ্ছেদ ।

সকল জাতি সেই শক্তি-পুষ্প মালার ফুল হবে, আর স্বামী ও ফকির সাহেবের দল সেই মালা গাঁথবেন । তোমার যদি মুসলমানের প্রতি এত বিবেচন হয়, তবে সে মহামিলন কার্য কিরূপে হ'বে ?

যোগ । আমি ত মুসলমানকে ঘৃণা করিনা । মুসলমানের মহম্মদ একজন অসাধারণ লোক । কোরাণের আল্লা ও উপনিষদের ব্রহ্ম এক । অভ্যাসের দোষে, আচারের প্রভেদে খাওয়া পরা, ওঠা বসায় আমার মুসলমানের সঙ্গে মিস্তে ইচ্ছা করে না । মুসলমান দেখলেই যেন প্যাঁজ রসুনের গন্ধ আমি নাকে পেতে থাকি । গো ও কুকড়ার মাংস আমি যেন চোখের সামনে দেখতে থাকি । মনে ভাবি ঘৃণা ত্যাগ করি, কিন্তু ঘৃণা আগনিই এসে পড়ে ।

নির । এটি সম্পূর্ণ অভ্যাসের দোষ ।

যোগ । এ অভ্যাস আমি ছাড়তে চেষ্টা করব ।

নির । আর করলে ! তুমি তোমার গুচিবাই যেন দিন দিন বাড়ছে । আমাকেই এখন স্নান ক'রে তোমার ঘরে আসতে হয় ।

যোগ । ঠাকুরের পঞ্চ গোব্য স্নান যে সেবা ও ভক্তির লক্ষণ ।

নির । কাল হ'তে কি সে গুলাতেও স্নান করতে হ'বে নাকি ?

যোগ । নারায়ণ ঠাকুর যাতে স্নান করতে পারেন, তাতে তুমি স্নান করলে আর দোষ কি ?

নির । আমি ত আর নারায়ণ নয়, আমি যে কালাপাহাড় ।

যোগ । কালাপাহাড়েই ত নারায়ণ হয় ।

নির । কালাপাহাড়ে শিল, নোড়া, খালা, বাটী, পাথর, মাস, হাঁকো খল কতই হয় ।

যোগ । মেরে, মালুকের পক্ষে স্বামী নারায়ণ হতে তুমি পাথরের যত দ্রব্য বলে সব হু'তে পারে ।





## উনবিংশ পরিচ্ছেদ ।

### বিদ্রোহ সংবাদ ।

বঙ্গদেশের অনেক স্থান কাল-সহকারে সমুদ্রগর্ভ হইতে উখিত হইয়াছে, ইহাই ভূতত্ত্ববিৎ পণ্ডিতদিগের মত । বঙ্গদেশের অন্তর্গত বরেন্দ্রভূমি দীর্ঘকাল হইতে বহু-সংখ্যক জমিদারগণের বাসভূমি । বর্তমান সময়েও ইংরাজ-শাসনে-বরেন্দ্রভূমিতে অনেক হিন্দু ও মুসলমান ভূস্বামিগণের বাস । এখন হইতে ৩০০ শত বৎসর পূর্বেও বরেন্দ্রভূমি নরপতিবৃন্দে ভূষিত ছিল । যে জরে গোড় বিধ্বস্ত হয়, সেই জরের প্রাদুর্ভাব হইবার পূর্বে বর্তমান সময়ের রংপুর, দিনাজপুর ও মালদহ জেলা বর্তমান সময় অপেক্ষা অধিকতর লোকে আকীর্ণ ছিল । তখন বরেন্দ্র ও রাঢ়দেশ বঙ্গের গৌরব ছিল । নিম্ন বঙ্গের অধিকাংশ স্থান জল জন্মলে পূর্ণ ও খাপদ-সঙ্কুল ছিল । প্রায় মাসাধিক হইল, ককির সলিম সা পূর্বে বর্ষিত ককিরজর্নে গমন করিয়াছেন । জ্ঞানানন্দ স্বামী তাহার পূর্বেই পুরুষোত্তম তাঁর্থে যাত্রা করিয়াছিলেন ।

আজ তাহার বড় গোল । ককির সলিম সা তাহার এক শিষ্য-

## কালাপাহাড় ।

আসিলেন । নজিরগের মুক্তি দেখিয়া বঙ্গেশ্বর সিংহিয়া উঠিলেন । তিনি ধীরে ধীরে বলিতে লাগিলেন,—“মা ! আমি এতই কি পর হয়েছি যে বেমানের সংবাদও আমাকে দিতে নাই ? সে বর্ণ নাই, সে রূপ নাই । চেহারায় মালুম হচ্ছে যেন কত কালের পুরাণ রোগী ।”

নজিরগ উত্তর করিলেন—“আমার আছে কে ? কাকে বলব ? (সজল-নয়নে) পিতা মাতা ইহলোকে নাই । ভ্রাতা ভগিনী কোন দিনই ছিল না । মাতৃকূলে ষাঁহারা ছিলেন তাঁহাদের সহিত সম্পর্ক অনেক দিন রহিত হয়েছে । মাতুল-কুল হিন্দু, তাঁহারা মুসলমানের সহিত সঘনাই বা রাখ-বেন কেন ? এক খুল্লতাত বঙ্গেশ্বর, আমি ত তাঁহার বন্দিনী । আমি ত বঙ্গেশ্বরের কুলের গ্লানি, কুল-কলঙ্কিনী আমার মৃত্যুই শ্রেয়ঃ । সন্তান কুলকামিনীর চরিত্র পরীক্ষা আমার অদৃষ্টেই ঘটেছে । আমার ঞ্চায় কুলললনার—প্রকাশ্য দরবারে চরিত্রের পরিচয় পবিত্র কররাণী-বংশের গৌরবের বিষয় হইল ! আমার, আর চিকিৎসার প্রয়োজন কি ? যমের—”

বঙ্গেশ্বর । মা ! থাম থাম । আর তিরস্কার করিতে হবে না । আমার যে ভুল হয়েছে সে ভুল কি তোমার বীর পিতার হইতে পারিত না ? তোমার পিতার হিন্দু-কন্যা বিবাহ করা—বল ও কৌশলে, হিন্দু-কন্যা বিবাহ করা কি একটা ভ্রম হয় নাই ? মায়ের নিকট পুত্র সর্বদাই ক্রমা পেয়ে থাকে । নজিরগ, আমার ক্ষমা কর । আমাকে তিরস্কার করে আর লজ্জা দিও না । আমি তোমার বিবাহের অশু কয়েকস্থানের নবাবের লোক আস্তে লিখেছি ; তোমার বেকরূপ অবস্থা দেখছি, তাতেও আর এখন সে সব কথা হ'তেই পারে না । আমার ঠিক বল, খুলে বল তোমার কি পীড়া ?

নজিরগ । আমার কোন পীড়া নাই । বন্দিনীর বন্দিনীশাই পীড়া ।

## উনবিংশ পরিচ্ছেদ ।

এই সময়ে চতুরা আমিরণ পূর্বের পরামর্শ অনুসারে সমস্ত্রমে জাহ্নু পাতিয়া করযোড়ে বলিলেন,—“জাহাপনা ! বাদীর ব্যাদবি মাফ ক'বেন। নবাবজাদীর সেই ব্যারামই আছে। পানির তিকে উঠে জাহাপনা সাবেক মত বেড়ে পড়েছে। ফকির সাহেব হাত দেখে শুনে বলেছিলেন যে, নবাবজাদীর নাড়ী যেরূপ ভাবে ক্ষীণ হচ্ছে, তাতে তিনি আর ৬ মাসের বেশী বাঁচবেন না। ফকির সাহেবের ইচ্ছা ছিল; জাহাপনাকে এ কথা জানান, কিন্তু নবাবজাদীর বিশেষ নিষেধে জাহাপনাকে জানান নাই। ফকির সাহেব হাকিমের কাছে শুনে আরো বলেছেন, নবাবজাদী বজরায় উঠে তাণ্ডার থাকলেও চলবে না—ব্যায়ার সারবেনা। তিনি বলেছেন তাণ্ডা হ'তে ২৪ রোজের পথ ভাটীতে যাওয়া উচিত।”

বঙ্গেশ্বর। ফকির এ কথা কত দিন বলেছেন ?

আমিরণ। ফকির সাহেব ফকির-গড়ে যাবার আগের দিন বলে গিয়েছেন।

বঙ্গেশ্বর। আচ্ছা, আমিরণ ! তুমি নিজে জোগাড় করে বজরা ভাওয়ালে, লোকজন, সিপাহী শাস্ত্রী, টাকা কড়ি, খাদ্য সামগ্রী সংগ্রহ ক'রে নজিরগকে নিয়ে আবার পানির উপর কিছু দিন থাকগে। আমি এখনই বড় উজিরকে হুকুম দিচ্ছি, তোমরা যা চাবে তাই পাবে। নজিরগ ! তুমি জাননা রাজ্য শাসন কি কঠিন কাজ। আমি তোমাকে যেমন দেখিবার অবকাশ পাই না, সেইরূপ কাহারও তত্ত্ব লটতেই সময় পাই না। কাল সংবাদ এসেছে বরেন্দ্রের জমিদারগুলা বিদ্রোহী হচ্ছে। এক দিনও শান্তি নাই, এক মুহূর্তও শান্তি নাই।

নজিরগ বিনীত ভাবে উত্তর করিলেন—“তাত বটেই। নূতন রাজ্য। জেতা-বিজেতার ভাব এখনও যায় নাই। বাজিরকে যেমন বনের

বক্তা সৈনিক পুরুষের নাম করিম । করিমের কথা শেষ হইতে না হইতে আবেদ বলিল—কি ভাই করিম কি বল্ছ ?

করিম । কি আর মাথা মুণ্ডু বল্ছ ? জেনানা লোককে বুঝান বড় দায় হয়েছে । আমার জরু বল্ছেন কি না, হেঁন্দু হলো সহকারী সেনাপতি ; এ যুদ্ধে তিনি হলেন কর্তা । তাঁর অধীনে যুদ্ধে যেওনা । বিবি সাহেব জেনানা মহলে থাকেন, পাহাড় সাহেবের গুণ কিসে জানবেন ?

করিমের পুত্রের নাম ফজলু । তবে তাহার আর একটা বড় নামও আছে । আবেদ করিমের জ্ঞাকে ফজলুর মা বলিয়াই ডাকিতেন । আবেদ বলিলেন—ফজলুর মা ! তুমি পাহাড় সাহেবের সুখ্যাতি আজও শুন নাই । অমন ঐমেহেরবান কাদেরদান আদমি ছনিয়ার হয় নাই, হবেনা । খোদার তালার দোয়ার সাহেবের যেমন যুদ্ধে কেরদানি, তেমনি সকলের প্রতি ব্যবহার । ঐ যে হেঁহদের যাত্রার গুনি, কলের মত দাতা নাই, খুধিটির মত ধারমিক নাই, ভীমের মত গায় বল আওলা লোক নাই, অর্জুনের মত তীরন্দাজ নাই. আমাদের পাহাড় সাহেবের এক ষটে সব গুণ । পাহাড় সাহেবের গুতরে যেমন বল, সকল অস্ত্র চালাতে তেমনি পটু । ভয় করে বলে, তা জানেন না । আল্লার কি মরজি, পাহাড় সাহেব ছোট বড় করে বলে জানেন না । সকলের সঙ্গে সমান ব্যাভার ব্যামোপীড়ে হ'লে, হাত পা কাটা গেলে, কালাপাহাড় তার হাকিম, বাপ, মা, পরিবার । কি কব ফজলুর মা ! আমি এক মুখে তার সুখ্যেত করে উঠতে পারি না । যখন আমাদের বুড়ো সেনাপতি সাহেব বাঁকুড়া ছেড়ে আসবেন ঠিক করলেন, তখন পাহাড় সাহেব বল্লেন, একটা রাত অপেক্ষা করুন । পাহাড় সাহেব, হুম্মান পাঁড়ে আর ছাবেদ খাঁ রাত্রে অন্ধকার মধ্যে সাত্তরিয়েগড় পার হলেন । গড়ের তিনটা

## বিংশ পরিচ্ছেদ ।

কোন সৈনিক-বধু রক্ষনের ঘটনা করিতেছেন ; কোন সৈনিক-মাতা পুত্রের পরিচ্ছদের সংস্কার করিতেছেন । কোন সৈনিক-ভ্রাতা ভ্রাতার সঙ্গ ছাড়িতেছেন না । কোথাও সৈনিকপরিবার একত্র হইয়া কত গভীরভাবে কথোপকথন করিতেছেন । কোথাও সৈনিকবধু সৈনিক-মাতা, সৈনিক-ভগিনী প্রভৃতি কাঁদিয়া কাঁদিয়া গোপনে অশ্রুজল মুছিতেছেন । কোথাও কর্তব্যাপরাধনা ঐ সকল বীরললনা সৈনিককে স্বীয় কর্তব্য বুঝাইয়া দিয়া রণক্ষেত্রের মৃত্যুর সুখ বর্ণনা করিতেছেন । রণে পৃষ্ঠ প্রদর্শন মহাপাপ বুঝাইয়া দিতেছেন । কোথাও নকিব দল হিন্দি ও পারশিক ভাষায় উত্তেজনাপূর্ণ বীররসাত্মক সঙ্গীত গান করিয়া বীর হৃদয় উৎসাহে পূর্ণ করিতেছে । কোথাও ভাটদল ও ভাটবালকদল বীর মহিমা কীর্তন করিয়া বীর হৃদয় বীরত্বে পূর্ণ করিতেছে ও বীর প্রসবিনী ভারত মাতার জয় জয় নাদে দিগন্ত কল্পিত করিতেছে । তাহারা গাইতেছে:—

বহু বর্ষ হ'লো রাম নাই হেথা ।

বহু বর্ষ হ'লো ভীম গেছে কোথা ।

পার্থ ছিল অগ্রে ইন্দ্র প্রস্থ যথা ।

কালের কবলে সকলি লয় ॥

পাণ্ডবের গুরু দ্রোণাচার্য্য নাই ।

নাই বলী ভীম তুল্য নাহি পাই ।

নাই কংসঅরি সদা যারে চাই ।

সকলি হইছে কালেতে লয় ॥

কার্ত্তবীর্য্যার্জুন বীরের প্রধান ।

সে পরশু রাম ব্রাহ্মণ সন্তান ।

সুধম্না সুধীর অব্যর্থ সজান ।

গিয়েছে গিয়েছে কালের কোলে ॥

## কালাপাহাড় ।

প্রবীরের নাম জানে হিন্দুগণ ।

অভিমন্যু-কথা জুড়ায় শ্রবণ ।

ঘটোৎকচ বীর সাবাস কেমন ।

হার কোথা গেল হরিয়া নিলে ॥

মরেছে মরেছে গিয়েছে গিয়েছে ।

সুকীর্্তি তাঁদের পড়িয়ে রয়েছে ।

শ্রীরামে এখন সকলে পূজিছে ।

ধনু বীরগণ ! বীরত্বে জয় ॥

কুমার ভীষ্মের নাহিক সম্মান ।

তথাপি কোথায় বাবে তাঁর মান ।

তোয়াঞ্জলি করে হিন্দু মাত্রে দান ।

ধনু বীরগণ ! বীরত্বে জয় ॥

সুকৌশলী যোদ্ধা অর্জুন সুমতি ।

লক্ষ্য ভেদি লভে কৃষ্ণা গুণবতী ।

কুরুক্ষেত্র রণ জয়ী মহারথী ।

ধনু বীরগণ ! বীরত্বে জয় ॥

কার্ত্তবীর্য্যার্জুন সুধন্বা প্রবীর ।

পরশু রামাদি অভিমন্যু বীর ।

তাঁহাদের যশে ঝরে অগ্নিনীর ।

ধনু বীরগণ ! বীরত্বে জয় ॥

আজ তাণ্ডা সজীব । আজ তাণ্ডার উৎসাহ, উদ্যম, বহু, চেষ্ঠা, কৰ্ম্মকুশলতা, কিপ্রকারিতা প্রভৃতি মূর্ত্তিমান ও মূর্ত্তিমতী হইয়া বিরাজ করিতেছে । আজ তাণ্ডার এমন নর-নারীর সুখ নাই, যাহা উৎসাহ উদ্যমে পূর্ণ নহে । আজ তাণ্ডার এমন লোক নাই, যে সযত্নে কৰ্ম্ম না



## একবিংশ পরিচ্ছেদ ।

বরেন্দ্র ভূমে ।

শাস্ত্রী । বন্দেগি ।

নিরঞ্জন । বন্দেগি । কি খবর কোরমাণ ?

শাস্ত্রী । হজুর ! একটা নূতন খবর আছে । সাহস দিলে বলতে পারি ।

নির । এত ভয় কি ? বলনা ।

কো । তুরফ না আবিসিনীর দেশ হ'তে দুইটা ছোঁড়া এসেছে । তারা নকরি মাঙ্গ্ছে । তারা কান্নাকাটি করে তিনদিন আমার বড় খচ্ছে । হজুরের সঙ্গে দেখা করতে চায় ।

নির । আচ্ছা, নিরে এস ।

এই কথা শুনি নিরঞ্জন ও কোরমাণ খায়ের সহিত হইল । নিরঞ্জন এখন বরেন্দ্র ভূমিতে । পুঁটীয়ার রাজবংশ অতি প্রাচীন । ওনা যার,

## কালাপাহাড় ।

হইয়াছেন। এই স্থান পুঁটীয়ার রাজবংশের জমিদারীর অন্তর্গত। পুঁটীয়ার রাজবংশ তোগলকদিগের সময়ে মণ্ডল উপাধি প্রাপ্ত হন এবং এই সময়ে রাজা উপাধি প্রাপ্ত হইয়াছেন। এই রাজবংশ নবাব-সৈন্তের আগমনে ভয়শূন্য ও চিন্তাশূন্য হইয়া নবাব-চমুর সহায়তা করিতেছেন। এই স্থান সেই লাল খাঁর নামানুসারে লালপুর নামে অভিহিত হইয়াছে। এই স্থান এক্ষণে রাজসাহী জেলার অন্তর্গত ও নাটোর মহকুমার অধীন। (এই স্থানে বর্তমান সময়ে একটি পুলিশ ষ্টেশন, একটি ইংরাজি বিদ্যালয়, একটি পোষ্ট অফিস, পুঁটীয়া রাজ বংশের কাছারী ও নীলকর সাহেবের কুঠী বাড়ী আছে।) এই লালপুরের এক সর্বোচ্চ শিবিরে নিরঞ্জন রায় কালাপাহাড় অবস্থিতি করিতেছেন। তিনি কোন্ পথে কোন্ দিক দিয়া যাইয়া বিদ্রোহি-সৈন্ত আক্রমণ করিবেন, তাহার উপায় ও রাস্তাদির অনুসন্ধান করিতেছেন। এই শিবিরেই শাস্ত্রী কোরমাণ আসিয়া দুইটি আবিসিনীয় যুবকের আগমন বার্তা জানাইয়াছিল।

কিয়ৎকাল পরে কোরমাণ আবিসিনীয় যুবকদ্বয়ের সহিত কালাপাহাড়ের শিবিরে আসিয়া উপনীত হইলেন। কালাপাহাড় কোরমাণকে বিদায় দিয়া যুবকদ্বয়কে উপবেশন করিতে অনুরোধ করিলেন। এ সময়েও কালাপাহাড় হিন্দুর ভয়ের আশ্রয় কালাপাহাড় হন নাই, তিনি সনাতন ধর্ম্মরত সর্বসঙ্গ সম্পন্ন উদারচারিত বীর নিরঞ্জন রায়।

নিরঞ্জন যুবকদ্বয়ের আপাদমস্তক নিরীক্ষণ করিলেন। তিনি দেখিলেন, যুবকদ্বয়ের দুইফেঁদে উজ্জল বর্ণ। দীর্ঘ আকর্ষণ বিশ্রাস্ত সরলতা ও বীরত্ব-ব্যঞ্জক নয়ন। জাহাদিগের বর্ষাবৃত শরীর। কটিদেশে অনতিদীর্ঘ কোষবদ্ধ অসি। মস্তকে শিরস্ত্রাণ। মুখে অনতিদীর্ঘ শুষ্ক ও শ্মশ্রু। তিনি তাহাদিগকে হিন্দি ভাষায় জিজ্ঞাসা করিলেন—“তোমরা কোন্ ভাষায় কথা বলিতে পার?”



যুবকদ্বয় উত্তর করিলেন—“তঁাহারা উর্দুর ২৪টি কথা জানেন ও বলিলে বুঝিতে পারেন। তঁাহারা আরবিক ও পারশিক ভাষায় ভাল কথা বলিতে পারেন।”

অতঃপর নিরঞ্জনের সহিত তঁাহাদিগের পারশিক ভাষায় কথোপকথন হইতে লাগিল। আমরা পাঠকগণের অবগতির নিমিত্ত সেই কথোপকথনের মর্ম্ম এস্থলে বঙ্গভাষায় দিব।

নিরঞ্জন জিজ্ঞাসা করিলেন—“তোমরা কি কাজ জান? কোথায় কি কোন কাজ করিয়াছ?”

যুবকদ্বয়। আমরা অখারোহী মৈনিকের কার্য্য করিতে পারি। আমরা শরীর-রক্ষকের কাজ খুব ভাল জানি। আমরা তুরকের সুলতানের শরীর রক্ষকের কাজ করেছি।

নিরঞ্জন। সে কাজ ছেড়ে এদেশে এলে কেন?

যুবকদ্বয়। দেশ পর্যটন ও আদি সভ্য ভারতের আচার, ব্যবহার, রীতি নীতি দেখতে।

নির। কত দিন থাকতে পারবে

যু। ছয় মাস, একবৎসর।

নির। তোমাদের নাম কি?

যু। সের আলি আর নুর আলি।

নির। কি বেতন চাও?

যু। আহারীয় আর পরিধেয়।

নির। আমার ত শরীররক্ষকের প্রয়োজন নাই। অখারোহী দলে তোমাদিগকে রাখতে পারি।

যু। আপনার দ্বায় সেনাপতির শরীর রক্ষকের প্রয়োজন নাই।



## দ্বাবিংশ পরিচ্ছেদ ।

### বরেন্দ্রভূমিতে কার্যের সূচনা ।

লালপুবে থাকিতে থাকিতেই পুঁটীয়ারাজ বাকি রাজস্ব ও উপায়নের সহিত আসিয়া বঙ্গেশ্বর-প্রেরিত সেনানায়ক রায় নিরঞ্জনের সহিত সাক্ষাৎ করিলেন । তিনি বিশ্বস্ততা ও রাজভক্তি সঙ্গ্রহণ করিলেন । তাঁহার লোক জন পূর্বেই লাল খাঁর ও পরে রায় মহাশয়ের অভ্যর্থনা ও সহায়তা করিতেছিলেন । পুঁটীয়ারাজ ও রায় মহাশয়ের কয়েক দিনের পরিচয়ে উভয়ের মধ্যে বিশেষ সখ্যতা বজ্রিত হইল ।

একদিন সেনাপতি ও পুঁটীয়ারাজ বসিয়া আছেন, এমন সময়ে একজন প্রহরী পারশিক ভাষায় লিখিত একখানা পত্র আনিয়া দিল । প্রহরী বলিয়া দিল, পত্র এবাদত খাঁ লিখিয়াছেন । পত্রের মর্ম প্রকাশ করিবার পূর্বে আমরা অগ্রে এবাদত খাঁর সজ্জিত পরিচয় দিব ।

একণে বরেন্দ্রভূমির যে প্রকাণ্ড ভূভাগের উপর বলিহার, ধুবল-হাজি, কাশিমপুর, মহাদেব পুর ও তাহেরপুরের জমিদারগণ জমিদারী

## ষাৰিংশ পৱিচ্ছেদ ।

সন্নিবেশ কৰিবেন । আমি এবাদতপুৰই আপনাৰ শিবির সংস্থাপনৰ উপযুক্ত স্থান মনে কৰি । আপনি শিবির সংস্থাপন কৰিলেই আমি আপনাৰ সহিত সাক্ষাৎ কৰিব ও সন্ধিসূত্ৰে বন্ধ হইব । বৰেন্দ্ৰেৰ অপরা-পর ভূস্বামিগণেৰ সহিত আমি জোঁট বন্ধ নহি । তাঁহাৰা কি কৰিবেন, তাহা আমি বলিতে পাৰি না । আমাৰ সন্ধিকে আমি অকপটে বলিতেছি সন্ধি কৰাই আমাৰ শ্ৰেয়ঃ বোধ হইতেছে ।

অধিক কি লিখিব আৰ আৰ বিস্তাৰিত আপনাৰ সাক্ষাতে নিবেদন কৰিব । বাহুল্যে অলম্ ইতি সন ১৫৭ তাৰিখ ১৪ই ফাল্গুন ।

নিতান্ত অমুগত

শ্ৰীএবাদত ঠা

নিরঞ্জন পত্ৰ পাঠ কৰিলেন । পুঁটীয়াৰাজ মনোযোগেৰ সহিত পত্ৰ শ্ৰবণ কৰিলেন । নিরঞ্জন পত্ৰে ৰাজাৰ দিকে দৃষ্টিপাত কৰিয়া বলিলেন —পত্ৰে ষাহা লিখেছে, তাই যদি এবাদতেৰ মনেৰ কথা হয় তা হ'লে বৰেন্দ্ৰ জয় কৰাত অতি সহজ হবে ।

ৰাজা । এবাদতই এই বিদ্ৰোহেৰ প্রধান নেতা । পত্ৰেৰ কথা এবাদতেৰ মনেৰ কথা ব'লে আমাৰ প্ৰত্যয় হছে না । যে এবাদতপুৰে আপনাৰ শিবির সংস্থাপন কৰ্ত্তে বল্ছে, সে স্থানটী ভাল নয় । তাৰ এক দিকে নদী ও তিন দিকে বিস্তীৰ্ণ প্ৰান্তৰ । সেখানে শিবির সন্নিবেশ কৰিলে আপনি তিন দিক হইতে আক্ৰান্ত হইতে পাৰেন । কোণে আপনাকে বিপন্ন কৰা এবাদতেৰ ইচ্ছা বোধ হয় ।

নিরঞ্জন । এবাদতপুৰেৰ এক দিকে নদী আছে । আমি একপ তাৰে আমাৰ ছাউনি কৰিব যে চাৰিদিক হ'তে আক্ৰান্ত হলেও আমাকে বিশেষ বিপন্ন কৰ্ত্তে না পাৰে । এই অপরিজ্ঞাত বিল নদী পূৰ্ব দেশে এসেছি

## ষাৰিংশ পৰিচ্ছেদ ।

মহাত্মা সদাশয় সোলেমান কেবল যে জাইগিৰদাৰদিগকে মুক্তি দিয়াছেন এমত নহে, তাঁহারা সোলেমানের বাধ্য অনুগত থাকার অঙ্গীকার করিয়া তিনি তাঁহাদিগের জাইগিৰ প্রত্যৰ্পণ করিয়াছেন ।

আমার সহিত সৈন্তসামন্ত নিতান্ত কম নহে । হস্তী, অশ্বও অনেক আছে । আমাকে সমস্ত বরেন্দ্রভূমিতে বেড়াইতে হইবে । কোন ভূস্বামী কিরূপ ব্যবহার করিবেন, তাহা বুঝিতে পারিতেছি না । আমি এদেশ ও এদেশের সৈন্ত সামন্তের অবস্থা যেকরূপ দেখিতেছি, তাহাতে সকল ভূস্বাধিকারীর পক্ষে নবাবের বশতা স্বীকার পূৰ্বক সন্ধি করা উচিত । আমি আপনাদিগের সাধু প্রস্তাবে পরম প্রীত হইয়াছি । আশা করি, আপনি আমার বরেন্দ্র বিজয়ের প্রধান সহায় হইবেন । বিস্তারিত সাক্ষাৎকার নিবেদন করিব । অতঃপৰ্য্যন্ত নিবেদন ইতি সন ১৫৭ তারিখ ১৭ কাঙ্কন ।

নিঃ শ্ৰীনিরঞ্জন দেবশৰ্ম্মা ।

পত্র পত্রবাহকের নিকট অৰ্পিত হইল । পত্র প্রেরণের পর নিরঞ্জন মাল খাঁকে ডাকিয়া এবাদতপুরে যাইবার জন্য উদ্যোগী হইতে বলিলেন । পুঁটীয়ারাজ নিরঞ্জনের ব্যবহারে ও তাঁহার সহিত কথোপকথনে পরম পরিতুষ্ট হইলেন । পুঁটীয়ারাজ খোঁচ ও নিরঞ্জন যুবক । তিনি নিরঞ্জনকে বরেন্দ্রভূমিতে অতি সতর্কতার সহিত গমনাগমন করিতে ও যুদ্ধাদি করিতে পরামর্শ দিলেন । তিনি আরও জানাইলেন বরেন্দ্রভূমির অনেক জমীদার পূজা অর্চনা, দান, অতিথিসংকার প্রভৃতি বিষয়ে বিশেষ খ্যাতিপন্ন হইলেও তাঁহাদের অনেকেই ধাৰ্ম্মিক, সত্যপ্রিয় ও স্বাভাবিক নহেন । প্রজাপীড়ন ও স্বার্থপরতা দোষে তাঁহারা অনেকেই কলঙ্কিত । নিরঞ্জন পুঁটীয়ারাজের উপদেশ বাক্যে আন্তরিক কৃতজ্ঞতা জানাইলেন ।

## কালাপাহাড়

হইল। মৃত হস্তীর পর মৃত হস্তী, মৃত অশ্বের উপর মৃত অশ্ব, মৃত মনুষ্যের  
পর মৃত মনুষ্য, মনুষ্যের পর হস্তী, অশ্বের পর মনুষ্য, মৃত অশ্ব হস্তী মনুষ্য  
যুদ্ধ ক্ষেত্রে আকীর্ণ হইয়া পড়িল। হস্তহীন, পদহীন, আহত সৈনিক  
দলের চীৎকারে যুদ্ধ ক্ষেত্র পূর্ণ হইল। নবাবসৈন্য যুদ্ধক্ষেত্রের উপর  
উচ্চ জয় পতাকা উড্ডীন করিয়া দিয়া উচ্চরবে বলিতে লাগিল—আলা-  
আলা-আলা। জয় বঙ্গেশ্বরের জয়! জয় সোলেমান কররাণীর জয়!





## চতুর্বিংশ পরিচ্ছেদ ।

### বারকয়ের জমিদারী ।

বর্তমান সময়ে রাজসাহী জেলার অন্তঃপাতী নওয়া গাঁ মহকুমা হইতে চারি ক্রোশের মধ্যে ধুবলহাটী গ্রামে যে দানশীল রাজবংশ আছেন, তাহা অনেক বঙ্গবাসী অবগত আছেন। এই রাজবংশের জমিদারীকে যে বারকয়ের জমিদারী বলে, তাহাও রাজসাহী অঞ্চলের অনেকে বিদিত আছেন। এই জমিদারীর সহিত কালাপাহাড়ের বরেন্দ্রবিজয়ের সংশ্রব আছে। আমরা এই পরিচ্ছেদে সেই ইতিহাস বিবৃত করিব।

ধুবলহাটীর রাজবংশ শৌণ্ডিক জাতীয়। ইহাদের আদি পুরুষ অতি ধার্মিক মধ্যবিৎ গৃহস্থ ছিলেন। অতিথিসৎকারের নিমিত্ত তাঁহার নানাবিধ আয়োজন থাকিত। অতিথিকে যে দিনঃতিনি আহার দিতে না পারিতেন, সেদিন তিনি ক্লম্ব মনে দিনাতিপাত করিতেন। রৌদ্রের তেজ বাড়িলে তিনি পথিমধ্যে খাদ্যোপকরণ লইয়া অবস্থিতি করিতেন। তাঁহার গুরুদেবের নামে ছত্রের নাম রাখিতেন। পাছগণ কাহার ছত্র জিজ্ঞাসা করিলে, তিনি তাঁহার গুরুদেবের নাম করিয়া বলিতেন, ছত্র রামা-

## কালাপাহাড়

কলেবরে রুধিরসিক্ত বসনে ধীরে ধীরে অথারোহণে সেই রাজবংশের আদিপুরুষের ছত্রের নিকটে উপস্থিত হইয়াছেন। তাঁহারা কত গ্রাম, কত স্থান অতিক্রম করিয়াছেন, কেহই তাঁহাদিগকে বিশ্রাম করিতে অনুরোধ করেন নাই। সকলেই তাঁহাদিগকে দেখিয়া ভীত হইয়াছেন। তাঁহাদিগের বীরোচিত রুধিরাক্ত বসন, সুতীক্ষ্ণ আয়ুধ, উচ্চ উচ্চ অশ্বের ক্ষিপ্ত গতি দর্শনে সকলেরই ভয় হইয়াছে। রাজবংশের আদিপুরুষ তাঁহাদিগের নিকটে যাইয়া বলিলেন—“আসুন আসুন, আস্তে আস্তে হ্রয়। এই কুটীরে আসুন। বড় শ্রান্ত ক্লান্ত বোধ হচ্ছে। পানাহারের বিশেষ প্রয়োজন হইয়াছে।”

সৈনিকগণ পিপাসায় শুষ্কতালু হইয়াছেন। তাঁহারা বিনাবাক্য ব্যয়ে অশ্ব হইতে অবতরণ করিলেন, ব্যস্ততার সহিত স্নান আর্হিক করিলেন। তাঁহারা সুশীতল বারি পান করিলেন। এই সময়ে ছত্রের অপরাপর অতিথিগণ আহার ও বিশ্রাম করিয়া বিদায় হইয়াছিলেন। আগন্তুক সৈনিকগণ যে যে আহারীয় দ্রব্য পাইলেন, শুন্মধ্যে বারটি কৈ মৎস্ত প্রধান; সেরূপ কৈ মৎস্ত—সচরাচর দেখিতে পাওয়া যায় না। তাঁহারা ব্যস্ততার সহিত স্বপাক অন্ন ব্যঞ্জন আহার করিয়া আবার যাত্রা করিবার আয়োজন করিলেন। যাত্রাকালে ছত্রের কর্তাকে জিজ্ঞাসা করিলেন—“মহাশয় দয়া করিয়া আপনার নামটি বলুন।”

ছত্রের কর্তা নাম বলিলেন এবং আগন্তুকদিগের পরিচয় জানিবার নিমিত্ত দুই চারিটি শব্দ উচ্চারণ করিলেন। তখন সৈনিকদিগের মধ্যে এক জন বলিলেন—“আমাদের নাম ধাম জানিবার বিশেষ প্রয়োজন নাই। আমরা নবাব-প্রেমিত সৈনিক। এবাদতপুরে আমাদের ছাউনী। এবাদতপুর এখান হইতে কোন দিকে, কত দূর ?

## চতুবিংশ পরিচ্ছেদ ।

আমরা আশীর্বাদ করি, আপনার এই পুণ্যফলে আপনি ও আপনার বংশধরগণ রাজ্যোপাধিধারী জমিদার হউন । একটি কথা আপনাকে বলে যাই, যদি কখন বঙ্গেশ্বরের সহকারী সেনাপতি নিরঞ্জন রায় আপনাকে ডেকে পাঠান, তবে আপনি অবশ্য দেখা করবেন ।”

ছত্রস্বামী উত্তর করিলেন—“এবাদতপুর তিন ক্রোশ উত্তরপূর্ব দিকে—এই মাঠ,ঐ গ্রাম ও তার পরের মাঠ পার হইলেই এবাদতপুর । আজ্ঞে, আমি জমিদারী চাই না । আশীর্বাদ করুন, আমার ও আমার বংশধরগণের যেন দেবদ্বিজে ভক্তি হয় ও পরলোকে বিষ্ণুপদ লাভ হয় । আর আশীর্বাদ করুন, বরেন্দ্রে শাস্তি স্থাপিত হউক, নর-রক্তে আর যেন বরেন্দ্র প্রাণিত না হয় ।”

সৈনিকগণ এই কথায় আর উত্তর না করিয়া লম্ব প্রদানে অশ্ব পৃষ্ঠে আরোহণ করিলেন । তাঁহারা অশ্বে কশাঘাত করিয়া অশ্ব এবাদত পুরের দিকে ছুটাইয়া দিলেন ।





লোকের অতিথি হইরাছিলেন । ভদ্রলোকের ব্যবহারে তিনি, বড় পরি-  
তুষ্ট হইরাছেন । ভদ্রলোক তাঁহাদিগের আহারের নিমিত্ত এই অপরাহ্ন  
কালে যেরূপ বৃহৎ বৃহৎ কৈ মৎস্য সংগ্রহ করিরাছিলেন, সেইরূপ মৎস্য  
সচরাচর দৃষ্ট হয় না । তাঁহার নাম ধাম লেখাইয়া রাখিলেন । বরেন্দ্র  
বিজয় হইলে সেই ভদ্রলোককে জমিদারী দিয়া পুরস্কৃত করা হইবে, ইহাই  
সকলের মত হইল । অনন্তর অরাতির অনুগমনকারী অগ্ন্যাগ্ন সেনানায়ক  
দল তাঁহাদিগের অনুগমন বৃত্তান্ত বর্ণনা করিলেন ।

এই সকল কথা হইতেছে, এমন সময়ে এক গুপ্তচর আসিয়া জানা-  
ইল, অপর জমিদারগণের সৈন্ত দল বগুড়া হইতে ৫ পাঁচ কোশের মধ্যে  
কোন বৃহৎ প্রাস্তরে সমবেত হইরাছে । গত রজনীতে ঝড়, বৃষ্টি ও করকা-  
পাত না হইলে অস্ত্র এবাদতখাঁর কথোপকথন সময়ে সেই সব । সৈন্ত  
আসিয়া নবাব সেনার চারিদিকে আক্রমণ করিত । এবাদতখাঁ সহিত  
জমিদার সৈন্তের এইরূপ বন্দোবস্ত ছিল । এবাদত এই যুদ্ধে পরাস্ত  
হইয়া পুনরাগ্নি সৈন্ত সমবেত করিয়া সম্ভবতঃ-জমিদার সেনাদলের সহিত  
মিলিত হইবে ।

অনন্তর কালাপাহাড় সেনানায়কগণের সহিত যুদ্ধের ইতিকর্তব্যতা  
বিষয়ের পরামর্শ করিতে লাগিলেন । সকলের মতে এই পরামর্শ স্থির  
হইল, কিয়ৎকণ বিশ্রামান্তে অস্ত্র রজনীতেই বগুড়াভিমুখে যাত্রা করিতে  
হইবে । বিপর সেনা অকস্মাৎ আক্রমণ করিতে হইবে । নবাবসেনা  
ভিন্ন ভিন্ন পথে যত গোপনে যাইতে পারে, তাহার চেষ্টা করা হইবে ।  
সকল সৈন্ত মিলিত হইবার পূর্বে যুদ্ধ আরম্ভ করা উচিত । পশ্চিমধ্যে  
এবাদতের সৈন্তের সহিত সাক্ষাৎ হইলে, কতক সৈন্ত এবাদতের কটকের  
সঙ্গে যুদ্ধে প্রবৃত্ত হইবে ও কতক সৈন্ত বগুড়ায় যাইবে । এবাদতের  
সৈন্তের সহিত জমিদার-সৈন্তের মিলন হইতে দেওয়া হইবে না । যুদ্ধ



যুধে আরও শুনা গেল যে, এবাদতের সৈন্ত জমিদার সৈন্তের নিকট ঘাইবার জন্ত অথবা জমিদার সৈন্ত এবাদতের সৈন্তের সহিত মিলিত হইবার জন্ত পথমধ্যস্থিত সকল নদীতেই নৌকার সেতু প্রস্তুত রাখিয়াছে। পথিমধ্যে স্থানে স্থানে প্রহরিকর্তৃক পরিরক্ষিত সৈনিক ও হস্তী অশ্বাদির খাণ্ড সামগ্রীও রাখিয়াছে। এবাদতের সৈন্ত বলিয়া পরিচয় দিয়া গমন করিতে পারিলে, তাঁহারা পথিমধ্যে বিশেষ সহায়তা পাইবেন আশা করা যায়।

এবাদতপুরের যুদ্ধ জয়ের আনন্দ আহ্লাদ ধামিয়া গেল। সৈনিক-গণকে স্থানান্তরে ঘাইবার নিমিত্ত প্রস্তুত হইবার জন্ত ঘন ঘন বংশীধ্বনি হইতে লাগিল। সৈনিকদল দ্রব্যাদি বন্ধন করিতে লাগিল। যান-বাহন সকল প্রস্তুত হইতে লাগিল। যুদ্ধসত্তার ও খাণ্ড সামগ্রী সকল শকটে ও উষ্ট্র পৃষ্ঠে উত্তোলন করা হইতে লাগিল। অতঃপর গতিমুচক বাহ্যোগ্রম হইতে লাগিল।



নিশ্চিত মনে স্ব স্ব নষ্ট ও অপহৃত দ্রব্যের সছপায়ে মনোনিবেশ করিয়া-  
ছেন ।

বেলা এক প্রহরও নাই । গৃহিণী যে সময়ে দিবায় নিদ্রিতা বধুদিগকে ডাকিয়া ঘুম ভাঙ্গাইতে ছিলেন, বধুগণ যে সময়ে শশব্যস্তে উঠিয়া ক্লমমনে নিদ্রোখিত অর্ধ নিমীলিত নয়নে উচ্ছ্রিত বাসন জলাশয়ে লইয়া মাটিবার উপক্রম করিতেছেন, এমন সময় অপরা সমবয়সী বধুকে পাইয়া শশুর কুলের খাণ্ডী ননদিনীগণের গুণবর্ণনে বাগিতার পরিচয় দিতেছিলেন, যে সময়ে ভদ্রপল্লীর মহাশয়েরা দাবা, পাশা, ও কামের খেলার গণ্ডগোল করিতেছিলেন, যে সময়ে মাঠের রাখালগণ গবাদি পশুকে শম্পান্বাদনে প্রবৃত্ত করিয়া দিয়া হোল ডুগ্ ডুগ্ ও ডাণ্ডাগুলি খেলার প্রমত্ত হইতেছিল, যে সময়ে কন্দকার, স্বর্ণকার, কুন্তকার, মালা-কর মধ্যাহ্নের আহার বিশ্রামান্তে নবোদ্যমে আবার কার্যে প্রবৃত্ত হইতে-ছিল, যে সময়ে কোরকারবধু আলতা গুলিয়া কুর নকশ ধার দিয়া অলক্তরাগে মলনা-চরণ রঞ্জিত করিবার উদ্দেশ্যে মাপী সাজাইতেছিল, যে সময়ে তাঁতিকুল ঘন ঘন মাকু চালাইয়া বস্ত্রবয়ন করিতেছিল, যে সময়ে রক্তকুল স্ব স্ব বনিতার সহিত হাত্ত পরিহাসের সঙ্গে সঙ্গে কখন গৃহিণীর অঞ্চল টানিয়া, কেশ নাড়িয়া, নথাকর্ষণে নাসিকায় বেদনা দিয়া ধৌত বস্ত্র ভাঁজ করিতেছিল, যে সময়ে ভদ্রপল্লীর বয়োধিকা বামাঙ্গল, সর্ব-বিদ্যা বিষয়ক বাগ্‌বিত্ততার সঙ্গে সঙ্গে, তাড়ুল চর্কণের সঙ্গে সঙ্গে, কাঁথা, শিকাঁ, চুলের দড়ি প্রভৃতি প্রস্তুত করিতেছিলেন, যখন পবন মধ্যাহ্ন বিশ্রামের পর জাগ্রত হইবার উপক্রমে হস্ত, পদ, মুখ, নাসিকা একটু একটু নাড়িতেছিলেন, যখন নৈশপুষ্পসুন্দরীগণ কোরকারে হুলিতে-ছিলেন ও ভ্রমর গুঞ্জে লজ্জাশীলতা ও সতীত্বের পরাকাষ্ঠা দেখাইতে-ছিলেন এবং যখন জলে নলিনী, ও স্থলে সূর্যামুখী প্রাণপতি দিবাকরকে

## ষড়বিংশ পরিচ্ছেদ ।

স্পরের দিকে দৃষ্টিপাত করিয়া দেখিলেন, সের আলিসহ বিংশতি জন সৈন্য সমরে পতিত হইয়াছে । কালাপাহাড় দেখিলেন, হুর আলি কান্দিতেছে । তখন আর কথার সময় নাই । যুদ্ধের বেগ হ্রাস হয় নাই । কালাপাহাড় হুর আলিকে এই মাত্র জিজ্ঞাসা করিলেন—“সের কতদূরে কতক্ষণ কিরণে পড়িয়াছে ?”

হুর আলি উত্তর করিলেন—“বলিবার সময় এখনও হয় নাই ।”

যুদ্ধ প্রায় আর দুই দণ্ড হইল । জমিদার-সৈন্য সম্পূর্ণ পরাজিত হইল । যখন পাঁচ কি ছয় সহস্র সৈন্যমাত্র জীবিত থাকিল, তখন তাহারা অস্ত্র ফেলিয়া নবাব সেনাপতির শরণ লইল । সেনাপতি যুদ্ধ পরিহার পূর্বক তাহাদিগকে অভয় দিলেন । নবাব-সৈন্য আল্লা—আল্লা রবে দিগন্ত কম্পিত করিল ।

অহো যুদ্ধ কি ভয়ঙ্কর মহামারী ! সংগ্রাম কি মহাপাপ ! আহব কি নিষ্ঠুরতার রঙ্গ ভূমি ! রণ কি জীবন্ত জীবের সমাধিক্ষেত্র ! সময় কি মূর্ত্তিমান যম ! স্বার্থ অভিমান ! সংগ্রাম তোমাদেরই পৈশাচিক কাণ্ড । উচ্চাশা ! তুমি কি ভয়ানক রাক্ষসী । রাজপদ ! তুমি কি ঘোর নরক । রাজ্যালিপ্সা ! তুমি কি নিষ্ঠুরা ডাকিনী । রণক্ষেত্র কি বাস্তবিক, ডাকিনী, যোগিনী, পিশাচী, ভূত, প্রেত প্রকৃতির রঙ্গালয় ? বাস্তবিক তাহা নহে । স্বার্থ ভূত, অভিমান প্রেত, অহঙ্কার রাক্ষস, উচ্চাশা রাক্ষসী, রাজ্যালিপ্সা ডাকিনী, অর্থপিপাসা যোগিনী, তাহাদের রঙ্গালয়ই সময়ক্ষেত্র । মানব ! তুমি কি ক্ষুদ্রাশয় স্বার্থপর ! তুমি স্বার্থের মোহে, ভোগ বাসনার লালসায় না করিতে পার এমন কাজ নাই । ধর্ম্ম প্রবৃত্তি তোমার কথার কথা । দয়া, মমতা, সহানুভূতি তোমার ছলনা । তুমি নিষ্ঠুর—তুমি নিষ্ঠুরাদপি নিষ্ঠুর । তুমি মূর্ত্তিমতী নিষ্ঠুরতা । তোমার স্বার্থের পথে কণ্টক পড়িলে তোমার ধর্ম্ম কর্ম্ম, দয়ামমতা সব

## ষড়বিংশ পরিচ্ছেদ ।

নুরআলি। সের যেখানে পড়েছে, সেই স্থানে সেরের হাতের নিশানটি স্তূপীকৃত মৃত জীবের মধ্যে বসাইয়া আসিয়াছি। সের হজুরকে বাঁচাইতে যাইয়াই নিজে মরিয়াছে। হজুর যে সময় তুমুল সংগ্রামে বাস্তু, তখন জমিদার-সেনার একজন তীরন্দাজ হজুরকে লক্ষ্য করে এক সুতীক্ষ্ণ তীর ছাড়ে, সেই তীরে হজুরের জীবন নষ্ট হতে পারিত। সের ঢালে পেট ঢাকিয়া কাত হইয়া সেই তীরের সন্মুখে থাকে। সেই শর লাগিয়া সের ঘোড়া হ'তে পড়ে যায়। তখন তুমুল যুদ্ধ—সেরের কোথায় শর লাগিল, তাহা দেখিতে পাই নাই।

কালাপাহাড়। সের তবে না মরিতেও পারে।

নুর। তা হতে পারে।

তখন সেনাপতি ও নুর আলি আর কালবিল্ব না করিয়া আলোক-মইয়া কতিপয় ভূতের সহিত সেরের অনুসন্ধানে বাহির হইলেন।



কতস্থানে ঔষধ প্রয়োগ করা হইল। বিশিষ্টরূপ যত্ন সহকারে সেরকে যুদ্ধক্ষেত্র হইতে এক নির্জন পটমণ্ডলে লওয়া হইল। বারটার মধ্যে সেরের জ্ঞান হইলনা। যখন জ্ঞান হইল, তখন সের কেবল পানীয় জল চাহিলেন। তিনি কোথায় কি অবস্থায় আছেন, তাহা সেরের নিকট জানিলেন। সেনাপতিও রাত্রি দুই প্রহর পর্যন্ত অতি উৎকর্ষায় অতি-বাহিত করিলেন।

রাত্রি দ্বিপ্রহরের পর সেরের জ্ঞান হইলে, সেনাপতি শয়ন করিলেন। রক্তনার শেষ ভাগে সের আলির ভয়ানক জ্বর হইল। সুর আলি ও সের আলির পটমণ্ডলে হাকিম বা সেনাপতি যাইতে পারিতেন না। সুর আলির মুখে রোগীর অবস্থা শুনিয়া হাকিম ঔষধ দিতেন। 'এখন মরে তখন মরে' এইরূপ অবস্থায় সাত দিন অতীত হইল। অষ্টম দিন হইতে ক্রমশঃ অবস্থা ভাল হইতে লাগিল। এক পক্ষ মধ্যে সের আলি সম্পূর্ণ আরোগ্য লাভ করিলেন, কিন্তু তাহার দুর্বলতা গেলনা।

যে দিন অপরাহ্নে বগুড়ার যুদ্ধ হয়, সেই দিন সন্ধ্যার প্রাক্কালে এবাদত খাঁর সকল সৈন্য সুলতানপুর হইতে বগুড়ায় আসিবার পথে আসিয়া সমবেত হয়। কালাপাহাড়ের যে সকল সৈন্য এবাদত খাঁর গতিরোধ করিবার জন্য পথিমধ্যে প্রচ্ছন্নভাবে ছিল, তাহারা আসিয়া সবেগে এবাদত খাঁকে আক্রমণ করিল। তুমুল যুদ্ধ বাধিল। যুদ্ধে এবাদত খাঁ নিহত হইলেন। তাহার অধিকাংশ সৈন্য যুদ্ধে বন্দী হইল। কতক সৈন্য পলায়ন করিল। পরদিন বেলা দ্বিপ্রহর হইতে না হইতে বিজয়ী সৈন্যদল বন্দী সৈন্যের সহিত কালাপাহাড়ের নিকটে উপনীত হইলেন।

বরেন্দ্রভূমিতে জমিদার-বিদ্রোহ উপলক্ষে আর একটি যুদ্ধ হয়। সেই যুদ্ধে অবশিষ্ট সকল জমিদার-সৈন্য পরাজিত হয়। সেই যুদ্ধে সুর আলি,



## অষ্টবিংশ পরিচ্ছেদ ।

### সেনাপতি দরবারে ।

যে যুদ্ধ ক্ষেত্রে সের খালি কালাপাহাড়ের জীবন রক্ষা করিয়াছিলেন, সেই যুদ্ধক্ষেত্রে আজ সুবৃহৎ দরবার। বৃহৎ নীলরত্নাদি-খচিত ঝালর-যুক্ত চন্দ্রাতপ সকল উত্তোলন করা হইয়াছে। পুষ্পমালা, সুদৃশ লতা, সুদৃশ পত্র ও সুদৃশ কদলী তরু দ্বারা দরবার ক্ষেত্র অতি সুন্দররূপে সুসজ্জীভূত হইয়াছে। বরেন্দ্রের সকল জমিদারগণ, সমবেত হইয়াছেন। সুলতানপুরের নিকটবর্তী ধুবলহাটির জমিদারবংশের আদিপুরুষ সেই ধার্মিক অতিথিতরু শৌণ্ডিক মহাশয়েরও নিমন্ত্রণ হইয়াছে—অদ্য দরবারে বরেন্দ্রভূমিতে শান্তি স্থাপিত হইবে। অদ্য দরবারের কার্য্য-তালিকা সুবৃহৎ। দরবারের উপরে যেরূপ চন্দ্রাতপ উত্তোলন করা হইয়াছে, নিম্নে সেইরূপ রক্ত বর্ণ বস্ত্র বিস্তৃত করা হইয়াছে। মহার্ষ আসন সকল শ্রেণীবদ্ধ করিয়া রক্ষিত হইয়াছে—মহার্ষ বেশভূষণধারী সৈনিকগণ দরবার-প্রাঙ্গণের চতুর্দিকে ভ্রমণ করিতেছেন। সমর-বাদকগণ উৎসাহের বাদ্য বাজাইতেছে। সামরিক গায়কদল বীররসায়ক বীর-কাহিনী গান করিতেছে।

গ্রীক, শক, হুন, পারসি, তাতার ।

এক যার লুটে আসে অন্য আর ।

কত দুখ সহে বার বার ম'ার ?

একতা অভাবে এ দুখ হার ॥

হিন্দুগণ আছে বহু দিন হেথা ।

পাঠান রয়েছে যাবেনাকো কোথা ।

কর হেন কাজ যুক্তি হয় যথা ।

একতা অভাবে এ দুখ হার ॥

পাঠান হিন্দুর ঐক্য প্রয়োজন ।

নহিলে হেথায় থাকে নাকো ধন ।

মরিছে মরিছে লোক অগণন ।

একতা অভাবে এ দুখ হার ॥

গিরেছে বাণিজ্য গেছে কৃষিকাজ ।

নীরব নিস্তেজ হিন্দুর সমাজ ।

যুধ দেখাইতে পাই সদা লাজ ।

একতা অভাবে এ দুখ হার ॥

এস হিন্দুগণ, এস হে পাঠান ।

তাজ তাজ তাজ জাতি অভিমান ।

একতা-শৃঙ্খলা করহ সন্ধান ।

একতা অভাবে এ দুখ হার ॥

ভাটের গান শেষ হইলে সেনাপতি উঠিয়া দাঁড়াইলেন এবং দরবারে উপস্থিত সকল লোককে সম্বোধন করিয়া বলিলেন—“উপস্থিত হিন্দু-মুসলমানগণ! আপনারা সকলেই বোধ হয়, কুরুক্ষেত্র উদ্দেশ্যে জাত আছেন। যত্নকূলপতি ষারকানাথ কৃষ্ণের ইচ্ছা ছিল, ভারত-





## উনত্রিংশ পরিচ্ছেদ ।

### তাণ্ডায় নিরঞ্জনের অভ্যর্থনা ।

বরেন্দ্র-বিজয়ী সহকারী সেনাপতি তাণ্ডায় প্রত্যাবর্তন করিয়াছেন । তাণ্ডার প্রধান প্রধান রাজপথ জয়তোরণে সজ্জিত হইয়াছে । নৃত্য বাণ্ড গীত মহোৎসব চলিতেছে । সেনাপতি হিন্দু, বঙ্গেশ্বর ও তাঁহার আত্মীয় স্বজন মুসলমান । অভ্যর্থনা-কেন্দ্রের নিকটেই এক পটমণ্ডপে কালাপাহাড় অবস্থিতি করিতেছেন । বঙ্গেশ্বর কালাপাহাড়কে রীতিমত অভ্যর্থনা করিয়াছেন । কালাপাহাড়ও বরেন্দ্রের বাকি রাজস্ব ও উপায়নাদি যাহা প্রাপ্ত হইয়াছিলেন, তাহা সকলই বঙ্গেশ্বরকে অর্পণ করিয়াছেন । আজ তিন দিন তাণ্ডায় আনন্দ উৎসব চলিতেছে । প্রথম দিন অভ্যর্থনা কেন্দ্রে আর্গিজন অভ্যর্থনার পর, পথের দুর্গমতা, পথশ্রম, লাল খাঁর বুদ্ধি কৌশল ও সেনানিবেশ সংস্থাপনের সুবন্দোবস্ত, সের আলি ও হুরআলির বিখ্যাততা, এবাদত খাঁর বিশ্বাস ঘাতকতা, যুদ্ধ-জয়ের কৌশল, সেনা-রক্ষণ, সেনা বিভাগ করণ প্রভৃতি বিষয়ে কথোপ-

কখন হইয়াছে। দ্বিতীয় দিনের অভ্যর্থনার বরেন্দ্রভূমির অবস্থা, বরেন্দ্রের জমিদারগণের সহিত সখা স্থাপন, ধুবলহাটীর রাজবংশের আদিপুরুষের আতিথেয়তা, পুঁটীয়া রাজবংশের আনুগত্য ও সহায়তা, বরেন্দ্রের উৎপন্ন দ্রব্য, জল বায়ু ও খাদ্য, লোক সংখ্যা প্রভৃতি বিষয়ে অনেক কথা হইয়াছে। এই দিন অভ্যর্থনা-ক্ষেত্রে বঙ্গেশ্বর কালাপাহাড়কে তাঁহার প্রধান সেনাপতি বলিয়া ঘোষণা করিয়াছেন ও তাঁহার প্রধান সেনাপতি বার্কিক্য বশতঃ অবসর গ্রহণ করিয়াছেন। এই দিন বঙ্গেশ্বর আক্ষেপ করিয়া বলিয়াছিলেন, কালাপাহাড় হিন্দু না হইলে নজিরগের শুভ পরিণয় তাঁহার সঙ্গেই হইত। নিরঞ্জন কালাপাহাড়ের গায় বীর, পণ্ডিত ও সর্বগুণ-মণ্ডিত জামাতা বঙ্গদেশে বিরল। নজিরগও কিছু দিন জলবাসের পর নবাব-প্রাসাদে উঠিয়াছেন। তাঁহার শরীর দুর্বল হইলেও কিন্তু আর কোন পীড়া নাই। বঙ্গেশ্বর ইহাও বলিয়াছেন, এই জয়োৎসবের সঙ্গে সঙ্গে নজিরগের বিবাহ দিতে হইবে।

তাঁহার প্রতি ঘরে আনন্দ। যুদ্ধ-বিজয়ী সেনানায়ক, সৈনিক, সৈন্তের আহার-সংগ্রাহক, অশ্ব-রক্ষক, হস্তি-পালক—সকলের গৃহেই আনন্দ। বৃদ্ধ পিতামাতা পুত্র পাইয়াছেন, বনিতা পতি পাইয়াছেন, ভ্রাতা ভগিনী ভ্রাতা পাইয়াছেন, পুত্রকণ্ঠা পিতা পাইয়াছেন, বন্ধু বন্ধু পাইয়াছেন, ও প্রতিবেশী প্রতিবেশীর সঙ্গে পাইয়াছেন; কেন না তাঁহাদের আনন্দ হইবে? আজ শিশু পুত্রকণ্ঠা “বাবা” বলিয়া ডাকিয়া পিতৃ-ক্রোড়ে বসিয়া আনন্দের একশেষ দেখাইতেছে। আজ ভ্রাতা ভগিনী ভ্রাতার সুখ দুঃখের কথা শুনিয়া কখন হর্ষিত কখন দুঃখিত হইয়া এক অপূর্ব সুখ অনুভব করিতেছেন। বন্ধু বন্ধুর সহিত মিলিয়া আজ গর্হণে কত কথাই বলিতেছেন। বৃদ্ধ পিতামাতা ভয়ঙ্কর রণ-রাক্ষসের গ্রাসমুক্ত পুত্র-সুখ অবলোকন করিয়া পরম প্রীতি লাভ করিতেছেন—আজ প্রশান্ত

অপেক্ষা ভীকৃতর ! আমিরণ ! আর এখানে মুহূর্ত্ত অপেক্ষা ক'রো না—  
তোমাদের পবিত্র গাঢ় প্রেমে আর কলঙ্ক স্পর্শ করতে দিও না । সের  
তুমি সের বেশে গৃহে যাও । মুর তুমি সেরকে লইয়া যাও । নজিরণ  
তোমার প্রেমের গভীরতা—অতলস্পর্শী গভীরতা, বিগুহতা, স্থিরতা,  
দৃঢ়তা আমি সম্পূর্ণ অনুভব করলেম । মুর ওরফে আমিরণ—চতুরা আমি-  
রণ ! তোমার আশাও কাল পূর্ণ হবে, হোসেনের সঙ্গে তোমার বিবাহ  
দিব । হোসেন তোমার পৈতৃক সম্পত্তি কিরে পাবে । আর মুহূর্ত্ত বিলম্ব  
ক'রো না । ফকির সাহেব, আপনি কল্যাণ প্রত্যাষে ঘোষণা করবেন—আমি  
কা'ল কল্‌মা প'ড়ে মুসলমান হ'ব—প্রকাশ্যে মুসলমান হ'ব, কাল সূর্য্য  
অস্ত গমনের পূর্বে আমি নবাবের অনুমতি লয়ে নজিরণের পাণিগ্রহণ  
করব ।

রাত্রি অধিক হইয়াছিল সের, মুর ও ফকির সাহেব আর বাক্যব্যয়  
না করিয়া, তিন জনে এক সঙ্গে প্রফুল্লচিত্তে পটমণ্ডপ হইতে বহির্গত  
হইলেন ।



করিয়াছে ; বখন জানিবেন, সের সেরপুরের যুদ্ধে স্বীয় জীবন উৎসর্গ করিয়া আপনাকে বাঁচাইয়াছে ; সের দেশে দেশে আপনার সঙ্গে সঙ্গে আপনার মায়ার,—নিজের জীবন তুচ্ছ করিয়া,—পুরুষ বেশে ভ্রমণ করিয়াছে ; আর সেই সের—বিবি নজিরগ ; তখন আর আপনি কণ বিলম্ব না করিয়া তাহাকে বিবাহ করবেন । হুজুরবেশী আমিরগেরও হোসেনের সহিত বিবাহ হইবে । আপনার বিবাহের দিন উপস্থিত । ষটক মধ্যাহ্নের অন্তাব নাই । বড় আশা ছিল, আপনি মুসলমান হইবার পূর্বে আপনার চরণ যুগল একবার পূজা করিব ; তাহা আর গোড়া কপালে হইল না । আজ তিন দিনের মধ্যে একবার দেখা পাইলাম না । রমণীর প্রেম, রমণীর ভক্তি, ষশোলিপ্সু কার্যকুশল সেনাপতির মনে স্থান পায়না । পূর্বে আক্ষেপ করিতেন—

পত্রের এই অংশ পর্য্যন্ত সেনাপতি পাঠ করিলেন । পত্রের অপরাধ অংশ মসীপতনে একরূপ নষ্ট হয়েছিল যে, তাহা আর বহুযত্নেও সেনাপতি পাঠ করিতে পারিলেন না । এখন সেনাপতির নানা চিন্তা আসিল । অন্তঃপুরবাসিনী যোগমায়া এ সব কথা কোথায় পায় । নানা চিন্তা করিতে করিতে সেনাপতি নিদ্রিত হইয়া পড়িলেন । নিদ্রিত অবস্থায় কত স্বপ্নই দেখিলেন । কোন স্বপ্নে কাঁদিতে লাগিলেন । কোন স্বপ্নে হাস্য করিয়া উঠিলেন । চিন্তাকুল ব্যক্তির নিদ্রিতাবস্থায় স্বপ্নের বিরাম থাকেনা । অন্ত সেনাপতিরও স্বপ্ন দর্শনের বিরাম নাই ।

সেনাপতি প্রথম স্বপ্ন দেখিলেন—বজ্রের মধ্যস্থানে একটু ধূম দৃষ্ট হইল । ঐ ধূম কিরৎক্ষণ পরে বায়ুসংযোগে জলিয়া উঠিল । ঐ ধূম ক্রমে বিবম ছতাসন হইয়া সকল বাঙ্গালা, বেহার, উড়িষ্যা, আসাম পরিব্যাপ্ত হইল । ঐ আগুন আকাশ স্পর্শ করিল । ঐ আগুনে পুড়িয়া ঐ সকল দেশ ভস্মীভূত হইল । কত হিন্দু পুড়িল—হিন্দুর গ্রন্থ পুড়িল !

তঁাহার পিণ্ডাদি ভাসিয়া গেল। তঁাহার পিতৃপুরুষগণ বিশাল দণ্ড হস্তে করিয়া উপনীত হইলেন। তঁাহারা বলিলেন—রে কুলাঙ্গার ! রে বিধর্মী মুসলমান ! তুই ব্রাহ্মণকুলের কলঙ্ক। তুই আমাদের বংশের শানি। তুই বঙ্গদেশের পাপ—তুই হিন্দুর ভ্রাস। তুই হিন্দু দেব দেবীর অরি। তোর জল পিণ্ড আমরা স্পর্শ করিবনা। যা যা, তুই মুসলমান-পদ-লেহনকারী কুকুর। তুই মক্কার যাইয়া তোর পাপের প্রায়শ্চিত্ত কর। তোর পাপের প্রায়শ্চিত্ত নাই। কালাপাহাড় কি যেন কি উত্তর করিতেছিলেন, সেই উত্তরে তঁাহার নিজা ভঙ্গ হইল। তিনি এবারে কোন দেব দেবীর নাম মুখে উচ্চারণ করিলেন না। তিনি মনে মনে চিন্তা করিলেন স্বপ্ন সকল অলীক চিন্তা। কোন দেব দেবী নাই—ঈশ্বর নাই। ঈশ্বরের নাম ও ধর্ম সমাজ সংস্থাপনের কথা শিশুকে জুজুর ভয় দেখানোর মত একটা ভয় দেখানে কথা মাত্র। প্রাকৃতিক নিয়মেই সৃষ্টি স্থিতি—ঐ নিয়মেই লয় প্রাপ্তি। স্বর্গ নরকও মিছে কথা। কর্ম কিছুই নয়, পুরুষকারই সব। পূর্বজন্ম পরজন্ম নাই। সমুদ্রে যেমন জলবুদ্বুদ আপনিই উঠিতেছে, আপনিই লয় পাইতেছে, সেইরূপ এই জড়াস্থক পৃথিবীতে জীবের আপনিই উৎপত্তি হইতেছে, আবার আপনিই লয় হইতেছে।

সেনাপতি আর শয্যায় থাকিতে পারিলেন না। তিনি উঠিয়া বসিলেন। প্রভাত-বায়ু মৃদু মৃদু তঁাহার শিবিরে প্রবেশ করিতে লাগিল। তিনি আবার ভাবিতে লাগিলেন—হিন্দু মুসলমান এক। সকলেই মানুষ। সকলেই এক রকম মনো-বৃত্তি, প্রবৃত্তি ইন্দ্রিয়াদি ল'রে পৃথিবীতে এসেছে। মুসলমানকে কেন ঘেঁষ করিব? চাই বল, চাই শক্তি। হিন্দু মুসলমানে মিলন অসম্ভব। ককির ও স্বামীর মত ভ্রান্ত। বলে বল সঞ্চয় করতে হ'লে, হয় মুসলমান হিন্দুকে গ্রাস করবে, আর না হয়



## একত্রিংশ পরিচ্ছেদ ।

### যোগমায়ার সমীপে ।

১৫৮ সালের জ্যৈষ্ঠ মাসে সেনাপতি কালাপাহাড় বরেন্দ্র জয় করিয়া  
তাণ্ডায় আদিয়াছেন । ঐ জ্যৈষ্ঠ মাসেই তিনি মুসলমান ধর্মে দীক্ষিত  
হইয়াছেন । ঐ জ্যৈষ্ঠ মাসেই নজিরগের সহিত তাঁহার শুভ পরিণয় মহা-  
সমারোহে সম্পাদিত হইয়াছে । আমিরগের সহিতও হোসেন পরিনীত  
হইয়াছেন । আজ শ্রাবণের প্রথম ভাগ । আকাশে মেঘ টল্ টল্  
করিতেছে । মধ্য মধ্য বৃষ্টি হইতেছে—মধ্য মধ্য মেঘ সকল প্রবল  
বায়ু কর্তৃক ইতস্ততঃ পরিচালিত হইতেছে । ভাগীরথীর বেগ ধরতর  
হইয়াছে—ভাগীরথী যেন যৌবনমদে মাতিয়া কাহাকেও গ্রাহ্য না  
করিয়া অহঙ্কারে কটাক্ষ করিতে করিতে আপন মনে আপন কথা  
বলিতে বলিতে স্থায় গন্তব্য স্থানে গমন করিতেছেন । প্রবল গর্জিত  
লোক গমন কালে যেমন তাহার পার্শ্ববর্তী স্থান ও জীবকে একটু কিছু  
জানাইয়া যায়, ভাগীরথীও সেইরূপ দুই তীর ভূমি তাড়িয়া বৃক্ষ লতা

মুসলমান করিবেন। তাণ্ডার বাস ভবন ও বিপণি গৃহের উপর নির-  
ঞ্জনের মাতুলগণ আর কেহ দৃষ্টি করেন নাই। তাঁহাদিগের ইচ্ছা ছিল,  
তাঁহারা সকলে ঐ সকল অট্টালিকা পরে বিক্রয় করিবেন। তাঁহারা  
কেহ যোগমায়াকে সঙ্গে লইতে সাহস করেন নাই। তাঁহাদের সকলের  
আশঙ্কা যোগমায়াকে সঙ্গে লইলে, কালাপাহাড় তাঁহাদিগের প্রতি  
প্রধাবিত হইবে।

বেলা ছয় দণ্ড হইলেও দিবস মেঘাচ্ছন্ন হওয়ার বোধ হইতেছিল,  
যেন এই প্রভাত হইল। নিরঞ্জনের মাতামহালয়ে এক্ষণে কেবল এক  
যোগমায়া ও এক বৃদ্ধা পরিচারিকা আছেন। আজ আনন্দ বাজার  
নিস্তর শ্মশানে পরিণত হইয়াছে। আজ বঙ্গালয় নিস্তরতা রাক্ষসীর  
বাস ভবনে পরিণত হইয়াছে। যোগমায়া চিত্তাকুল হইয়া বসিয়া  
আছেন। পরিচারিকা বলিল—“বেলা কম হয়নি, তরকারী টরকারী  
কুটে নিন। বসে বসে সারা রাত দিম ভাবলে আর কি হবে! যা  
কপালে ছিল হয়েছে।”

যোগমায়া। খাওয়াত প্রতিদিনই আছে, এক সূম্নে খেলেই হ'লো।  
আমার কপাল মন্দ কিমে? যার স্বামী নবাবের সেনাপতি, তার আর  
কপাল মন্দ কিমে? তবে আমার এক আক্ষেপ এই যে, তিনি মুসলমান  
হয়েছেন।

পরিচারিকা। ঠাকুরাণি! থাম থাম। অমন স্বামী থাকলেই বা কি,  
ম'লেই বা কি। জাতনাশা অলপ্পয়ে নজিরণ মাগীকে বে' না ক'রে আর  
এ বাড়ী মুখো এলোনা। এখন এসেই বা কি করেন, কেবল বলেন  
মুসলমান হও, আর সেই মুসলমানীর বাড়ীতে চল।

আনিয়া পরিচারিকা কালাপাহাড় কে কিরূপ চক্ষে দেখিত, কিন্তু  
সে সর্বদাই যোগমায়ার নিকট কালাপাহাড়ের নিন্দা করিত ও গালি

বি এই কথায় রাগিয়া গরু গরু করিতে করিতে বেগে সম্মার্জনী  
চালাইয়া গৃহ পরিষ্কার করিতে লাগিল ।

যোগমায়া কালাপাহাড়কে বলিলেন—“আমি কাঁদি নাই ।”

কালাপাহাড় । তোমার চখে জল তবু কাঁদি নাই ?

পরিচারিকা ক্রোধে আর থাকিতে পারিল না, সে স্বগতই আরম্ভ  
করিল । ই—ই—ই, চখের জলে ঘড় পুরে গেল । মেয়েটাকে দগ্ধে  
মারলে । নিজে কাঁদান আর জিজ্ঞাসা করেন চখে জল । উনি কাঁদবেন  
না ত কাঁদবে কে ? অমন পোড়া কপাল আর কার ?

যোগমায়া পুনরপি পরিচারিকার স্বগত বাক্যাবলী নিষেধ করিয়া  
কালাপাহাড়কে বলিলেন—“না আমি কাঁদিব কেন, কাঁদি নাই ।”

কালাপাহাড় বলিতে লাগিলেন—“দেখ মায়া ! শাস্তি সুখ তোমারও  
গিয়েছে, আমারও গিয়েছে । “তুমি কাঁদবেনা ত কাঁদবে কে” বিয়  
এই কথা খুব সত্য । আমিও কাঁদছি । ভেবনা, নবাবের ভাইবি  
নজিরগকে বে করে আমি বড় সুখে আছি । আমি আমার হৃদয়ে দাবা-  
নল জ্বলেছি । এখন আমার শাস্তি তোমাতে । তুমি আমার ধর্মপত্নী,  
তুমি আমার বালা সখী । তুমি আগন, নজিরগ এখনও পর । নজিরগকে  
ভালবেসেছি কিনা বলতে পারি না ; তার প্রতি আমার সহানুভূতি  
আছে, এ কথা আমি অবশ্য স্বীকার করব । তুমি জান, সকল কাজ এক  
স্থানে হয় না । রন্ধন, ভোজন, পান, শয়নের ভিন্ন গৃহের প্রয়োজন ।  
নজিরগ সুন্দরী রসিকা, এ কথা স্বীকার করি । তুমিও আমার পরম  
ভালবাসিনী, বুদ্ধিমতী ও আমার শাস্তিদায়িনী । নজিরগ পুষ্পোদ্যান,  
তুমি অন্তঃপুর । নজিরগ বৈঠকখানা, তুমি শয়ন ভবন । নজিরগ সুখ,  
তুমি শাস্তি । নজিরগ গোলাপের মালা, তুমি স্নিগ্ধ সৌরভশালিনী  
যেলের মালা । নজিরগ সুরা, তুমি সুধা । নজিরগের সহবাসে কণেক



পতিপ্রাণা বালিকা পতির খাতিরেও ধর্ম-গৌড়াম ছাড়ে না, তাই কি হিন্দু মুসলমানে মিলবে ? সকল হিন্দু নাশ করে এক মুসলমান কর্ব—কাশী হ'তে কামাখ্যা, হিমালয় হ'তে বঙ্গোপসাগর আল্লা আল্লা ধ্বনিতে, লায় লাহা এল্ এল্লা কলমায় এদেশ কম্পিত কর্ব । জেন যোগ ! তোমার দোষে সোণার বাঙ্গালা ছারে খারে চল্লো ।

যোগমায়ী আর ভয়ে কথা বলিতে পারিলেন না । কালাপাহাড় বেগে গৃহ হইতে বহির্গমন করিলেন ।



কাঁদিতেন। আবার কষ্টসাধ্য কৰ্তব্য-সাধনে প্রভুর প্রশংসাবাদে—  
পার্শ্ববর্তী লোকের গুণ কীর্তনে হাসিয়া উঠিতেন। স্মৃতি ও বিস্মৃতি  
স্ব স্ব মায়া বিস্তার করিয়া সংসারে গুরিল্লমণ করিতেছেন। বিস্মৃতি মায়া-  
জালে সকল কষ্ট ঢাকিবার চেষ্টা পাইতেছেন, স্মৃতি সকল দৃশ্য নয়নের  
উপর আনিয়া ধরিতেছেন। আমরা স্মৃতি বিস্মৃতির হাতের ক্রীড়ার পুতুল  
হইয়াছি। আমরা স্মৃতিকে ঠেলিয়া ফেলিয়া বিস্মৃতির মায়া-জালের  
ছায়ায় উপবেশন করিয়া সকল ক্লেশ অপনোদন করিতে চাই। এই সুখ  
ছুঃখের বিচিত্র ভাঙার সংসারে, বিস্মৃতির বটচ্ছায়া ও স্মৃতির উত্তপ্ত মক  
উভয়ের সুখ ছুঃখই আমাদের ভোগ করিতে হইতেছে। আমিরণের বাড়ীতে  
নজিরণ অগ্রেই আসিয়াছেন। সেনাপতি কালাপাহাড় পরে অস্বারোহণে  
সেই ভবনে উপনীত হইলেন। তিনি বহির্কাটাতে অবস্থান না করিয়া  
একেবারে অন্তঃপুরে প্রবেশ করিলেন। অন্তঃপুরে প্রবেশ করিলে আমিরণ  
নিকটে আসিয়া বলিলেন—“কি ছুঃসাহস! ভদ্রলোকের অন্তঃপুরে  
প্রবেশ। এখনই ধরে বিচারের জন্ত পাঠাবু।”

কাপা। আমি বঙ্গেশ্বরের সেনাপতি। আমার সের আলি ও মুর  
আলি নামে দুই জন শরীর-রক্ষক পালিয়েছে। তাহাদিগকে গ্রেপ্তার  
করিতে এসেছি। আমার অক্সাহতগতি।

আমি। আমিও বেরব। আমাবু ষোড়াও বাহিরে সাজান আছে।  
আমার সখীর একটি ক্রীতদাস পালিয়েছে, তাকে গ্রেপ্তার করতে হবে।

কাপা। বটে—বটে। আগে আমি আমার শরীর-রক্ষক গ্রেপ্তার  
করে নিরে যাই।

আমি। ক্রীতদাস বলে যদি ধরা পড়ে যান?

কাপা। ধরা দিলে তঁর ধরা পড়বে।

আমি। ধরাও দিয়েছেন ধরাও পড়েছেন।

আমার মাঝে মধুর চাকও নাই, আর দশে বিশে মধুর মাছি এসে মধুও চালেনা ।”

এই সময়ে নজিরগ বলিল—“পোড়ার মুখী জিজিরগ, তুইত এখন খুব কথা শিখেছিস ।”

এই রূপ কথা হইতে হইতে ছবিরগ গোটাকতক পান ও আমাদিগের পূর্বপরিচিত কেলো ওরফে কৃষ্ণচন্দ্র ঘোষ মহাশয়কে সঙ্গে লইয়া সেই গৃহে প্রবেশ করিল এবং ডাক ছাড়িল—“তোমরা কেউ গোলাপী খিলি নেবে গো ? দুই খিলি এক মন ।”

কৃষ্ণচন্দ্র ঘরের মধ্যে উঁকি মারিয়াই সেনাপতি ও সেনানায়ক হোসেনকে দেখিয়া পশ্চাৎপদ হইতেছিলেন এবং প্রকাশ্যে বলিলেন—  
“আজ্ঞে, আজ্ঞে এখানে সেনাপতি ও খাঁ সাহেব । আমি—আমি—”

কালাপাহাড় ডাকিয়া বলিলেন—“কৃষ্ণচন্দ্র ঘোষজা । আমি বাঙ্গালা বেহারের সেনাপতি আপনার কাছে কি ? আমি আপনার কাছে পূর্বে ছিদাম নিরু ঠাকুর, এক্ষণে আছি নিরু খাঁ পাঠান । আপনি আমার বালাবন্ধু ; আমি সেনাপতি বলে কিছু মাথ্র ভয় করবেন না । জিজিরগের সঙ্গে বে’ আমি নিশ্চয় দেব ।”

সেনাপতি জিজিরগের দিকে দৃষ্টি করিয়া বলিলেন—“কেমন জিজিরগ, তুমি ত মুন্সিরাজ কৃষ্ণচন্দ্র ঘোষ মহাশয়কে বে করছ ?”

জিজিরগ মস্তক অবনত করিয়া বিবাহে সম্মতি জানাইলেন । ছবিরগ ও জিজিরগের বিবাহও প্রধান প্রধান সৈনিকের সহিত হইয়াছিল । কালু সে বিবাহের কথা জানিত না ।

কালাপাহাড় আবার কৃষ্ণচন্দ্রকে বলিলেন—“মুন্সিরাজ ঘোষজা । নেচে, গেয়ে, বাজায় আমাদিগকে একটু সুখী কর । তোমার মত গায়ক, তোমার মত বাদক, তোমার মত নর্তক এ সহরে আর নাই ।”

নজিরণ, আমিরণ, ছবিরণ ও জিজিরণ চারি জনেই এক সঙ্গে কালুর সঙ্গীতের অসাধারণ প্রশংসা করিলেন । তাঁহারা আরও জিজিরণের মুখ টিপিয়া বলিলেন—“ওলো জিজিরণ ! তোরে বড় কপাল, এমন রসিক চূড়ামণির সঙ্গে তোর বে ।”

কৃষ্ণচন্দ্রের আর আহ্লাদের পরিসীমা থাকিল না । তিনি উঠিয়া দাঁড়াইয়া নানা অঙ্গ ভঙ্গী সহকারে গান ধরিলেন—

জিজিরণ রূপের ডালি,                      কমল কলি,  
 ফোটা গোলাপ ফুল ।  
 জিজিরণ হাস্ছে বসে,                      ফুল পড়্ছে ধসে,  
 রসিক ভ্রমরা আকুল ॥  
 জিজিরণ ডাঙ্গায় চাঁপাফুল,                      জলে কমল ফুল,  
 পরী বলে মনে করি ভুল ।

এই সঙ্গীত হইতে হইতে আমিরণ বলিলেন—“জিজিরণ ত এখন তোমার । জিজিরণের রূপের গুণের গান তাকে বাড়ী নিয়ে গিয়ে শুনিয়ো ; এখন শ্যামা বিষয়, ভবানী বিষয়, টপ্পা, খেয়াল, দেহভঙ্গ, সংকীর্্তন, এই সকল গানের একটা গাও ।”

কৃষ্ণচন্দ্র বলিলেন ।—“তবে আচ্ছা আমি ক্রমে ক্রমে সব গাচ্ছি । আগে শ্যামা বিষয়ই ধরি:—

খাঁড়া ধরা ভয়ঙ্করা শ্যামারে মা,  
 রণে ভয়ঙ্করী মুক্তকেশী দিগম্বরী রে মা,  
 কভু সিংহ পরে চড় দশ হাতে অস্ত্র ধর ॥  
 দৈত্যদলে দমন কর উমারে মা,  
 কখন বা হাঁ করে দাঁড়িয়ে শঙ্কু উপরে,  
 সংহার মূর্তিতে হও সর্ব সংহারিণী রে মা ।



## ত্রয়স্ত্রিংশ পরিচ্ছেদ ।

### মুক্তগা ।


বারাণসী নগরী এস্থান হইতে ৮ ক্রোশ দূরে অবস্থিত । ভাগীরথীর দক্ষিণ তীরে সেনাপতি কালাপাহাড়ের সৈন্যদল যুদ্ধ সম্ভার ও অশ্ব গজাদি আসিয়া উপনীত হইয়াছে । এইস্থানে নৌসেতু নিৰ্ম্মিত হইয়াছে । কাশীরাজের দূতগণ মনে করিয়াছেন, এই স্থানেই কালাপাহাড় সৈন্য সামন্তসহ ভাগীরথী পার হইবেন । কাশীর উত্তরদিকের প্রান্তরে কাশীরাজের সৈন্যসামন্তের সহিত কালাপাহাড়ের যুদ্ধ হইবে—এই বিশ্বাসে কাশীরাজ সেই প্রান্তরে সেনাদল সহ যুদ্ধার্থে প্রস্তুত হইয়াছেন ।

কার্ত্তিক মাসের শেষভাগ । দেব দিবাকর তাঁহার কিরণ-জাল সংযত করিয়া ধরিত্রীকে স্নিগ্ধ-বায়ু সেবনের অনুমতি করিয়া অস্তাচল গমনের উদ্যোগ করিতেছেন । বিহগকুল দৈনিক আহার সমাপন করিয়া চক্ষু মুছিয়া পক্ষ ঝাড়িয়া কুলাঘে গমনের উদ্যোগ করিতেছে । বিগত-যৌবনা

পীর। আমরা গঙ্গার ডাইন পার দিবে ঘেবে বিখেশ্বর ও অন্নপূর্ণার সর্বনাশ করব।

অতঃপর পীরবন্ধের পরামর্শই গ্রহণ করা হইল। কতকগুলি নৌকা মহাজনী নৌকা বলিয়া নোসেতু নির্মাণার্থ প্রেরিত হইল। কল্য প্রত্যাষে দুই দিক দিয়া কালী আক্রমণ করা স্থির হইল। কালাপাহাড় ছয় আনা রকম সৈন্ত লইয়া সন্ধ্যা পরেই যাত্রা করিলেন।





## চতুস্ত্রিংশ পরিচ্ছেদ ।

কালী জয় ।

আল্লা—আল্লা—আল্লা । অন্নপূর্ণামায়িকী জয় ! অন্নপূর্ণামায়িকী জয় ! অন্নপূর্ণামায়িকী জয় ! বাবা বিশ্বেশ্বরজি কি জয় ! বাম-সূর্য উদয়াচলে রক্তাভ কিরণমালা বিক্ষেপ করিতে করিতে সমাগত হইয়াছেন । বিহংকুল কুলায় না ছাড়িয়াই প্রাতঃস্তোত্র পাঠ করিতেছে । অনিল অরণের অভ্যর্থনা-সূচক চামর ব্যঞ্জন করিতেছেন । কুম্ব-কুল হেলিয়া ছলিয়া হাসিয়া উঠিল । পত্রপুঞ্জ নড়িয়া নড়িয়া নাচিয়া উঠিল । তরুকুল ছলিয়া ছলিয়া দোল খাইতে লাগিল । ত্রতীকুল হেলিয়া হেলিয়া তরু শাখায় আলিঙ্গন করিয়া হেলিয়া পড়িল । পেচক, বাহুড়, চামটিকা অরণকে গালি দিতে দিতে পলায়ন করিল । তরুরকুলও তাহাতে অনুমোদন করিল । তারকা-বেষ্টিত শশধর অরণের প্রতি অবজ্ঞার সূঁটিপাতে পেচকাদি ও তরুদির কার্যে, বিনা বাক্য ব্যয়ে, অঙ্গভঙ্গিতে

সমর্থন করিলেন। হিন্দু মুসলমানের যুদ্ধরবে দিগন্ত কম্পিত হইল। কাশীরাজের সহিত হোসেন প্রমুখ কালাপাহাড়ের সেনাদলের ঘোর সংগ্রাম বাধিল। পদাতিক পদাতিকর সহিত, অখারোহী অখারোহীর সহিত, তীরন্দাজ তীরন্দাজের সহিত, অসিযোদ্ধা অসিযোদ্ধার সহিত ঘোর আহবে প্রমত্ত হইলেন।—যেন দেবাসুরে ঘোর সমর বাধিল। কাশীরাজ অক্লান্তভাবে যুদ্ধ করিতে লাগিলেন। হোসেনআলি ও বন্দেআলির যুদ্ধকৌশলও বিচিত্র।

অন্নপূর্ণা-মন্দিরে আরতি হইতেছে। বিশ্বেশ্বরের মন্দিরে মঙ্গল আরতির ঘোর ঘণ্টা লাগিয়াছে। শঙ্কটার বাড়ী শঙ্ক ঘণ্টা বাজিতেছে। কাল-ভৈরবের মন্দিরে আরতির বাজের সহিত নবাগত সারমের দল ডাকিয়া উঠিয়াছে। এমন সময় পশ্চাৎদিক হইতে রব উঠিল ;—

“পালারে পালারে কাফের ! পালারে সত্বর ।

পরানে বাঁচিস যদি যা যা নিজ ঘর ॥”

“ওমা ! ওরে বাবা ! এ কারা ! সর্বনাশ ! সর্বনাশ ! ঘোর বিপদ ! মুসলমান-সৈন্য মন্দিরে আসিয়াছে। কালাপাহাড় পুরী প্রবেশ করেছে ” —এই কথা যাত্রীর মুখ হইতে পাণ্ডার মুখে, পাণ্ডার মুখ হইতে সমগ্র বারাণসী সহরে বিস্তৃত হইয়া পড়িল।

কথা উঠিতে উঠিতে পলায়নের ঘেঁষ রোল উঠিল। পাণ্ডাগণ বিশ্বেশ্বরের লিঙ্গমূর্তি জ্ঞানবাপীতে ফেলিয়া দিলেন। অত্র পাণ্ডাদল অন্নপূর্ণার পীঠ চিহ্ন লইয়া পলায়ন করিলেন।

কালাপাহাড়ের সেনাদল চক্বাধারে আগুন লাগাইয়া দিল। অন্নপূর্ণা মূর্তি ও বিশ্বেশ্বরের কৃত্রিম মূর্তি চূর্ণীকৃত হইল। শঙ্কটাকে গদাধলে বিসর্জন করা হইল। কালভৈরব দণ্ডাঘাতে খণ্ড বিখণ্ড হইলেন। বৈশ্বানর লোল জিহ্বা বিস্তার পূর্বক পবিত্র পুরী বারাণসী উদরমাৎ



করিবার চেষ্টা পাইতে লাগিলেন । অগ্নিশিখা উর্দ্ধ আকাশে উঠিল । ধূমপুঞ্জ তদুর্ধ্বে উঠিল । বাল-বৃদ্ধ-বনিতার রোদন ধ্বনিতে প্রলয়কাল বলিয়া অনুমিত হইতে লাগিল ।

ধর্মপ্রাণ যাত্রিগণ, পরহিতব্রত সন্ন্যাসিদল, ভক্তিপূর্ণ ছাত্র-নিচর ও কাশীর সাধারণ অধিবাসিসমূহ যিনি যাহা পাইলেন, তাহাই হস্তে লইয়া কালাপাহাড়কে আক্রমণ করিতে ধাবিত হইলেন । কালাপাহাড়ের সহিত তাঁহাদের তুমুল সংগ্রাম বাধিল । কালাপাহাড় এক তেজস্বী অশ্বের পৃষ্ঠে থাকিয়া শূকোশলে সৈন্যচালনা করিতেছিলেন, তিনি পশ্চাদিকে ফিরিয়া দেখিলেন, একজন সন্ন্যাসী দূর হইতে চিমটা ছুড়িয়া তাঁহার নিধন সাধনের উপক্রম করিতেছেন ; কিন্তু একটি ছাত্র দণ্ডাঘাতে চিমটা ভূতলে ফেলিয়া দিল । সেনাপতি ছাত্রটিকে চিনি চিনি করিয়া ব্যস্ততার চিনিতে পারিলেন না । ঘোর যুদ্ধ চলিতে লাগিল । হিন্দুগণ প্রাণপণে ধর্মরক্ষার্থ যুদ্ধ করিতেছেন ও মুসলমানগণ হিন্দুধর্ম বিনাশের জন্ত বীর নিনাদে পৃথিবী কম্পিত করিতেছেন । এইরূপ যুদ্ধে মধ্যাহ্নকাল অতীত হইল ।

কাশীরাজ যুদ্ধক্ষেত্রেই সংবাদ পাইলেন, অল্প পথে কালাপাহাড় আসিয়া দেব দেবীর মন্দির সকল আক্রমণ করিয়াছে । কাশীরাজ আর যুদ্ধক্ষেত্রে অপেক্ষা করিতে পারিলেন না । তিনি সটমন্ত্রে নগরী রক্ষার্থ ধাবিত হইলেন । সঙ্গে সঙ্গে মুসলমান সৈন্য ও আসিল । দক্ষ কাশীর পশ্চিম পার্শ্বে সূর্যাস্ত পর্য্যন্ত হিন্দু মুসলমানে ঘোর সংগ্রাম হইল । হিন্দুগণ অনাহারে ও ক্ষুৎপিপাসায় কাতর হইয়া পড়িলেন । মুসলমানগণ পর্য্যায়ক্রমে এক দলের পর অপর দল আহার সমাপন করিয়া আসিয়া নবোদ্যমে সমর-লালসার পরিতৃপ্তি করিতে লাগিলেন । ক্লান্তি বশতঃ হিন্দুগণ অবসন্ন হইয়া পড়িতে লাগিলেন । এই সময়ে মুসলমান সৈন্য

বুড়ু সিংহ দলের ন্যায় হিন্দু সৈন্যের উপর আপত্তিত হইলেন। দূর হইতে বিক্ষিপ্ত এক শর অখারোখী কাশীরাজের কর্ণমূলে বিদ্ধ হওয়ায় তিনি অচেতন হইয়া রণক্ষেত্রে বিপত্তিত হইলেন। তাঁহার সুশিক্ষিত অশ্ব তাঁহার সাজ পোষাক দশন দ্বারা কঠিনরূপে ধারণ পূর্বক সমরাস্রগ হইতে সবেগে পলায়ন করিল। হিন্দু দল একেই দেব দেবীর মূর্তিনাশে ভয়োগ্‌সাহ হইয়াছিলেন, কাশী-দাহের অগ্নিশিখায় তাঁহাদিগের হৃদয় বিদীর্ণ হইতেছিল এবং অবশেষে যখন শুনিলেন, রাজা সমরাস্রগে নিপত্তিত হইয়াছেন, তখন আর তাঁহাদিগের উদ্যম উৎসাহ কিছুই থাকিল না। 'এরূপ অবস্থায়ও কাশীরাজের সেনাপতি শেষ চেষ্টা করিবার উদ্যোগ করিতেছিলেন, এমন সময়ে কালাপাহাড়ের পক্ষ হইতে সুরাপানে প্রমত্ত, শক্রদলনে সমর্থ, এক দল বৃহৎ হস্তী হিন্দু-নাশের জন্ত হিন্দুদিগের প্রতিকূলে পরিচালিত হইল। আর হিন্দুর উপায় থাকিল না। মৃত্যু ভিন্ন জয়ের আশা থাকিল না। সমর করিতে করিতে না মরিয়া, হস্তীর পদতলে পিষ্ট হইয়া, ও শুণ্ডাঘাতে মরিয়া স্বর্গে যাইবার পথ থাকিল না; তখন হিন্দু সেনাপতি, তূষাধ্বনি করিয়া জানাইলেন "পালাও পালাও"। হিন্দুগণ ছত্রভঙ্গ হইয়া পলায়ন করিলেন। কতকগুলি দুর্ভাগ্য হিন্দু কালাপাহাড়ের করে বন্দী হইলেন।

অতঃপর কাশীর যে দৃশ্য হইল, তাহা বর্ণনা করা অসাধ্য। সে দৃশ্য বর্ণনা করিলে লেখনী অপবিত্র হইবে। সে দৃশ্য মনে করিলে হৃদয় কলঙ্কিত হইবে। উপায়ও নাই। ঐতিহাসিক উপন্যাস লিখিতে বসি-  
রাছি; পাপীর পাপের অভিনয় দেখাইতে বসিরাছি। মুসলমান অপেক্ষা  
স্বধর্মত্যাগী স্বধর্মদ্রোহীর কার্যের অপকারিতা দেখাইতে উদ্যোগী হইরাছি  
—ভ্রাতৃ বিশ্বাসের কুফল দেখাইতে অগ্রসর হইরাছি—অপরিণাম-দর্শীর  
অমুঠানের কুফল দেখাইতে বসিরাছি, এক্ষণে বিরত হওয়াও সম্ভব

সমুচিত দণ্ডবিধান হইল। ভারতীয় রাজত্ববর্গের প্রাধান্য-প্রিয়তার, ভারতের একতা-শূন্যতার, ভারতবাসীর মিলিয়া মিশিয়া কার্য্য করিবার অনধিকারিতার, ভারতবাসীর একজনকে পাঁচ জনের অধীনে রাখিবার ও পাঁচ জনে একজনের অধীনে থাকিবার অপটুতার সমুচিত দণ্ড বিধান হইল। ভারতবাসীর সহানুভূতি-শূন্যতার, ভারতবাসীর নিশ্চেষ্টতার, ভারতবাসীর উদ্যম-শূন্যতার সমুচিত দণ্ড বিধান হইল। ভবিষ্যৎ ভারতীয় জাতির বুদ্ধিয়া কার্য্য করিবার এক সুন্দর আদর্শ হইল।



কালী জয় হইয়াছে । কালাপাহাড় তাণ্ডার ফিরিয়া আসিয়াছেন । পথিমধ্যে কত দেবমূর্তি, কত দেবীমূর্তি ও কত দেবালয়ের ধ্বংস সাধন করিয়াছেন । কত হিন্দুপল্লী ভস্মসাৎ করিয়াছেন । গয়াধাম জয় করা অতি সহজ বিবেচিত হওয়ার পিরবক্স ও হোসেন আলিকে মৈত্র-সহ গয়ার পাঠাইয়া ঘোর আড়ম্বরে উড়িষ্যার যুদ্ধযাত্রা করিতে হইবে এই নিমিত্ত সেনাপতি তাণ্ডার প্রত্যাবর্তন করিয়াছেন । নজিরগের অনুরোধে কালাপাহাড় আজ যোগমায়ার সহিত দেখা করিতে মাতামহালয়ে গমন করিয়াছেন । যোগমায়া সেই ভাবেই নিরঞ্জনের মাতামহালয়েই অবস্থিতি করিতেছেন । আমিরণ, ছবিরণ, ও জিজিরণ সেনাপতির মন পরীক্ষার জন্ত আজ তাঁহাকে কাঁদাইয়া দিয়াছেন । তাঁহারা এক একজনে এক এক ভাবে যোগমায়ার গুণ বর্ণনা করিয়াছেন । সেনাপতির প্রেম-পারাবার উচ্ছ্বাসিত হইয়া, সমুদ্র তরঙ্গে তীরভূমি প্লাবনের গায় তদীর নয়নে প্লাবন আসিয়াছে । তাঁহারা যোগমায়ার অনেক গুণ বর্ণনার পর বলিয়াছেন, যোগমায়ার পতিভক্তি এত গভীর ও দৃঢ় যে, তিনি ( নিরঞ্জন ) বরেন্দ্র ভূমি জয় করিতে গেলে, যোগমায়া পাগলিনীর বেশে তাঁহার অনুগমন করিতে কৃতসঙ্কল্প হইয়া মাতামহালয় হইতে বহির্গত হইয়াছিলেন । নিরঞ্জনের মাতামহালয়ের বধুগণের তাঁহার উপর তীক্ষ্ণ দৃষ্টি থাকায়, যোগমায়া স্বাধ সংকল্প-সাধনে কৃতকার্য হন নাই ।

কালাপাহাড়ের উচ্ছ্বাস ছিল, বৃদ্ধের হিন্দু সম্প্রদায়ের ধ্বংস সাধন করিয়া যোগমায়ার সহিত দেখা করিবেন । নজিরণ ও তাঁহার সহচরীগণের অনুরোধে কালাপাহাড় যোগমায়ার ভবনে আসিয়াছেন যোগমায়ার সেই পূর্ব পরিচারিকাই আছে । সে কালাপাহাড়কে দেখাইয়া কহে কি বলিতেছে । সে আপন মনে আপন বলিতেছে—“এমন কঠিনও মানুষ থাকেগা ! এমন নিষ্ঠুরও মানুষ থাকেগা ? দয়া নাই,

মায়া নাই, ভক্ততা নাই, চক্ষু লজ্জাও নাই। ঠাকুরকে ডাকিনীতে পেয়েছে—নিশ্চয় ডাকিনীতে পেয়েছে। তা না হ'লে বায়ুনের ছেলে, নিজের মস্ত পণ্ডিত লোক, এ সব কিছুই না ভেবে মুসলমান হলেন ! এই সোনার চাঁদের মত বৌ, সাক্ষাৎ দেবী, সাক্ষাৎ মা অন্নপূর্ণা, এর দিকে ফিরেও চাওয়া নাই। যে আপন জাত ইজ্জত খেয়ে হুঃসাহসে ভর করে কালীমন্দির হ'তে মাথা বাঁচিয়ে আনলে, সে হ'লো পর—আর কোথাকার সেই মুসলমানের মেয়ে তাকে নিয়ে ঘর করা কচ্ছেন ! শুনেছি সেও নাকি বলে ঠাকুরকে এখানে আনতে—ঠাকুর নামেও এখন কালাপাহাড়, আসলেও কালাপাহাড় ; পূর্বের সে দয়া, মায়া, হাসিমাথা মুখ, মিষ্টিকথা অপূর্ব রূপ দিব্বি ব্রাহ্মণের শ্রী এখন সে সব কোথায় গিয়েছে।”

পরিচারিকার এইরূপ কথায় যোগমায়া বিরক্ত হইয়া তাহাকে স্থানান্তরে প্রেরণ করিলেন। তিনি জানিতেন, পরিচারিকাকে বকুনি হ'তে ক্ষান্ত হইতে বলিলে, তাহার বকুনি আরও বাড়িত। সে কত কি বকিতে বকিতে স্থানান্তরে চলিয়াগেল।

কালাপাহাড় আবার বলিতে লাগিলেন—“তোমার হিন্দুগ্রন্থমাত্রও রাখ বনা ; সমস্ত পোড়ার। হিন্দুর ধর্মও যা, মুসলমানের ধর্মও তাই। হিন্দুতে গরু খেতো, মুসলমানের এখনও গরু খায়। হিন্দুরা গরম দেশ ব'লে গরু খাওয়াটা ছেড়েছে। হিন্দুরা যেরূপ অত্যাচারে অনার্যদিগকে ভাড়িয়েছে, মুসলমানেরা তত অত্যাচার এখনও করতে পারেনি। আর দেখ হিন্দুরা যে বড় জাতি হয়েছিল, অনার্যেরা তাদের সঙ্গে মিশেছিল বলে। বিজিত জাতি অর্থাৎ দাসের সংখ্যাই হিন্দুর মধ্যে অধিক। মুসলমানেরা ত হিন্দুকে দাস করতে চান না ; ধর্ম ছেড়ে মুসলমান হলেই হলো। আমি যত হিন্দুকে মুসলমান করেছি, সকলকেই বড় বড় পদ দিয়েছি। আমি হ'তে তোমার অন্তই হিন্দুর বেশী কতি

ভুলব ! যে দিন পাটুলীর বাড়ী ঘর গিয়েছিল, যে দিন পাটুলীর সম্পত্তি গিয়েছিল, যে দিন নিরাশ্রয় হ'য়ে বন পালিয়েছিলাম, কার মুখ দেখে সে দিন বেঁচেছিলেম মায়া ? কার মন মুখ দেখে তাণ্ডার দরবার করতে এসেছিলাম ? কার কথা ভেবে তাণ্ডার এক বৎসর দরবার করেছি ? কার মুখ সমৃদ্ধির জন্ত বঙ্গেশ্বরের সেনাপতিত্ব গ্রহণ করেছি ? মায়া ! তুমি কি কেবল আমার স্ত্রী ? তুমি উপকার করিতে আমার বন্ধু, তুমি সহায়তা করিতে আমার ভ্রাতা, পরামর্শ দিতে তুমি আমার মন্ত্রী, আহাৰ দানে তুমি মাতা, সেবা শুশ্রূষায় তুমি পত্নী, শাস্তি দিতে তুমি দেবী, প্রফুল্লতা ও সুখ দিতে তুমি ভাঁড় ও কবি। রূপে ধিক্ ! রূপের মোহে ধিক্ ! ঘটনাচক্রে উপকারের কৃতজ্ঞতায়—ধর্মের নৈরাশ্রে—আমি নজিরগকে বে করেছি। তোমার সহিত নিরঞ্জন দেবতা ; তোমার বিহনে নিরঞ্জন মূর্তিমান নরক। তোমার আর নজিরগে আকাশ পাতাল প্রভেদ। তুমি শাস্তির নদী, আর নজিরগ শীতল শিশির বিন্দু। তুমি প্রফুল্লতার পুষ্পোদ্যান। আর নজিরগ বোঁটাছেঁড়া একুটা কোটা গোলাপ। তুমি সেবা ভক্তির আকর আর সে সেবাভক্তির মরুভূমি। তোমার ভুলব মায়া ? তোমার ভুলব ?”

যোগমায়া আর কথা কহিতে পারিলেন না, তিনি কাঁদিতে লাগিলেন। যোগমায়া কাঁদিতে কাঁদিতে বলিলেন—“ঠাকুরদাদার গণনা ঠিক। আমার পোড়া কপাল তাই আমি এমন স্বামীর সংসর্গ হ'তে আমি বঞ্চিত।”

কালাপাহাড়ও আর কথা কহিতে পারিলেন না। জলে তাঁহার চক্ষু পূর্ণ হইয়া আসিল। তিনিও নয়ন জল মুছিতে মুছিতে যোগমায়ার জ্বন হইতে বহির্গত হইলেন।

মায়াকে পাব, দেশেরও উপকার করিব। পুরী গেলেই হিন্দুর বড় তীর্থ  
গেল। যা হউক এই নিকটের বদীপটার দফা রফা করে আসতে  
হচ্ছে।” সেনাপতি অস্ত্রপুরে গমন করিলেন।

নূতন বঙ্গেশ্বর। বঙ্গেশ্বরের, নূতন সেনাপতি কালাপাহাড়। কি সাহসে  
আমরা কালাপাহাড়ের অস্ত্রপুরে প্রবেশ করিব—কি সাহসে বঙ্গত্রাস  
সেনাপতির অন্তরে ললনাকুলের মধ্যে প্রবেশ করিব? পাঠক! আপনি  
চন্দ্রশেখরে মিরকাসিমের অস্ত্রপুর দেখিয়াছেন। আপনি রাজসিংহ  
পাঠে কলনার মোগল সম্রাটের অস্ত্রপুরে প্রবেশ করিয়াছেন। এখানে  
কালাপাহাড়ের অস্ত্রপুরের অবস্থা না লিখিয়া উল্লিখিত গ্রন্থ বরাত দিলে  
কি চলে না? বরাতে চলিলেই বড় ভাল হইত। পর-পদক্ষেপে পদ  
রাখিয়া গমন করা অপেক্ষা নিশ্চেষ্ট বসিয়া থাকা কি ভাল? পক্ষান্তরে  
রূপ ও ঐশ্বর্য্য বর্ণনে এবং নামক নামিকার নামের গুণে বঙ্গ গ্রন্থের  
আদর। আসামিগণ যদি সকল বাঙ্গালী কথা রূপান্তরিত করিয়া পৃথক  
ভাষা করিতে পারেন এবং উড়িয়াগণও যদি ঐরূপ, উড়িয়াকে একটি  
স্বতন্ত্র ভাষা বলিতে পারেন এবং তৎদেশবাসী কৃতবিদ্যে ব্যক্তিগণ ঐরূপ  
ভাষাস্বাতন্ত্র্য সমর্থন করেন, তবে আমি চন্দ্রশেখর ঠিক নকল করিলেও আমি  
কত পাঠক পাইব। তাঁহারা আমার কালাপাহাড়ের অস্ত্রপুর বর্ণন এক  
পৃথক নূতন বস্তু বলিয়া গ্রহণ করিতে পারেন। প্রকৃতপক্ষে পূর্ববর্তী  
গ্রন্থকারগণের ভাব ও কথা বেমালুম্ চুরি করিতে পারিলেই হতভাগ্য  
বঙ্গের গ্রন্থকারগণের সমধিক আদর হইয়া থাকে। কবির মাইকেল  
মধুসূদন দত্ত পর-পদক্ষেপে গমন না করিয়া নূতন ভাবে নূতন গ্রন্থ রচনা  
করায় তিনি জীবিত থাকিতে খ্যাতি বা অর্থ কিছুই পান নাই।

স্বধর্ম্মচ্যুত নব সেনাপতি কালাপাহাড়ের অস্ত্রপুর অতি রমণীয়।  
বিলাসপ্রিয় গর্ভপূর্ণা নজিরগণের বাসভবন অতিবিচিত্র ও মূল্যবান।

এই ভবনের এক বৃহৎ প্রকোষ্ঠে সেনাপতি কালাপাহাড় আসিয়া উপনীত হইলেন । সেই গৃহের মধ্যস্থলে এক বৃহৎ মন্দির প্রস্তর নির্মিত মধ্যে রত্নাদি খচিত স্তূর্ণ পাতে ঐ সৌন্দর্য্য-সুগন্ধ-পূর্ণ পুষ্পরাশি সজ্জিত রহিয়াছে । গৃহে গোলাপ জল সিক্ত হইয়াছে । গৃহ-মধ্যস্থিত দ্রব্য সকল হইতে সুগন্ধ বহির্গত হইতেছে । কে বলে হুরজাঁহান গোপাল জল ও গোলাপী আতর নূতন আবিষ্কার করিয়াছেন ? হুরজাঁহান কেবল মাত্র ঐ সকল দ্রব্য প্রণয়নের নূতন পথ দেখাইয়াছেন মাত্র । কালাপাহাড় গৃহে প্রবেশ করিয়া গৃহ নিৰ্জ্জন দেখিলেন । তিনি একটু বড় করিয়া বলিলেন—“এত কড়া তলব, ঘরত কাহাকেও দেখিনা ?”

আমিরণ গম্ভীরভাবে সেই গৃহে প্রবেশ করিয়া বলিলেন—“সের ও হুর মরেছে ।”

অন্যদিক দিয়া ছবিরণ ও জিজিরণ সেই গৃহে আসিয়া বলিলেন—“ছবিরণ ও জিজিরণও মরেছে ।”

নজিরণও গৃহে প্রবেশ করিয়া গম্ভীরভাবে বলিলেন—“আমিও মরিয়াছি ।”

কালাপাহাড় : তখন হাসিয়া উত্তর করিলেন—“আমি তবে ভূত । আজ এ কি অভিনয় ? আজ কি তবে এখানে ভূত পেত্নীর খেলা হবে ? সের আর হুর বরেন্দ্র যুদ্ধের ধ্বংসে দুইটা লোককে প্রাণে মেরে ভূত করে রেখে তবে মরেছে ।”

আমিরণ । আপনি ভূত বইকি । তা না হলে এ সব হবে কেন ?

ছবিরণ । তা বোন ঠিক ।

জিজিরণ । তা দিদি সত্যি সত্যি ।

নজিরণ । তা ভাই তোরা যা বলিস তা বল । আমি মরার চেয়েও বাড়া হইছি । নিরত যুদ্ধ, গ্রামের পর গ্রাম পোড়ান, মন্দির ভাঙ্গা, দেবতা



কাপা। হিন্দু আমার কেশাখণ্ডে পর্শ করতে পারবে না।

নন্দি। অশ্রায় যুদ্ধে কালী নষ্ট করেছে। ডাকাতির মত পড়ে গ্রাম, ঠাকুর, পুঁথি পোড়াচ্ছে। হিন্দু শিষ্ট শাস্ত্র জাতি, তারা সহজে ক্ষেপেনা। তারা অপরিণামদর্শীর মত কাজ করেনা। সকল ক্রিয়াই প্রতিক্রিয়া আছেই আছে। তোমার অত্যাচার যখন সকল বাঙ্গালায় প্রসারিত হ'বে, যখন সকল হিন্দুর মনে ব্যথা লাগবে, তখন এই শিষ্ট শাস্ত্র অস্ত্রহীন হিন্দুর মধ্য হ'তে এমন লোক জন হবে, এমন একটা শক্তির আবির্ভাব হ'বে যে, এই ক্ষুদ্র মুসলমান-শক্তি তাদের ফুৎকারে উড়ে যাবে। আমি দেখছি, তুমি হিন্দুর প্রতি যত অত্যাচার করছ, হিন্দুর উন্নতির পথ, হিন্দুর স্বাধীনতার পথ, হিন্দুর মিলনের পথ ততই পরিষ্কৃত হচ্ছে। বহুদিনের পরাধীনতায়, বহুদিনের অত্যাচার উৎপীড়নে হিন্দুর মিলনের শক্তি নষ্ট হয়েছে, তাইব'লে তারা মানব প্রকৃতি-স্বলভ দোষ গুণ হারায় নাই। ক্রোধ যদি রিপুর হাত হ'তে এড়ায় নাই। ঘোর অত্যাচারে যখন সকল হিন্দুর এক লক্ষ্য হবে, তখন ক্ষুদ্র স্বার্থ বলি দিয়ে মহৎ লক্ষ্য সাধনের জগৎ সকল হিন্দু মিলবে। তখন অস্ত্র শস্ত্রের অভাব হবেনা এবং সেনাপতি ও সেনানায়কের অভাব থাকবেনা। দৃঢ় প্রতিজ্ঞায় সাহস, বীরত্ব ও যুদ্ধকৌশল আপনা আপনি এসে পড়বে।

কাপা। আমি তোমার মত ন্যূনা গুণমানতাপূর্ণ বন দেখে বাঘের ভয় করিনা। কাল বনে বাঘ নাই। আমি-মেরে কেটে পুড়িয়ে বুড়িয়ে হিন্দুকে মুসলমান মঞ্চে মিশিয়ে দিব।

এইরূপ আরও অনেক কথার মধ্যে অনেক কথা হইল। বামাদলের অহুন্নয়, অপেক্ষাকৃত প্রকল, যুক্তি, তর্ক প্রভৃতি কিছুতেই সেনাপতির কঠিন হৃদয়ে হইল না। সেনাপতি তাঁহাদিগের বিশেষ পীড়া-

এক কণাও জীবনে শোধ করা অসম্ভব। আর বেশী সময় ছদ্মবেশে এই প্রিয়তম স্থানে, এই অপূর্ণ স্বর্গে বেড়ান হচ্ছেনা। বেলা দুই প্রহর, বাতাসও বেশ বছে। সৈনিকদিগকে কড়া হুকুম দিলেই মানে না, তারপরে নিষেধ করে আসি নাই। এ রমণীয় স্বর্গ পোড়ান হবেনা। এই সময়ে পোড়ান ও লুট বিষয়ে বিশেষ সতর্ক করতে হবে। কালাপাহাড় এইরূপ চিন্তা করিতেছেন, এমন সময়ে চীৎকার উঠিল—  
“আগুন, আগুন, সর্বনাশ, সর্বনাশ।”

কালাপাহাড় অদ্য প্রত্যুষে নবদ্বীপে আসিয়া নবদ্বীপের অদূরস্থ ময়দান মধ্যে শিবির সান্নিবেশিত করিয়াছেন। তাঁহার আগমনবার্তা প্রকাশিত হওয়ার অনেকে ধনসম্পত্তি ও গ্রন্থাদি লইয়া—পলায়ন করিয়াছেন। সৈনিকগণ কালাপাহাড়ের বিনা অনুমতিতেই নবদ্বীপে অগ্নি সংযোগ করিয়াছে। দেব ছতাশন লোল রসনা বিস্তারপূর্বক নবদ্বীপ গ্রাস করিতে বসিয়াছেন—অগ্নিশিখা উর্দ্ধ গগনে উঠিয়াছে ও ধূমপুঞ্জ নবদ্বীপ অন্ধকার হইয়া পড়িয়াছে। কালাপাহাড় অনন্তোপায় হইয়া সেই আত্মকাননে উচ্চ বংশীধ্বনি করিলেন। তাঁহার সাক্ষাতিক বংশীধ্বনিতে প্রধান প্রধান সেনানায়ক ও কতিপয় সৈনিক পুরুষ তাঁহার নিকটে আসিলেন। তিনি আদেশ করিলেন, প্রাণপণ যত্নে অগ্নি নির্বাপিত করিতে হইবে। সৈনিকগণ অগ্নি নির্বাণের উত্তোগ করিতে লাগিলেন।

ইতিমধ্যে কালাপাহাড়ের অধ্যাপক হরদেব স্তায়রত্ন মহাশয়ের সহ-ধর্মিণী আগুন দেখিবার ভয় বাহির হইয়া আত্ম তরুণ্যে আসিয়া দাঁড়াইয়াছেন। তিনি উচ্চ রবে বলিতেছেন—“আমি কিছু বের করবনা, কিছু বের করব না। যথাসর্বস্ব যাউক, যথা সর্বস্ব যাউক। পুঁথি পুঁথি আগে যাউক। মা ভগ্নদেহকে হারিয়েছি, চারি বৎসর। মেয়ের অসুস্থানে স্তায়রত্নও নিরুদ্দেশ ছয় মাস। নিরে কি এমন ডাকাত

পারিত। তাহাঙ্গিরে সঙ্গ পট্টপ সকল রক্ষা করিবার জন্ত জল ছড়াইয়া অগ্নি নির্বাপনের যত্নাদি ছিল। তাহারা অল্প সময়ের মধ্যে জল ছড়াইয়া অগ্নি নির্বাপিত করিল। বিদ্যাভূষণের বাড়ীর অল্পাংশ পুড়িয়াই আগুন নিবিল। ঞায়রত্নের বাড়ীতে আগুন আসিতেই পারিল না। নবদ্বীপের বিদগ্ধ জননী (পোড়া মা) বাড়ী ও মূর্তি কিছু পুড়িতে পুড়িতে আগুন নির্বাপিত হইয়াছিল।

ঞায়রত্ন মহাশয়ের পত্নী কালাপাহাড়কে গালি দেওয়া হইতে বিরত হন নাই। তিনি বলিতেছিলেন—“নিরে, পোড়ামুখো নিরে এমন নিষ্ঠুর? এমন নির্মম। এই সোনার নবদ্বীপ কি ক’রে পোড়ালে? যে পুঁথি দেখলে প্রণাম কর্ত, নবদ্বীপকে স্বর্গ বলত, নবদ্বীপের পণ্ডিতগণকে মুনি ঋষি বলত, সেই আজ নবদ্বীপ পোড়ালে! যে আমাকে ম’র চেয়ে অধিক ভক্তি কর্ত, আমায় কত আশাভরসা দিত, সেই দেব দ্বিজে ভক্তিমন্ত গুহু শাস্ত দেবতা আজ ডাকিনীর মায়ায় কি হয়েছে!”

কালাপাহাড়ের শত্রু ছিল না। তিনি পরচুলার দাড়ী লাগাইয়া মুসলমান সাজিতেন। অগ্নিমধ্যে যাওয়ার তাঁহার সেই পরচুলার দাড়ীও অর্দ্ধদগ্ধ হওয়ায় তিনি তাহা ফেলিয়া দিয়াছেন। তিনি গুরুপত্নীর আক্ষেপ ও তিরস্কার-বাক্যে স্থির থাকিতে পারিলেন না। তিনি তাঁহার চরণে লুণ্ঠিত হইয়া পড়িলেন।

গুরুপত্নী অস্থির ভাবে এই সকল কথা বলিতেছিলেন। তিনি স্থিরভাবে প্রণত ব্যক্তির মুখের দিকে দৃষ্টি করিয়া তাঁহাকে চিনিয়া উচ্চরবে ক্রন্দন করিয়া তাঁহাকে কোলে লইয়া মৃত্তিকার উপর বসিয়া পড়িলেন এবং বলিতে লাগিলেন—“র্যা-র্যা-র্যা তুই নিক? বাবা নিক! তুই এমন হয়েছিস! দেবতাও দাকস হ’তে পারে রে বাবা! আমি জগ-দ্বীপকে চারি বৎসর হারিয়েছি। ঞায়রত্নও ছয়মাস হলো কোথাগ:

চলে গিয়েছেন ।” এই বলিয়া অধ্যাপক-দয়িতা দরবিগলিতধারে অশ্র-  
বর্ষণ পূর্বক কাঁদিতে লাগিলেন ।

সিংহ কি আজ যাহমন্ত্রে মুগ্ধ হইয়াছে ! কালাপাহাড়ও ভুলুঠিত  
হইয়া মাতৃচরণ ধারণ-পূর্বক হাউ হাউ করিয়া কাঁদিতেছেন । তাঁহার  
কথা কহিবার সাধ্য নাই । তাঁহার দরবিগলিতধারে প্রবাহিত অশ্রধারার  
বিরাম নাই । বিদ্যাভূষণের স্ত্রী ধীরে ধীরে নিকটে আসিলেন । তিনি  
অনন্তরন উত্তোলন করিয়া বলিতে লাগিলেন—“তুমি আমাদের সেই  
নিকু ঠাকুরপো ? জায়রত্ন মহাশয়ের ছাত্র ও আমার স্বামীর সতীর্থ ?  
এখন বুঝি তুমি কালাপাহাড় ? বঙ্গেশ্বরের সেনাপতি ? তুমি কাশী  
জয় করেছ, গ্রামের পর গ্রাম পোড়াছ, রাশি রাশি শাস্ত্র পোড়াছ  
ও নবাবের ভাইঝীকে বে করেছ । বলি, আমাদের কথা কি মনে আছে ?  
তোমার মত দানব, তোমার মত রাক্ষস এদেশে আর জন্মায় নি ।  
তোমার ধর্ম নেই, কর্ম নেই, সব সেই ডাকিনী মাগীর শ্রীপাদ-  
পদ্মে দিগে সোণার বাঁজালা রসাতলে দিতে বসেছ । তুমি যদি আমার  
থোকাকে না বাঁচাতে, তবে আজ আর তোমার রক্ষা ছিল না । আজ বাঁটা  
দিগে বেশ করে ঝেড়ে দিতুম । তোমরা না বার জন ছাত্র প্রতিজ্ঞা  
করেছিলে, আজীবন পরম্পর পরম্পরকে সাহায্য করবে ? আমার স্বামী  
কাশীর যুদ্ধে সন্ন্যাসীর চিমটা হস্ত তোমায় বাঁচালেন । তাঁকে তুমি  
ভাগ্য লয়ে বন্দী করে রেখেছ । তাঁকে বন্দী করে রেখেছ, কিন্তু  
তোমার ঠাকুর সেবা, অতিথি সেবা, আদায় পত্র সমান ভাবেই হচ্ছে ।  
শুনেছি তিনি তোমাকে কত সংবাদ দিয়েছেন, তুমি একবার দেখাও কর  
না । সেই কাশীনাগিনী নাগমন্ত্রে বেঁধে তোমায় জর জর করেছে ।  
সেই বজ্জাত চখে মুখে কথা বলে । সে নাকি কথার বলে সভার পরীক্ষায়  
উত্তরে গেল । তার চাচাকে কত কটু কাটব্য বলে । শুনেছি তার

যে মায়া, অপর সাধারণ লোকের স্ব স্ব জন্মভূমির উপর তদপেক্ষা অধিক মমতা। এই দৈত্যের মত বাঙ্গালা পুড়িয়ে, শাস্ত্র পুড়িয়ে দেবদেবী ভেঙ্গে যদি উদ্দেশ্য সফল হ'তো, তা হ'লে ক্রতি ছিলনা। বিষে-বিষে নির্বিষ হ'ত। একপোয়া<sup>১</sup> দুধে একছটাক জল খাওয়ান যায়, এক বেগবতী নদীতে পাঁচ কলসী দুধ ঢেলে ফেললেও দুধের চিহ্ন থাকেনা। হিন্দু জনসংখ্যা বেগবতী নদী, আর মুসলমানের সংখ্যা কয়েক কলসী দুধ মাত্র। এত হিন্দু মুসলমানে কি করে মিশ খাওয়াব? যা হউক আমার ত দুইরকম উদ্দেশ্যই আছে। হয় ঘোর অত্যাচাবে হিন্দু উত্তেজিত হয়ে মুসলমানকে গ্রাস ক'রে ফেলুক অথবা সব হিন্দু মুসলমান হয়ে যাক। আমার ইচ্ছা নয় যে দেশে উৎপীড়ক ও উৎপীড়িত, অত্যাচারী ও অত্যাচারিত দুই সম্প্রদায়ের লোক থাকে। যে কোন রকমে দেশে এক সম্প্রদায়ের লোক ও এক প্রবল শক্তি সংস্থাপন করা আবশ্যিক। পাপ-পুণ্য ধর্ম্মাধর্ম্ম কিছু বুঝিনা। মরা তাঁচা সুখ দুঃখ আমি কিছু বুঝিনা। কোন ক্রমে এই পৃথিবীর খেলাটা খেলে যেতে পারলেই হয়। ভক্তি, স্নেহ, বাৎসল্য, প্রেম, দয়া, মমতা, নব্রতা, বিনয় এ গুলি সমাজ ও পরিবার বন্ধনের শক্ত দড়ি, আসল এ গুলিতে কিছু নাই। আমরা অভ্যাস বশতঃ ঐ সব গুণের পরিচালনা করে থাকি। অভ্যানই বল, আর যাই বলি, এ গুলি যে মানবহৃদয় কোমল রাখবার অমোঘ উপায়, তার আর সন্দেহ নাই। যখন মা ঠাকুরাণি ও হরন্বাথ<sup>২</sup> দাদার স্ত্রীর নিকট উপস্থিত হলেম, তখন মনপ্রাণ কি আনন্দরসে পূর্ণ হ'ল। মা গালাগালি দিলেন, বৌ গালাগালি দিলেন, তবু সে গুলি যেন আমার কর্ণে সুধা বর্ষণ করিল। এই কড়াশুক সংসারে প্রকৃত স্নেহ বাঁহাদের আছে, তাঁহাদের সহিত মিলনেই স্বর্গ। জানিনা, এই নবদ্বীপটা পোড়ায় আমার কেন অভূতপূর্ব কষ্ট হচ্ছে। যা হ'ক সকল খেলাই খেলে দেখতে হয়। যার যে ক্রতি করেছি, সব পূরণ

করব। আমি এখন মুসলমান, আমার হাতে কেহ দান না লন, হরনাথ দাদার হাতে দিয়ে ক্ষতিপূরণ করব। আজ ফকির সাহেব বা স্বামীজির সঙ্গে দেখা হ'লে বড় ভাল হ'ত। ফকিরসাহেব ও স্বামীজি যে সব কথা বলেন, তাতে মনের বড় শান্তি হয়। তাঁরা আমার দ্বারা যে কাজ করবেন আশা করেছিলেন, আমি তার বিপরীত কাজ করছি। তাঁরা আশা করে ছিলেন, আমি হিন্দু মুসলমানের একতা সাধন করব; কিন্তু আমি তৎ-পরিবর্তে সেই ভগ্ন স্থান প্রশস্ত হতে প্রশস্ততর করছি। তাঁদের বিশ্বাস ছিল; মুসলমান শক্তিতরণীর কর্ণধার একজন হিন্দু হ'লে, হিন্দুর প্রতি অত্যাচার কমবে, ক্রমে ক্রমে হিন্দু-বল সমর বিভাগে প্রবেশ করবে, আমি তা অসাধ্য মনে করলেম। এখন আমি ভ্রান্ত কি তাঁরা ভ্রান্ত তাও, একবার বাগ্‌বিতণ্ডা ক'রে বুঝা আবশ্যিক।”

কালাপাহাড় আপন মনে আপনি এইরূপ চিন্তা করিতেছেন, এমন সময়ে সম্মুখে এক গৈরিক বসনধারী অক্ষমালাধারী খেতশ্রম দীর্ঘকায় পুরুষকে দেখিলেন। কালাপাহাড় জিজ্ঞাসা করিলেন—“আপনি কে?”

সেই পুরুষ উত্তর করিলেন—“আমি জ্ঞানানন্দ।”

কালাপাহাড় গলার স্বর জানিয়া ও নাম শুনিয়া জ্ঞানানন্দ স্বামীর চরণ বন্দনা করিলেন এবং বলিলেন—“প্রভো! অনেক কথা আছে।”

জ্ঞানানন্দ স্বামী উত্তর করিলেন—“এখানে নহে, তোমার শিবিরে চল। নবদ্বীপের দফা রক্ষা করেছ বোধ হয়।”

কালাপাহাড়। নবদ্বীপের আংশিক ক্ষতি হয়েছে সত্য। আপনি এখনি কি নবদ্বীপে আসছেন?

জ্ঞান। এই আমি নবদ্বীপে আসছি। এখনও পল্লীমধ্যে প্রবেশ করি নাই।



## উনচত্বারিংশ পরিচ্ছেদ !

### বন্দিগণের মুক্তি ।

“কি ঝকঝকিই করেছি ভাই, তা আর বলতে পারি না। দিল্লীর সম্রাট-সরকারের কাজ ছেড়ে সেনাপতি হিন্দু ব'লে বাঙ্গালায় এলেন। সেনাপতি মুসলমান হলেন। হিন্দুর গ্রাম পোড়ান, ধর্মগ্রন্থ পোড়ান আর হিন্দুর দেবদেবী ভাঙ্গা এ আর দেখতে পারিনে”—সৈনিক রাম সিং এই কথা বলিল। তত্বরে বিহারী সিং বলিল—“সেনাপতি সূদরেছে ভাই সূদরেছে। নবদ্বীপ সেনাপতির হুকুমে পোড়ে নাই। আজ সব কাশীর বন্দীদের মুক্তি হবে চল দেখতে যাই। সে দিন সেই বুড়ো মাঠাকুরাণী আর সেই বোটের সঙ্গে কথা কবার পর সেনাপতি যেন মেঘ হয়ে গিয়েছে। জ্ঞানানন্দ স্বামীও অনেক উপদেশ দিচ্ছেন।”

বসন্তকালের প্রাতঃকাল। বালশূর্য্যের রক্ত-ধবল কিরণ মাঝার হাশুময়ী ধরিত্রী অধিকৃতর হাশু করিতেছেন। ফুল হাসিতেছে, পাতা হাসিতেছে, বৃক্ষলতিকা নাচিয়া নাচিয়া পরস্পরের গারে ঢলিয়া পড়িতেছে। কোকিল শুভ সময়ের অবসর পাইয়া পঞ্চমে গান ধরিয়াছে। অপরাপর

আলিঙ্গন করিয়া অতি মধুর ভাষায় বলিলেন—“ভাই ! তুমি অদ্বিতীয় পণ্ডিত ও অতুলনীয় যোদ্ধা ও বলা । তুমি ধর্মবিশ্বাসে যা ভাল বুঝেছ, তাই কর্ছ । আমার নিকট তুমি সকল সময়ে ক্ষমার পাত্র । কনিষ্ঠ ভ্রাতার অপরাধ থাকিলেও জ্যেষ্ঠ ভ্রাতার সকল সময়ে সর্বতোভাবে তাহা ক্ষমা করা উচিত । আমি তোমার প্রকৃতি জানি, তোমার মন জানি । তোমার ষখন যে বিশ্বাস হয়, তুমি তখন তাই কর । তোমার ইচ্ছার বিরুদ্ধে কোন বাধা বিপত্তি থাকতে পারে না এবং তুমিও তাহাদের প্রতি দৃষ্টি কর না । ভিন্ন লোকের ভিন্ন ভিন্ন বিশ্বাস । যাহাকে এক জনে ধর্ম বল্ছে, তাহাই অন্যের নিকটে অধর্ম । ধর্মের পথ বড় পিচ্ছিল, তাহাতে পদস্থলন হওয়াও বিচিত্র নহে ।”

কাপা । দাদা ! আমার পাপের পরিসীমা নাই । তুমি কাশীর যুদ্ধে আমার জীবনদাতা । তোমাকে আমি কতকাল বন্দী ক’রে রেখেছি । তুমি নাকি বন্দী হওয়ার পরে আমাকে সংবাদ দিয়েছিলে, তা আমি পাই নাই ।

হরনাথ । তুমি আমাকে চিন্বে কি করে ? আমরা দুইজনে দুই-পক্ষে । আমার মাথায় ও মুখে কাপড় বাঁধা ছিল । তখন আমার কাশীতে থাকাও সম্ভব নহে । আমার বন্দিদশায় প্রহরিগণ যে আমার কথা তোমার জানায় নাই, তা আমি বেশ বুঝেছি । তুমি সেনাপতি, আমি সামান্ত বন্দী । সামান্ত প্রহরীরও তোমার নিকট যাইবার অধিকার ছিল না ।

উভয়ে অনেক কথা হইল । যে সকল কথায় কালাপাহাড়ের অনু-তাপের ভাব প্রকাশ পাইতে লাগিল, সেই সকল কথায় জ্ঞানানন্দও কালা-পাহাড়কে বিশেষ আনন্দিত করিবার জন্ত চেষ্টা পাইতে লাগিলেন । জ্ঞানানন্দের চেষ্টায় বিপরীত ফল ফলিতে লাগিল । অনন্তর হরনাথ



নিয়োগ কর'তে হ'লে তাহাকে বিড়ম্বনা, লাঞ্ছনা অনেক দিতে হয়। দাদা ! এই আমার মনের কথা । একথা তোমার নিকটে ভিন্ন কাহার নিকটে এরূপ সরল ভাবে আর কখন প্রকাশ করি নাই ।

হরনাথ । আচ্ছা ভাই ! তোমার এসব কথা :উত্তর এখন আমি দিব না । আমি চিন্তা ক'রে :দেখি, এখন অনুমতি কর বাড়ী যাই । জানত তোমার বৌ ঠাকুরণ, সেই উগ্রচণ্ডাদেবী—

কাপা । বৌঠাকুরণকে কাল সন্ধ্যাকালে ব'লে এসেছি, দাদা কাল প্রাতে বাড়ী আসবেন । বৌ ঠাকুরণ কিছুতেই :প্রবোধ মানেন না । মুসলমেনে খানা আর ভাল লাগেনা । বৌ ঠাকুরণকে ব'লো আজ তোমার বাটীতে আমি খাব । দাদা অনুমতি কিসের ? তুমি স্বচ্ছন্দে বাড়ী যাও । এখন তুমি দাদা আমি ভাই—। তোমার অনুমতি আমি পালন কর'ব । বঙ্গেশ্বরের সেনাপতিত্বে যে কাজ করি সে পৃথক ।

কালাপাহাড় ও জ্ঞানদানন্দ যখন বুঝিলেন, হরনাথ বাড়ী যাইবার জন্য বড়ই উৎকণ্ঠিত তখন :তাহারা :তাহাকে সত্বর বিদায় দিলেন । যাইবার সময় হরনাথ কালাপাহাড়কে :তাহার বাটীতে আহারের নিমিত্ত বিশেষ অনুরোধ করিয়া গেলেন এবং সেনাপতিও তাহাতে সন্মত হইলেন ।



কণ্ঠে যখন স্ব স্ব স্বামীর প্রশংসা করিত, তিনি তখন স্বামীর সর্বপ্রকার নিন্দা করিয়াও সন্তোষ লাভ করিতে পারিতেন না । হরনাথ সর্বদা তাঁহার ভয়ে শঙ্কিত থাকিতেন । হরনাথের স্ত্রী লোক ও সমাজ কিছুই ভয় না করিয়া হরনাথকে যুক্তকণ্ঠে গালি দিতে বিলক্ষণ দক্ষতা লাভ করিয়াছিলেন । তিনি সকল কাজ জানিলেও অলসের চূড়ামণি ছিলেন; সন্তানের প্রতি তাঁহার যথেষ্ট স্নেহ থাকিলেও তাঁহার সন্তানগুলি পরে কোলে করিয়া নিয়া বেড়ায়, ইহাই তাঁহার নিয়ত ইচ্ছা । তাঁহার মতে তাঁহার পিতৃকুলের সকলেই দেবতা, তাঁহার স্বামিকুলের সকলেই পিশাচ । দৃষ্টান্তস্বরূপ বলি—তাঁহার পিতৃদত্তা একটি গাভী ছিল, তাহা তাঁহার স্বামিগৃহে স্থাপিত দশভূজা অপেক্ষাও আদরণীয় ছিল । তাহাকে কেহ রজ্জু বন্ধ করিতে পারিবেনা । সে স্বাধীন ভাবে অশ্বমেধ যজ্ঞের অশ্বের স্থায় সর্বত্র বিচরণ করিয়া বেড়াইবে এই তাঁহার ইচ্ছা ছিল । স্বামীর আয় ব্যয়ের প্রতি তাঁহার কিছু মাত্র দৃষ্টি ছিল না । তাঁহার ইচ্ছা এই যে, স্বামীকে সর্বদা বিশেষ অভাবে রাখিতে পারিলে, তিনি আর কখনও কপর্দক দিয়া স্বজনকে সাহায্য করিতে পারিবেন না । কলহেও তাঁহার বিশেষ একটু দক্ষতা জন্মিয়াছিল । সকল সময়েই তাঁহার কলহ করিবার একটি পাত্র বা পাত্রীর প্রয়োজন হইত । নিতান্ত কাহাকেও না পাইলে তিনি তাঁহার সন্তানগণের সন্নিহিত কলহ-সমরে প্রবৃত্ত হইতেন ! স্বামীর পীড়ার দিনে ও দুঃখের দিনে স্বামীকে বিশেষরূপে জালাতন করিতে পারিতেন । দাস দাসীর সংখ্যা বৃদ্ধি করা তাঁহার একটা গৌরবের কথা ছিল । ঘেঁষ, হিংসা, অভিমানও তাঁহার কম ছিলনা । তাঁহার বিশ্বাস ছিল, জগতের সকল বালকবালিকা মিথ্যাবাদী ও দুষ্ট ; তাঁহার সন্তান গুলি সকল দোষহীন । একেবারেই গুণশূন্য-লোক হয় না । হরনাথ-পত্নী তাঁহার অনুরাগত স্ত্রীবকদিগকে সন্তুষ্ট করিতে যত্নশীল ছিলেন । তিনি

একটি লোক হুনিয়ায় আর নাই। মানুষ কি গরু কিছুই বুঝি না। আপনার  
বুঝ্ পাগলেও বুঝে। বাঁদরের আপন পর জ্ঞান নাই। ইত্যাদি ইত্যাদি।

কালাপাহাড় আহাৰ করিতে লাগিলেন ও রাস্তা বধুর এইরূপ পতি-  
ভক্তির পরাকাষ্ঠার পরিচায়ক মধুর বাক্যবিষ্ঠামে মনে মনে হাসিতে  
হাসিতে শুনিতে লাগিলেন। কালাপাহাড় আবার মজা করিবার জন্ত  
বলিলেন—“দাদা বুঝি ছেলে মেয়ে গুলিকেও ভালবাসেন না ?”

হর-স্ট্রী। বড় ? একটুও না। অমন পোড়াকপালে লোক কি  
হয় গা ? আমি ম'লেও বাছাদের ছোঁয় না। গয়না কাপড় কিছুই দেয় না।  
খাওয়া পরা বুঝেই না ; পাপিষ্ঠ, অতি পাপিষ্ঠ। সংসারের কোন খোজ  
রাখে না, কেবল ভাই, বোন, এ, সে, ক'রে মরে। ইত্যাদি, ইত্যাদি।

এইরূপ কথোপকথনে আহাৰ শেষ হইল। আহাৰান্তে হরনাথ ও  
কালাপাহাড়ে কত কি পরামর্শ হইল, তাহা আমাদের জ্ঞানিবার  
আবশ্যকতা নাই। পরিশেষে কালাপাহাড় যে কয়েকটি কথা বলিলেন,  
তাহা প্রকাশ করায় বাধা নাই। কালাপাহাড় বলিলেন—“অঙ্গীকার  
করিছি, ও সব রক্ষা করব। উড়িষ্যায় আমার যেতেই হ'বে। উড়িষ্যায়  
না গেলে এবং উড়িষ্যা জয় না করলে লোকে আমাকে ভীকু ও কাপুরুষ  
বলবে। বা আমি নিজমুখে স্বীকার করেছি, তা আমার কত্তেই হ'বে।”

অতঃপর সেনাপতি কালাপাহাড়, হরনাথ ও হরনাথের সহধর্মিণীর  
নিকট হইতে বিদায় গ্রহণ করিলেন। বিদায়কালে সেনাপতি হরনাথের  
পুত্র কস্তাদের প্রত্যেকের হাতে কএকটি করিয়া মোহর দান করিলেন।  
পরদিন প্রত্যুষেই নবদ্বীপ পরিত্যাগ পূর্বক তাণ্ডায় যাত্রা করিলেন। শুনা  
যায় নবদ্বীপের যে মোক কালাপাহাড়ের অধিকাংশে, যে পরিমাণ  
কষ্টির কথা বলিয়াছিল, জ্ঞানানন্দ স্বামী তাহার তৎপরিমাণে কষ্টিপূরণ  
করিয়াছিলেন।




## একচত্বারিংশ পরিচ্ছেদ ।

### যোগমায়ার গৃহ ।

ছি, ছি, ছি ! আমি তোমাকে বার বার মানা করি, তবু তুমি কেঁদে কেঁদে শরীরটা মাটি করবে । কার জন্তে কাঁদ ? সে তোমার কে ? সে এমন চাঁদ কেব্দে জাত খোয়ায়ে, ধর্ম খোয়ায়ে এক মুসলমানীকে নিয়ে ঘর করা কচ্ছে । তুমি বল, এখনও সে তোমার জন্তে মরে । কৈ নবদ্বীপ পুড়িয়ে বুড়িয়ে কাল সন্ধ্যার তাণ্ডার এসেছে । তোমার সম্বন্ধে একবার দেখাও করলে না । এমন পোড়ামুখের ছায়াও মাড়াতে নাই ; তুমি শিব শিব কর, সেই শিবের চিন্তায় মন দেও । এইরূপ কত কথা যোগমায়ার পরিচারিকা যোগমায়াকে বলিল ।

পরিচারিকে ? তুমি প্রেমিকা নহ । তুমি যোগমায়ার এক কোঁটা চক্ষের জলের মূল্য কি করিয়া বুঝবে । সেই সতী পতিব্রতার চক্ষের জলে কালুকামর মরুভূমি কলপুস্পসম্বিত উত্তানে পরিণত হয় । তাঁহার পবিত্র উরুস্পর্শে নরক ভঙ্গ হয় । তাঁহার করুণস্পর্শে বিধবস্তিক্য পূর্ণস্তিক্য



## দ্বিচত্বারিংশ পরিচ্ছেদ ।

### মেদিনীপুরে ।

সেনাপতি কালাপাহাড় উড়িয়া জয় করিতে যাইতেছেন । অল্প সক্ষায় মেদিনীপুরে শিবির সংস্থাপিত হইয়াছে । তাঁহার সঙ্গে বিশাল বাহিনী, বহুল-পরিমাণ খাদ্য সামগ্রী, প্রচুরপরিমাণে যুদ্ধ সস্তার ও বহু সংখ্যক যানবাহন । এক এক পটমণ্ডলে এক এক দল করিয়া সৈনিক অবস্থিতি করিতেছেন । কোন দল গান করিতেছে, কোন দল নৃত্য করিতেছে, কোন দল নৃত্য, বাণ ও গানে প্রমত্ত হইয়াছে, কোন দল বসিয়া গল্প করিতেছে, কোন দল বসিয়া উড়িয়া-জয়ের অভিসন্ধি আঁটিতেছে, কোন দল বসিয়া পরনিন্দার সুখে কালাতিপাত করিতেছে, কোন দল বসিয়া সেনানায়ক ও সেনাপতিদিগের প্রশংসা করিতেছে, কোন দল অর্জুন ও ভীষ্মের মধ্যে বড় কে বলিয়া বাগ্বিতণ্ডা করিতেছে, কোন দল বসিয়া রাম, লক্ষ্মণ ও হনুমানের সুকীৰ্ত্তি বর্ণন করিতেছে, কোন দল পুত্রকলত্রের বিষয় ভাবিতে ভাবিতে অস্থির হইয়া অপর দলের সহিত

করছিলাম। সে যদি বেঁচে থাকে, আমারই কর্মদোষে সে আশ্রয়হীন হয়েছে। আমি কি মূর্খ! কি জ্ঞানহীন! আমি বঙ্গমাতার কুসন্তান। বঙ্গের ব্রাহ্মণকুলের গ্লানি। স্ববংশের অরি। স্বজনের পরম বৈরী। আমার জীবন বিষম মক্কেলি। বঙ্গের ধ্বংস সাধন করতে এসেছিলাম, ধ্বংস সাধন ক'রে গেলাম। আমার সেই ধ্বংসসাধনে পটু হস্ত এখন হাশুময়ী উড়িষ্যা দেশে প্রসারিত হ'লো। উড়িষ্যার সরলতা, স্বাধীনতা ও ধর্মভাব এই পাষাণ হতেই বিলুপ্ত হ'বে। যা একবার প্রকাশ করেছি, তা না করলেও নয়। নবাবকে যে উচ্চ আশার সোপানে অধিরোহণ করিয়েছি, তা হ'তে ত আর অবরোহণ করতে পারি না। আমার অভিসন্ধির একবার শেষ চেষ্টাও দেখি। যোগমায়া আর নজিরগ—দুইই আমাকে ভাল বাসে, দুয়েরই প্রেম অপার অগাধ, তবে আমি একের প্রেমে কেন তৃপ্ত হইতে পারি না? একি আমার মনের দোষ, না নজিরগের প্রতি আমার আসক্তির অভাব? দুইটিই আলোক, একটিকে পূর্ণিমার চন্দ্র, অন্যটিকে স্তিমিত দীপ বলিয়া বোধ হয় কেন? বুঝেছি ইহার অর্থ আছে। নজিরগ ভাল বাসে বটে, সে ভালবাসা দেখাইতে জানে, সে হৃদয়ের বিনিময়ে হৃদয় লইতে জানে, কিন্তু সে স্বামীর অসন, বসন, শয়ন, স্মৃতি, স্বাচ্ছন্দ, মনোবৃত্তি, গতি, স্থিতি, কার্য্য প্রভৃতি সব আপন হাতে তুলিয়া লইয়া সকল বিষয়ে হিন্দুর কথিত অর্দ্ধাঙ্গিনী হ'তে পারে না।

এই সময়ে এক দৌবারিক আসিয়া বলিল—“নবদ্বীপের একটি ব্রাহ্মণ খুব বড় একটা নাম, তার পঞ্চাশটি নাম, নয়—”

কালাপাহাড়। বুঝেছি ব্রাহ্মণ বলেন কি?

প্রহরী। তিনি দেখা করতে চান।

কালাপাহাড়। তাঁহাকে এখানে লইয়া আইস।

অল্প সময়ের মধ্যে সেই প্রহরী ব্রাহ্মণকে সঙ্গে লইয়া সেনাপতির পটমণ্ডলের মধ্যে আসিয়া উপনীত হইলেন । কালাপাহাড় প্রহরীকে বিদায় করিয়া একবার, দুইবার, তিনবার ব্রাহ্মণের মুখের দিকে দৃষ্টি করিলেন । চতুর্থবারে দৃষ্টি করিয়া চিনিলেন, আগন্তুক ব্রাহ্মণ তাঁহার অধ্যাপক নবদ্বীপনিবাসী হরদেব গায়রত্ন । সেনাপতি কাঁদিয়া অধ্যাপকের পদতলে পড়িলেন । অধ্যাপক অনেক আশ্বাস বাক্য বলিয়া সেনাপতিকে আশ্বস্ত করিয়া বসাইলেন । কালাপাহাড় কাঁদিয়া কাঁদিয়া তাঁহার পাটুলীর সম্পত্তি নষ্ট হওয়া হইতে আরম্ভ করিয়া যোগমায়ার পলায়ন পর্য্যন্ত সমস্ত ঘটনা বিবৃত করিলেন । কত অনুতাপ করিলেন ও কাঁদিলেন ।

অনন্তর অধ্যাপক মহাশয়ের কথা আরম্ভ হইল । তিনি বলিলেন—  
 “প্রায় পাঁচ বৎসর হইল, একমাত্র প্রিয় কন্যা জগদম্বাকে হারিয়েছি । পূরীতে কন্যার অনুসন্ধানে বাইতেছিলাম, পশ্চিমধ্যে গুনিলাম একদল যাত্রীর সহিত একটি কন্যা গিয়াছে । সেই তীর্থ-যাত্রীর অনুসন্ধানে গিয়া, কাশী, বৃন্দাবন, অযোধ্যা, মথুরা প্রভৃতি স্থান পর্য্যটন করিলাম । কোথাও কন্যা পাইলাম না । হরিদ্বারে সেই তীর্থযাত্রীর লোকের সহিত দেখা হইল, দেখিলাম সে দলের সহিত যে কন্যাটি আছে সে আমার নয় । হরিদ্বারে জ্ঞানানন্দের সহিত দেখা হইল, তাহার প্রমুখাৎ গুনিলাম একদল ফকির ও বহুদল সন্ন্যাসী হিন্দুমুসলমানের মহামিলনের জন্ত চেষ্টা পাইতেছেন । তুমি তাগায় সহকারী সেনাপতি হইয়াছ । পরে যখন কুরুক্ষেত্রে আসিলাম, তখন জানিলাম সম্রাট আকবরও হিন্দুমুসলমানের মিলনে কৃত সংকল্প হইয়াছেন । তিনি হিন্দুর প্রতি বিদ্বেষশূন্য হইয়া জিজ্ঞাসা প্রভৃতি কর উঠাইয়া দিয়া হিন্দুমুসলমানকে এক করিবার জন্ত এক নূতন ধর্ম প্রবর্তন করিতেছেন । ভাবিলাম এ ধর্মগঠন মন্দ নহে । আমরা যখন শক, হন, গ্রীক, বৌদ্ধ, জৈন প্রভৃতি বিভিন্ন জাতিকে হিন্দুর অন্তর্ভুক্ত



## দ্বিচত্বারিংশ পরিচ্ছেদ ।

### উড়িষ্যার অবস্থা ।

কালাপাহাড় মেদিনীপুরেই থাকুন, আর উড়িষ্যার দিকেই অগ্রসর হউন, আমরা এক্ষণে কালাপাহাড়ের নিকট হইতে বিদায় গ্রহণ পূর্বক উড়িষ্যার অবস্থা পর্যালোচনা করিব । অনেকে মনে করেন, পুরী (শ্রীক্ষেত্র) বৌদ্ধ তীর্থ । তথায় অগ্নের স্পর্শ দোষ নাই বলিয়া অনেকে এই ব্রাহ্মিমূলক সিদ্ধান্তে উপনীত হইয়া থাকেন । উড়িষ্যার সমুদ্রতীর পর্য্যন্ত বৌদ্ধ ধর্মের তিরোভাবের পর, শঙ্করাচার্যের ধর্মযুগান্তরের প্রাদুর্ভাব কালে, পুরীতে কোন রাজা জগন্নাথ মন্দির ও তন্মধ্যে কৃষ্ণ বলরাম ও সুভদ্রা— এই ত্রিমূর্তি সংস্থাপন করেন । \* জগন্নাথ দেবের মন্দির সংস্থাপনের পরে ভুবনেশ্বরের ও সাক্ষী গোপালের মূর্তি এবং মন্দির সংস্থাপিত হইয়াছে । জগন্নাথের প্রসাদ, তিন শত বৎসর হইল, স্পর্শদোষ বর্জিত হইয়াছে । মহাপ্রভু চৈতন্যদেব শ্রীক্ষেত্রে অবস্থান করেন । \* তাঁহার বৈষ্ণব মত উড়িষ্যাগণ সাদরে গ্রহণ করিয়াছিলেন । \* উড়িষ্যার বৈষ্ণব-ধর্মের প্রাদুর্ভাব হইবার পর, জগন্নাথের প্রসাদ অগ্নের স্পর্শদোষ তিরোহিত



ভিন্ন করিয়া নিষ্ফল করিয়া দিত। বঙ্গের মৃত মালধে আর সৌরভ সম্ভারপূর্ণ সুবর্ণ চম্পক বিকশিত হইবে কি ?

লেখনি ! তুমি স্বাধীন বঙ্গের অবস্থা বর্ণন করিতে অবসর পাও মাই। মুসলমান অত্যাচারে উৎপীড়িত বঙ্গের অবস্থা বর্ণন করিয়া, স্বীয় মসোকলঙ্কিত অঙ্গ আরও কলঙ্কিত করিয়াছ। তুমি স্বাধীন উড়িষ্যার অবস্থা বর্ণনে অবসর পাইলে—এখন স্বাধীনতার চিত্রপট অঙ্কনে স্বীয় শক্তির পরিচয় দেও। যদি উড়িষ্যার স্বাধীনাবস্থা সম্যক রূপে বর্ণন করিতে অক্ষম হও, যদি তুমি পরাধীনকর্তৃক পরিচালিত হওয়ার তোমার দৈবী শক্তির হ্রাস হইয়া থাকে, তবে তুমি আর উড়িষ্যার স্বাধীনাবস্থা বর্ণন করিও না। একদিকে নরকসদৃশ পরাধীন বঙ্গ, অগ্ৰদিকে স্বর্গ-সদৃশ স্বাধীন উড়িষ্যা ! তুমি উভয় দেশের কথা লইয়া আলোচনা করিতেছ। তুমি নরক ও স্বর্গের সমাস্তরাল দুই চিত্র পট অঙ্কন করিয়া পরাধীন বঙ্গ-বাসীকে স্বর্গ সুখ দেখাইয়া দেও। তোমার নিজ শক্তিতে দৈবী শক্তি আবির্ভাব করিয়া লও। কল্পনা ও বাণী আসিয়া তোমার হৃদয়ে আবির্ভূত হউন। • তুমি বৃক্ষলতা-সমাকুল শৈলমালা-সুশোভিত, শ্রামল শস্যপূর্ণ, শ্রামল-ক্ষেত্র পরিশোভিত, মহানদী বৈতরণী প্রভৃতি স্বচ্ছসলিলাঃ বেগপূর্ণা নদীবিধৌতা উড়িষ্যার মানচিত্র অঙ্কন কর। দেশের স্থানে স্থানে পার্কতা অঞ্চলে যে নগবেশ অনার্য্য জাতি আছে, যাহারা প্রাচীন কালের রীতি নীতি সমূহ অক্ষুণ্ণ রাখিয়া বন অঞ্চলে বাস করাও শ্রেয়ঃ মনে করিয়াছে, তাহাদের কথা তুমি এখন চাড়িয়া দেও। উড়িষ্যা এখনও স্বাধীন—পুরুষ স্বাধীন—বালিক • স্বাধীন—বালিকা স্বাধীন ! স্ত্রী, পুরুষ, বালক, বালিকা স্বাধীনভাবে চলাচল করিতেছে ! কৃষি ক্ষেত্রে কার্য্য করিতেছে, শিলাগারে শিলকর্ম্ম করিতেছে, বন অঞ্চলে কল আহরণ করিতেছে, বাজারে ক্রয় বিক্রয় করিতেছে, মান ঘাটে মান পুখা

বাধা রহিয়াছে—তাহারা লবণ, চাউল, ডাইল ও নানাবিধ শিল্পজাত দ্রব্য লইতে আসিয়াছে। টাকায় চারি পাঁচ মণ চাউল বিক্রীত হইতেছে। টাকায় দুই তিন মণ ডাইল বিক্রীত হইতেছে। টাকায় ছয় মণ লবণ পাওয়া যাইতেছে। টাকায় যত আটসের বিক্রীত হইতেছে। সাধিয়াও বিক্রেতৃগণ টাকায় ষোল সের তৈল বিক্রয় করিতে পারিতেছে না—। স্বাধীনতার রঙ্গভূমি, শিল্পের বাজার, শস্যের গোলাবাড়ী উৎকলের অধিবাসিগণ যাহা জীবনে প্রয়োজন মনে করিত, তাহাই তাহাদের দেশে পাইত। যেমন অভাব ছিল, সেইরূপ দ্রব্য তাহাদের দেশে প্রস্তুত হইত। তাহাদের কার্পাস, রেশমী ও পশমী বসন, লজ্জা ও শীতাতপ নিবারণের পক্ষে যথেষ্ট ছিল। দুর্ভিক্ষ কাহাকে বলে উৎকল বাসিগণ তাহা জানিত না। পেটের আন্ডার উৎকলবাসিগণ অমানুষিক পৈশাটিক কাণ্ডের অভিনয় করিত না। উৎকলের শৈলমালা, আন্ডা, জাম, পনস প্রভৃতি ফলের আগার। তাহাদের কৃষিক্ষেত্র খাদ্যের ভাণ্ডার, তাহাদের দেশ-প্রবাহিত নদী তাহাদিগের দেশের শিল্প লইয়া যাইবার ও বিদেশী দ্রব্যজাত আনিয়া চালিয়া দিবার পথ—অর্থ আনিয়া দিবার প্রস্রবণ। উৎকলে শান্তি, সুখ ও প্রফুল্লতা প্রতিঘরে বিরাজ করিতেছে। সরলতা ও সদাশয়তা স্বাধীনতার সঙ্গে সঙ্গে প্রতিগৃহে বিদ্যমান রহিয়াছে। সত্যবাদিতা, নিঃস্বার্থপরতা, স্মরণপরতা, সদাচার ও সদনুষ্ঠান উৎকল ছাড়িয়া পলায়ন করে নাই।

বৈশাখ মাস, বেলা দুই প্রহর অতীত হইয়াছে। খরকর বিভাকর কিরণমালা বর্ষণ করিয়া পৃথিবীকে ঢগ্ন করিতে বসিয়াছেন। পবন ভয়ে স্তম্ভিত, পঙ্কিকুল নীরব, তরু-ব্রততী নিম্পন্দগণ। কেবল মানবের বড় পেট, তাই যেন তারা পেটের আন্ডায় দুই চারি জন চলাচল করিতেছে। উড়িষ্যার পুণ্যভূমি পুরী সহর। পুরীর অন্তর্গত শ্রীমন্দিরের অদূরে এক



## ত্রিচত্বারিংশ পরিচ্ছেদ ।

### উৎকলে সমরায়োজন ।

১৫৬৭ খ্রীষ্টাব্দে যখন উৎকল পাঠানগণ কর্তৃক বিজিত হয়, তখন মুকুন্দদেব উৎকলের স্বাধীন রাজা ছিলেন। মুকুন্দদেব নিতান্ত ভীক ও কাপুরুষ ছিলেন না। বর্তমান সময়ে ইংরাজাধীন উৎকলে যেমন ময়ূরভঞ্জ, নীলগিরি প্রভৃতি অনেকগুলি ক্ষুদ্র ক্ষুদ্র করদ রাজ্য আছে, সেইরূপ মুকুন্দদেবের সময়েও তাঁহার অধীন অনেক গুলি সামন্ত রাজা ছিলেন। পাঠানবাহিনী মুকুন্দদেবের রাজধানী যাজপুর ও পুরীর শ্রীমন্দিরের অভিমুখে ধাবিত হইতেছে জানিয়া, মুকুন্দদেব উৎকলের সর্বত্র পাণ্ডা-দিগকে প্রেরণ করিয়া এই আজ্ঞা ঘোষণা করিলেন যে, উৎকলের সীমার মুসলমান চমু পদার্পণ করিবার পূর্বেই তাহাদিগকে বাধা দিতে হইবে। ভাগ্যের ফল কে খণ্ডাইতে পারে? উদ্যমহীন উদ্যোগবিহীন শাস্তিপ্রিয় মানবজাতিকে সহসা কে সমর-সাগরের দিকে প্রধাবিত করিতে পারে? উৎকলে বহুকাল শান্তি সুখ বিরাজ করায় উৎকলবাসিগণ

সুধীরজন পুরীধাম এবং রাজা মুকুন্দদেব রাজপ্রাসাদ ও রাজদুর্গ রক্ষা করিতেছেন ।

সুধীরজনের যশ উড়িষ্যায় পরিব্যাপ্ত হইয়াছে । পাণ্ডাগণ হাতে, বাজারে ও মেলাক্ষেত্রে, যেখানে যে ভাবে জন সমাগম হইতেছে, উচ্চ কণ্ঠে বক্তৃতা করিয়া দেশীয় লোকদিগকে স্বদেশ রক্ষার নিমিত্ত উত্তেজিত করিতেছেন । তাঁহারা সকল স্থানেই সুধীরজনের বীরত্ব, শূরত্ব, বিশ্বস্ততা ও রণকুশলতার প্রশংসা করিয়া স্বধর্ম্মানুরাগের কথা বিশেষরূপে বুঝাইতেছেন । তাঁহারা বলিতেছেন—ধর্ম্মই লোকের প্রাণ,—ধর্ম্মই লোক-সমাজের বন্ধন রজ্জু । উৎকলের যে আধ্যাত্মিক ও আধিভৌতিক উন্নতি হইয়াছে, শ্রীমন্দির ও ত্রিমূর্তির উপাসনাই তাহার কারণ । স্বাধীনতা মানব জাতির প্রাণ । স্বাধীনতা বিনা মানবের জীবনও মরণ তুল্য । মণিহারী ফণী যেমন, রূপগুণহীন মানব যেমন, স্বাদহীন খাদ্য যেমন, ভক্তিহীন পূজা যেমন, বিশ্বাসহীন ধর্ম্ম যেমন, স্বাধীনতা বিহীন মানবও তাদৃশ । স্বাধীনতা না থাকিলে, ধর্ম্ম না থাকিলে আমরা কেন মাংস পিণ্ডেরস্তার বহন করিয়া মরিব ? শিক্ষা, শিল্প, বাণিজ্য, সচ্চরিত্র গঠন, স্বধর্ম্মানুরাগ প্রভৃতি স্বাধীনতা-স্বর্গলতিকার ফলপুষ্প । আমরা স্বাধীনতা হারাইয়া কি মুসলমানের দাস হইয়া থাকিব ? স্বাধীনতার সঙ্গে সঙ্গে আমাদের শিক্ষা যাবে, শিল্প যাবে ও ধর্ম্ম যাবে, আমাদের কিছুই থাকিবে না । আমরা উদরান্নেয় জন্তু মুসলমান পক্ষিলেহী কুকুর হইব । আমরা কি মানবীয় মনোবৃত্তি লইয়া এখন ইতর শৃগাল কুকুরাদি জীব বলিয়া পরিগণিত হইবার জন্তুই সময়ে নিরস্ত থাকিব ? বাজাও, বাজাও, সমরবীণা বঙ্গোপসাগর হইতে বঙ্গদেশ, উড়িষ্যায় এক প্রান্ত হইতে অপর প্রান্তে, উড়িষ্যায় শৈলে শৈলে, উড়িষ্যায় বনে বনে এই বীণা শব্দিত হউক । উড়িষ্যা আশুক । শিক্ষা, শিল্প, বাণিজ্য ও ধর্ম্ম রক্ষার জন্তু উড়িষ্যা আশুক । এ ধন একবার

## কাল্পাহাড় ।

হারাইলে আর পাইব না—রমণী চরিত্রে কলঙ্ক স্পর্শিলে তা আর প্রকালিত হইবে না । আজ আমরা প্রধান ভাস্কর, প্রধান কাংশুবণিক, প্রধান স্বর্ণবণিক, প্রধান সূত্রধর, প্রধান লবণ প্রস্তুতকারক, আমাদের কাল-রাত্রির পরদিন, আমাদের স্বাধীনতা সূর্যের অন্তগমনের পরদিন, যখন মুসলমানগণ আমাদের কার্য ও ব্যবসায় অবলম্বন করিবে, তখন রাজার দ্রব্য ফেলিয়া অধম বিজিত কুকুরের দ্রব্য কে কিনিবে ? তাই বলি জাগ গো, উৎকলবাসিগণ জাগ । শান্তির দীর্ঘ নিদ্রার নিদ্রিত ছিলে, আর নিদ্রা যাইবার সময় নাই । তোমার দ্বারে বৈরী, তোমার বুকের উপর অরাতি । রে কাপুরুষদল ! মাকে মুসলমানের হাতে ছাড়িয়া দিয়া, জন্মভূমি মুসলমানকর্তৃক বিধ্বস্ত হইতে দিয়া, তুচ্ছ পুত্র কলত্র ও সামান্য সঞ্চিত অর্থ লইয়া জঙ্গলে আশ্রয় লইও না । সিংহ হইয়া শৃগাল বৃত্তি অবলম্বন করিও না । তোমাদের সমবেত চেষ্টায় কি না হইবে ? একদিকে আমরা দেশের সমগ্র অধিবাসিবৃন্দ, আর অপর দিকে মুসলমানের একদল সৈন্ত মাত্র । একটা দেশ এক দল সৈন্তে দলন করিবে, ইহা অপেক্ষা বিচিত্র ব্যাপার আর কি আছে ? কুঞ্জর-কাননে কুতিপন্ন মাত্র ব্যাঘ্র আসিয়া কি করিতে পারে ? তাই বলি, সকলেই মত্ত মাতঙ্গ হও । নিজে জাগ, স্বদেশবাসীকে জাগাও । অসি ধর, অসি ধরাও । আর কণ বিলম্বের সময় নাই ।



সুধীরজন সুভোকে জিজ্ঞাসা করিলেন—“সুভো ! এই বুঝ সেই বাঙ্গালী বালিকা জগদম্বা ?”

সুভো —আজ্ঞে হাঁ ।

সুধীরজন তৎপরে সরলভাবে জগোকে জিজ্ঞাসা করিলেন—“তুমি কত দিন এদেশে ? তোমাদের বাড়ী কোথায় ?”

জগো বিনীতভাবে মস্তক অবনত করিয়া উত্তর করিল—“আমি পাঁচ বৎসর এদেশে । বাড়ী নবদ্বীপে ।”

এইরূপ একদিন, দুদিন করিয়া জগদম্বার সহিত সুধীরজনের দেখা হইল । একটু একটু করিয়া কত কথা হইল । উভয়ের পরিচয় হইল । উভয়ের মধ্যে অনেক কথা হইতে লাগিল, দেশে যাঠবার জল্পনা কল্পনা কতরূপই চলিতে লাগিল । সুধীরজন ধর্মব্রতে ব্রতী—পুরী-রক্ষার ধর্মব্রত উদ্‌যাপিত হইলেই গৃহে যাইবেন । জগোর সহিত সুভো আসিত এবং চক্রধর সুধীর নিকটে থাকিতেন । সুধী চক্রধরের দিকে চাহিয়া এবং জগো সুভোর দিকে চাহিয়া পরস্পর কথা কহিতেন । সুধীরজনের বশস্ত-কিরণেন্দ্রমার বিমল উৎকল উদ্ভাসিত হইল । জগদম্বার লজ্জাশীলতা, শিল্পনিপুণতা, শিক্ষা ও দেবভক্তির কথা সুধীরজন জানিলেন ও শুনিলেন ।

উভয়ের হৃদয়ে কি কণল কীট প্রবেশ করিল । আর সুধী ও জগো পরস্পর এরূপ ভাবে কথা কহিয়া তৃপ্তিলাভ করিতে পারেন না । জগোর ইচ্ছা সুভোকে চুরি করিয়া সুধীকে দুই একবার দেখিয়া লইবেন । সুধীর ইচ্ছাও চক্রধরকে ভাঁড়াইয়া জগোর দেবীমূর্তি একবার মনের সহিত দেখিয়া লইবেন । এখন জগোর ইচ্ছা সুধীকে দেখেন ও সুধীর ইচ্ছা জগোকে দেখেন, কিন্তু এদেখাদেখির পথে লজ্জা বিষম অন্তরায় হইল । এখন শয়নে স্বপনে জগো সুধীরজনকে দেখিতে লাগিলেন ; সুধীরজনেরও ঠিক এই দশা । আর একটি কথাও বলিব ? এখন উভয়েরই ইচ্ছা

দাঁড়াইল। ঘরের সম্মুখে রাশি রাশি শত্রুল মুসলমান ও ধারী হিন্দুর শব স্তূপীকৃত হইল। এক বার, দুইবার করিয়া বহু হিন্দুগণ মুসলমানের আক্রমণ সহ্য করিল। শেষবারে মুসলমান তীরবেগে প্রাচীর মধ্যে প্রবেশ করিল। বীরে বীরে দ্বন্দ্ব যুদ্ধ বাধিল দলে দলে গোলমালে যুদ্ধ বাধিল। কালাপাহাড় ও সুধীরজ্ঞন ঘোর আহবে প্রমত্ত হইলেন। উভয়ের অসির সুন্দর দ্বন্দ্ব যুদ্ধ। উভয়ের উজ্জ্বল অসি সূর্যালোকে প্রতিবিম্বিত হইয়া আরও উজ্জ্বল হইল। পরস্পরের অসির আঘাতে অগ্নিস্ফুলিঙ্গ বাহির হইতে লাগিল। পরস্পরের অসিচালনার কৌশলে বোধ হইতে লাগিল, প্রত্যেক আঘাতেই প্রত্যেকের বিনাশ নিশ্চিত, বহুক্ষণ যুদ্ধের পর সুধীরজ্ঞনের অসি ভগ্ন হইয়া গেল। অগ্র বীর সুধীরজ্ঞনের হস্তে স্তূতীকৃত অসি আনিয়া দিল। এই অবকাশে কালাপাহাড় সুধীরজ্ঞনের মুখের দিকে একবার দৃষ্টি করিলেন। হঠাৎ কি ভাবিলেন ! তিনি সুধীরজ্ঞনের নব অসির বেগ নিবারণ করিয়া বলিলেন—“খাম, তোমার সহিত আমি আর যুদ্ধ করিব না।”

সুধীরজ্ঞন বলিলেন—“তোমার এ দুর্দমনীয় অসিবেগ কে সহ্য করিবে ?”

কাপা। আমি আর যুদ্ধ করিব না।

ইত্যবসরে মুসলমান সৈন্যগণ শ্রীমন্দিরে প্রবেশ করিল। মুসলমান রক্ত পতাকা শ্রীমন্দিরের উপর উড়াইয়া দিল। জগন্নাথমূর্তি হস্ত লুণ্ঠন করিল। বিজয় কার্য শেষ হইয়া গেল। ‘আল্লাহো আকবর’ রত না দিগন্ত কম্পিত হইয়া উঠিল। কাহার অজ্ঞাত বলমাঘাতে যুদ্ধাচার ও কালাপাহাড়ের বাম বাহমূল বিদ্ধ হইল। যুদ্ধে অনেক পাণ্ডা হও উপর আহত হইল। তন্মধ্যে হলায়ুধ মিশ্রের নিধন উল্লেখযোগ্য।

যনের সঙ্গে সঙ্গে সমর-বিজয়ী মুসলমান অনীকিনী হইলেন।

বিস্মিত  
রাজপুরে

মত্ত হইয়া জ্বরের চিহ্ন স্বরূপ জগন্নাথমূর্তি মস্তকে গ্রহণ করিয়া আত্মা  
রবে দিগন্ত কম্পিত করিয়া স্নিগ্ধ বায়ু হিল্লোলিত-সৈকত-পুলিন-বিরা-  
চিকা হৃদের দিকে প্রধাবিত হইল। পুরীতে ঘোর আর্তনাদ উঠিল।

পৌত্র

উড়িষ্যার স্বাধীনতা-সূর্য্য, সূর্য্যাস্তের সঙ্গে অন্তগমন করিল।

দেব

আজ হিন্দু স্বাধীন রাজবংশের নাম উড়িষ্যা হইতে বিলুপ্ত হইল। দেব  
দেব জগন্নাথ—উড়িষ্যার দেবতা—হিন্দুর দেবতা—অপহৃত হইলেন।

পুরীবাসিনী অবলাকুলের ক্রন্দনে আজ পুরীগগন কম্পিত হইতে লাগিল।

এই ঘোর আহবে কাহার পিতা মরিয়াছে, কাহার স্বামী মরিয়াছে, কাহার  
পুত্র মরিয়াছে, কাহার ভ্রাতা মরিয়াছে, কাহার পৌত্র মরিয়াছে, কাহার

দৌহিত্র মরিয়াছে, কাহার বিভিন্ন সম্পর্কের দুইজন মরিয়াছে, কাহারও  
বা নানা সম্পর্কের কতজন মরিয়াছে, উড়িয়া ললনাগণ কেন কাঁদিবে না ?

স্বজনের শোক, স্বাধীনতার শোক, দেবনাশের শোক ও সর্বোপরি জাতি,  
ধর্ম্ম, কুল ও মাননাশের আশঙ্কা। নিরীহ উড়িয়া অবলাগণ কাঁদ, উচ্চরবে

কাঁদ। বাঙ্গালী ললনাগণ তোমাদের সহিত স্মর মিলাইয়া কাঁদুক।

দিন! তুমি শেষ হইওনা—রজনী! তুমি আসিও না। দিন

চর।  
করি শেষ হইলে উড়িষ্যার স্বাধীনতার দিন তোমার সঙ্গে সঙ্গে যাইবে।

প্রণাম  
উড়িষ্যার শিক্ষা, শিল্প ও বাণিজ্য যাইবে। অন্যভাবে উড়িয়াবাসী হাহাকার  
বে। ব্রাহ্মণ ক্ষত্রিয় বৈশ্য প্রভৃতি জাত্যাভিমান পরিত্যাগ পূর্ব্বক

বলরাম  
এই  
জীবন ক্ষয় করিবে! দরিদ্রতা উৎকলবাসীর অলঙ্কার হইবে।

সহিত  
মানের  
তার সঙ্গে সঙ্গে ভীকৃত্য, কাপুরুষতা, স্বার্থপরতা প্রভৃতি ষ'তই  
পড়িবে।

পুরী  
বার কাঁ  
ঘোর না

করি:



যুদ্ধান্তে বন্দী লইয়া যখন মুসলমান সৈনিকগণ চিঙ্কা হুদাভিমুখে যাত্রা করিল, তখন একটি হাবিলদার সহস্র সৈন্যের সহিত পুরীর সমুদ্র তীরস্থিত পটমণ্ডপাদি লইবার জন্তু কিয়ৎ কাল অপেক্ষা করিল ।

যুদ্ধান্তে মুসলমান বাহিনী শ্রীমন্দিরের প্রাচীরের মধ্য হইতে চলিয়া গেলে পুরীর কুল-ললনাগণ কাঁদিতে কাঁদিতে হত ও আহত স্বজনের অনুসন্ধান ও সংকারের নিমিত্ত শ্রীমন্দিরের নিকট আসিলেন । হলায়ুধের-সহধর্ম্মিনী ও কন্যার সহিত জগদম্বাও সেই প্রাচীরের মধ্যে আসিয়া-ছিল । অন্য অবলাগণ রোরুদ্যমানাবস্থায় হত ও আহত স্বজন লইয়া শোকবিহ্বল চিত্তে গৃহে প্রত্যাবর্তন করিলেন । জগদম্বা প্রত্যাবর্তন করিল না । সে নির্নিমেঘ-নয়নে হতাশ-প্রাণে অসীম সাহসে কি যেন কি অনুসন্ধান করিতেছে । তাহার মূর্ত্তি স্থিরা, গষ্ঠীরা চক্ষুও পলকশূন্য । যে সকল যবন-সৈন্য সমুদ্রের তীরে ছিল, তাহারা চিঙ্কা হুদাভিমুখে গমনকালে মনে করিল, হিন্দুদিগের দেবমন্দিরে বহু অর্থ প্রোথিত থাকে । তাহারা শ্রীমন্দির খনন করিয়া বাইবার মানস করিল ।

আকাশ পরিষ্কৃত । সপ্তমীর অর্ধ বৃত্তাকার চন্দ্রমার রজত ধবল কিরণ-মালায় সমরাস্তন উদ্ভাসিত হইয়াছে ! প্রবল বায়ু প্রবহমাণ হওয়ায় সমুদ্রের জল-কল্লোল-ধ্বনি শ্রুত হইতেছে । সৈনিকগণ শ্রীমন্দির খনন করিয়া কিছুই পাইল না । ‘সমরক্ষেত্রে মৃত শবের মধ্যে এক অনিন্দনীয় রূপসী দেববালার ন্যায় এক বালিকাকে পাইল । তাহারা ভাবিল ; সেনাপতি সাহেব এক হিন্দু রমণীর বিয়োগে অস্থিরচিত্ত হইয়াছেন, যদি এই রমণী রত্নের সহিত সেনাপতির পুনর্বার বিবাহ হয়, তাহা হইলে, হয়ত সেনাপতি সাহেব আবার স্থিরচিত্ত ও সুখী হইতে পারেন । এই চিন্তার বশবর্তী হইয়া তাহারা সেই দেববালিকাকে মাতঙ্গের পৃষ্ঠোপরি এক সুলভর হোণ্ডায় বসাইয়া দিয়া চিঙ্কাভিমুখে যাত্রা করিল ।

বালিকা আনা ভাল হয় নাই এবং তাহার অজ্ঞান অবস্থা হইতে আরও অমঙ্গল হইতে পারে । হিন্দু বন্দীর গৃহে হিন্দু বালিকা রক্ষা করাই ভাল, এই বিবেচনা করিয়া তাহার আপনার ঘর অন্ধকার করিয়া এই সংজ্ঞাশূন্য বালিকাকে ফেলিয়া গিয়াছে ।

সুধীরজন সৈনিকের নিকট তত্ত্বতা প্রকাশ করিলেন । বালিকা সম্পূর্ণ সংজ্ঞা লাভ করিয়া উঠিয়া বসিলেন ও সুধীরজনের নিকট হইতে একটু সরিয়া গেলেন ।

অন্য বজ্রাবাসে হরদেব শ্রায়রত্ন ও বিষ্ণার মহন্তী নানা কথায় রজনী ষাপন করিয়াছেন । মহন্তী জগন্নাথ মূর্তি লাভের মানসে মুসলমান সৈন্তের অনুগমন করেন । নিষকাঠের জগন্নাথ যখন জলিয়া উঠেন, কালাপাহাড়ের আদেশে জগন্নাথে যখন অগ্নি সংযোগ করা হয়, মহন্তী তখন কাঁদিয়া আর্তনাদ করিয়া অগ্নিতে কাঁপদিতে প্রস্তুত হন । হরদেব মহন্তীর প্রমুখাৎ জগন্নাথ দগ্ধ হইতেছেন জানিয়া, সেনাপতির নিকট জগন্নাথ ভিক্ষা চাহেন এবং জলসেচনে অর্দ্ধদগ্ধ জগন্নাথ রক্ষা করেন । মহন্তীর মুখে হরদেব কস্তার অনুসন্ধান পাইয়াছেন । সেনাপতির অনুমত্যানুসারে প্রত্যাঘে হরদেব, মহন্তী ও কয়েকজন সৈন্ত লইয়া তনয়া জগদম্বার অনুসন্ধানের বাহির হইবেন স্থির করিয়াছেন । সমস্ত রজনী হরদেব মহন্তীর নিকটে তনয়ার অনুসন্ধান লইয়াছেন ও কাঁদিয়া যামিনী শেষ করিয়াছেন ।

প্রভাতে হরদেব ইষ্টদেবতা স্মরণ করিয়া মহন্তী ও কতিপয় সৈনিকের সহিত পুরীর অভিমুখে তনয়ার অনুসন্ধানের বাহির হইলেন । অকস্মাৎ রোদন ধ্বনিতে তাহার চিত্ত আকৃষ্ট হইল । সে রোদনে তাহার হৃদয় বিদীর্ণ হইতে লাগিল । সে রোদনশ্রবণে বেন তাহার পরিচিত বালিয়া বোধ হইতে লাগিল । শ্রায়রত্ন রোদনের কারণ জানিয়া,—কে-  
কেন কাঁদিতেছে জানিয়া—পুরী যাইতে অভিলাষী হইলেন ।

সুধী । স্বদেশবৈরী মুসলমানকে অন্তরের সহিত ঘৃণাকরি ।

কালাপাহাড় সেইরূপ কম্পিত স্বরে ও বাষ্পরুদ্ধ কণ্ঠে বলিলেন—“যদি তোমার পরমাত্মীয়, এমন কি জ্যেষ্ঠ ভ্রাতা মুসলমান হন ?”

এই কথার উত্তর দিবার পূর্বে সুধীরঞ্জন সেনাপতির মুখের দিকে চাহিলেন । স্বর পরিচিত বলিয় বোধ হইল । তিনি তীক্ষ্ণদৃষ্টিতে চাহিলেন । বাহা দেখিলেন, তাহাতে তাহার মস্তক ঘুরিয়া গেল । তিনি কান্দিয়া বস্ত্র সরাইয়া পদযুগল বক্ষে ধারণপূর্বক বলিলেন—  
 “দাদা ! দাদা !! তুমিই আমার দাদা ! যে দাদার চরণ দশবৎসর বন্দনা করিনাই, সেই দাদা—আমার পরমপূজ্যপাদ জ্যেষ্ঠ ভ্রাতা ! যে দিন দুই ভাই কাজির অত্যাচারে নিশীথে ঘর দ্বার ছাড়িয়া বহুপথে বাহির হই, সেদিন আমার কণ্ঠে দুঃখিত হইয়া যিনি নিম্নত কান্দিয়াছিলেন, সেই দাদা ! বাহীর পদপ্রান্তে বসিয়া ব্যাকরণ, সাহিত্য, গ্রাম প্রভৃতি গ্রন্থ পাঠ করেছি, যিনি আমার পাঠ দিয়া পরম প্রীতি লাভ করেছেন, সেই দাদা ! যিনি কোন ঋণদ্রব্য মুখে ভাল লাগিলে নিজে না খাইয়া আমার মুখে তুলিয়া দিয়া, সুখী হইয়াছেন, সেই দাদা ? যিনি দেবদ্বিজ্ঞে ভক্তিমান, দেশহিতে অনুরক্ত, দেশের কল্যাণসাধন যার জীবনব্রত, সেই দাদা ! মুসলমান-বিদ্বেষে যাহার হৃদয়পূর্ণ, স্বদেশের স্বাধীনতার স্বপ্ন যাহার জীবন উৎসর্গীকৃত, সেই দাদা ! যে দাদা আমার দুঃখে দুঃখী, আমার সুখে সুখী, আমার আশায় আশাবিত্ত আমার উন্নতিতে পরিতুষ্ট, সেই দাদা ! পিতৃমাতৃহীন হওয়ায় আমি যাহাতে পিতামাতার বাৎসল্য স্নেহ, জ্যেষ্ঠ ভ্রাতার আদর সোহাগ, অধ্যাপক গুরুর শিক্ষা ও উপদেশ পাইয়াছি সেই দাদা ! দাদা ! আমি আর মুসলমানকে ঘৃণা করি না । তুমি আমি দুই নহি । তোমার ধর্মও বাহা, আমার ধর্মও তাহাই । তুমি বাহা ভাল মনে করেছ, আমার পক্ষে তাহাই শ্রেয়ঃ । তুমি অবশ্যই

গৃহে যাইবার বন্দোবস্ত করা হইল। সেই দিনই হরদেব, সুধীরজন, জগদম্বা প্রভৃতি পুরী যাত্রা করিলেন। পুরী হইতে ফিরিয়া আসিয়াই তাঁহারা দেশে যাইবেন। পরে হোসেনের সহিত নির্জনে অনেক পরামর্শ হইল। উৎকল মুসলমান পদে বিদলিত হইল। উৎকলের স্বাধীনতা-রবি মুসলমানের অধীনতারূপ চির রাহু গ্রাসে বাতিত হইল।



## কালাপাহাড় ।

হইয়া ঐরূপে রোদন করিতেছেন । প্রতিগৃহে এইরূপ শোক ও মর্শ-  
পীড়া ।

যখন পুরী সহরের প্রতিগৃহ এইরূপ শোক ও তাপপূর্ণ, তখন হঠাৎ  
সহরের বাহিরে বহু কর্তৃবিনিঃসৃত শব্দ উঠিল—“জয়, জগন্নাথ জি কি  
জয় !” প্রথমে কি শব্দ হইতেছে কেহ বুঝিতে পারিলেন না—পুরীর  
উপকণ্ঠে কেবল গোল শব্দ হইতে লাগিল । কেহ ভাবিলেন, আবার বুঝি  
মুসলমানের সহিত যুদ্ধ বাধিল । কেহ ভাবিলেন, মায়াযুদ্ধকারী কুটযোদ্ধা  
কালাপাহাড়ের এই বা কোন কুটযুদ্ধ হইবে । ক্রমে জগন্নাথদেবের জয়  
শব্দ স্পষ্ট শ্রুত হইতে লাগিল । পুরীর প্রায় সাতশত বন্দী শ্রীমন্দিরাভিমুখে  
ধাবিত হইল । আবার অর্ধ দশ জগন্নাথদেবের মূর্তি শ্রীমন্দিরে স্থাপিত  
হইল । মুসলমানের শব্দ সমবেত করিয়া সমাধিস্থ করা হইল । হিন্দুর  
শব্দ পূর্বেই সংকার করা হইয়াছিল । মৃত অশ্বাদি পশুও ভূগর্ভে  
প্রোথিত হইল । মৃত্যু পুরীর আবার যেন সামান্য সংজ্ঞালাভ হইল ।

হলায়ুধ মিশ্রের দ্বারে একখানা শিবিকা আসিল । উড়িয়া বাহকেরা  
হঁ হঁ শব্দ হইতে বিরত হইয়া বাড়ীর বাহিরে শিবিকা রাখিল ।  
হলায়ুধের পত্নী ও কন্যা ধীরে ধীরে শিবিকার নিকটে গমন করিলেন ।  
তাঁহারা দেখিলেন, শিবিকায় জগদম্বা ও তাঁহার সহিত একজন পক্ষী  
দীর্ঘকায় বৃদ্ধ ব্রাহ্মণ । জগদম্বাকে দেখিবামাত্র বৃদ্ধ ব্রাহ্মণী উচ্চরবে  
কাদিয়া বলিলেন—“মা ! তুই কোথায় ছিলি, তোরে পাব আর আশা  
করি নাই । কর্তা আর চিহ্ন সংসারে নাই । তাঁহার শব্দ যুদ্ধক্ষেত্রে  
পাওয়া গিয়াছে । আমি নিজেই তাঁহার সংকার করিয়াছি । হায়  
হায় ! আমাদের কি উপায় হবে । কর্তা থাকিতে কেন আমি মরিলা  
মা ! সুভদ্রার মেরু দেহে কর্তার বড় সাধ ছিল ভাব করে সুভদ্রা  
বে’ দিবেন । ও কর্তা ! তোমার সুভদ্রাকে ফেলে কোথায় গেলে

বাড়ী এস। তোমার সেনাপতি দাদা এসেছেন। তুমি যাকে বড় ভাল বাসিতে, বড় মোহাগ করিতে, যাকে ফুল সাজে সাজাতে, আজ তার বিধবা বেশ দেখ।”

এইরূপ কাঁদিতে কাঁদিতে যুবতী মূর্ছিত হইয়া পড়িল। চক্রধর ধীর স্থির ভাবে বলিলেন—“মা, বোমা কেঁদোনা। গৃহিণি কাঁদ কেন? তোমার পুত্র, পীড়ায় মরে নাই, ছায়ায় করিতে গিয়ে মরে নাই। স্বদেশ স্বধর্ম রক্ষার জন্ত—দেশের স্বাধীনতা রক্ষার জন্ত—সম্মুখ সংগ্রামে তাহার মৃত্যু হয়েছে। দামোদর সেনাপতির বামপার্শ্ব থেকে যেরূপ কোশলে,—যেরূপ বীরত্বে যুদ্ধ করেছে, তাতে উড়িষ্যার গৌরব ও আমার গৌরব প্রকাশ পেয়েছে। এই নশ্বর জগতে মৃত্যু নিশ্চিত। জরা বার্দ্ধক্য ক্লেশ পাইয়া ও রোগতাপে ভুগিয়া মৃত্যু অপেক্ষা যুদ্ধে মৃত্যু শতগুণ শ্রেয়স্কর। যদি কোন স্ত্রীর মৃত্যু থাকে, তবে সে যুদ্ধে মৃত্যু। যদি কোন গৌরবের মৃত্যু থাকে, তবে সে দেশের স্বাধীনতা রক্ষার জন্ত সম্মুখ যুদ্ধে মৃত্যু। যদি কোন উৎসাহের মৃত্যু থাকে, তবে এইরূপ দেশবৈরীর মস্তক ছিন্ন করিতে করিতে মৃত্যু। যদি উড়িষ্যার স্বাধীনতা রক্ষা হ’ত, তবে আমি ও আমার সকল পুত্র রণে মরিলেও আক্ষেপ ছিল না। আমার মহাগৌরবের বিষয় এই যে, আমি একটি বীর পুত্রকে দেশের স্বাধীনতা রক্ষার জন্ত বলি দিয়াছি। বোমা, তুমি বীরপত্নী বলিয়া উড়িষ্যায় আদৃত হইবে। গৃহিণি, তুমি বীরপ্রসবিনী বলিয়া সম্মান পাইবে।

সুধীরজন বলিলেন—“মা! আপনারা কাঁদিবেন না। আমি আমার জীবন এক্ষণে এক বিষম ভার মনে করি ও আমাকে আমি পতিত মনে করি। উৎকলের স্বাধীনতা রক্ষা করতে পারলেম না, প্রভু জগন্নাথ আমায় সে গৌরব দিলেন না; আমার মৃত্যু কি সহস্র গুণে শ্রেয়স্কর

বঙ্গের সুপুত্র, উড়িষ্যার পরমবন্ধু । মানুষে যাহা করিতে পারে, তুমি তাহা করেছ । অন্ন সৈন্ত, অন্ন যুদ্ধোপকরণ লয়ে তুমি যা করেছ, তা যে সে মানুষে পারেনা । তুমি যুদ্ধে মরিতে প্রস্তুত ছিলে, উৎকলের ধর্ম ও স্বাধীনতার জগ্ন তুমি জীবন উৎসর্গ করেছিলে । মুসলমান সেনাপতি তোমার বীরত্বে ও যুদ্ধকৌশলে তুষ্ট হ'য়ে তোমার মারেন নাই । আমরা শুনেছি, তোমার সঙ্গে যুক্তি তর্কে রে জগন্নাথ ফিরিয়ে দিয়েছে, —আমাদের প্রতি কোন অত্যাচার করেন নাই । এও জগন্নাথের লীলা খেলা, জগন্নাথ অর্দ্ধ পোড়া হ'য়ে পুরীতে থাকলেন, আমরাও স্বাধীনতা হারিয়ে মুসলমানের দাস হ'য়ে থাকলেম—জীবন্মৃত হ'য়ে থাকলেম । যাও, বাবা যাও, বেলা হ'লো ।

সুবীরজন কাঁদিলেন, কোন কথা বলিতে পারিলেন না । ও দিকে জগদম্বার প্রতি দৃষ্টি কর । কাঁদিতে কাঁদিতে জগদম্বার আয়ত নয়ন রক্তবর্ণ হইয়াছে, সুন্দর গণ্ডদেশ দিয়া অশ্রুধারা প্রবাহিত হইতেছে, হলায়ুধের বিধবা পত্নী তাহাকে একবার কোলে করিতেছেন, একবার মুখ চুম্বন করিতেছেন, একবার মস্তকের স্রাণ লইতেছেন । বিধবার নয়ন দিয়া অশ্রুধারা শতধারে পড়িতেছে । তিনি কাঁদিতে কাঁদিতে বলিলেন—  
“মা ! যাও, বাড়ী যাও । পতিপুত্র লয়ে সুখী হও, আমার শূন্য ঘরের লক্ষ্মী আজ বিদায় দেই, কর্তার সঙ্গে আমার ঘর ভেঙেছে । এ লক্ষ্মী আর আমি কত দিন ঘরে রাখিব ? রাজলক্ষ্মী রাজগৃহে যাও, রাজার ঘর উজ্জল কর ।”

সুভদ্রার নয়নযুগলও রক্তবর্ণ ও অশ্রুময় । সে জগদম্বার গলদেশ ধারণপূর্বক বলিল,—“দিদি ! যাও, বাড়ী যাও । সেনাপতি তোমার পতি হবেন, তুমি সুখী হ'বে । দিদি এ অভাগিনীর কথা মনে ক'রো । এ অভাগিনী তোমায় দিদি বলিয়াই জানিত । তুমি তার খেলায় সাথী, তুমি তার শিক্ষাগুরু । দিদি ! আর জীবনে দেখা হবে না । তুমি সোনার



## অষ্টচত্বারিংশ পরিচ্ছেদ ।

### আবার চিঙ্কাতটে ।

হরদেব, সুধীরঞ্জন ও জগদম্বা আবার চিঙ্কাতটে পাঠান অনীকিনীর শিবিরে প্রবেশ করিলেন । সৈনিকগণ সমস্ত্রমে তাঁহাদিগকে অভিবাদন করিতে লাগিল । সেনানায়ক হোসেন সাদরে তাঁহাদিগকে অভ্যর্থনা করিলেন ও সযত্নে তাঁহাদিগকে হরদেবের বস্ত্রাবাসে লইয়া গেলেন । তাঁহাদিগের বিশ্রাম, স্নান ও আহারের সুন্দর বন্দোবস্ত করা হইল । হিন্দু দাসদাসীগণ তাঁহাদিগের পরিচর্যা করিতে লাগিল । সুধীরঞ্জন সেনাপতি কালাপাহাড়ের সহিত সাক্ষাৎ করিবার বাসনা জানাইলেন । হোসেন, স্নান ভোজনান্তে অপরাহ্নে সেনাপতির সহিত দেখা হইবে, জানাইলেন ।

আগস্ত্যকগণের পক্ষে পাঠান শিবির যেন কেমন বিষাদ-কালিমায় কলঙ্কিত বলিয়া বোধ হইতে লাগিল । পটমণ্ডপে পটমণ্ডপে সৈনিকগণের উচ্চ সঙ্গীত নাই, হাস্যধ্বনি নাই, ক্রীড়া কোতুকের কোলাহল নাই, খেলাধুলার ধুম নাই, সকলেই যেন কেমন বিষন্ন । এক সৈনিক ধীর ও গভীরভাবে অন্য সৈনিকের নিকট গমন করিতেছে । প্রহরিগণ চিন্তাকুল ও বিষাদে



## কালাপাহাড় ।

হিন্দু সমাজের কুপ্রথা কুরীতি কিসে দূর হয়, হিন্দুর শিক্ষা, শিল্প, কৃষি ও বাণিজ্যের কিসে উন্নতি হয়, এই সব বিষয়ে স্বদেশ-হিতব্রত দাদার পরামর্শ লইবেন। সুধীরজন এইরূপ চিন্তা করিতেছেন, এমন সময়ে হোসেন নিকটে আসিলেন। তিনি গম্ভীর ভাবে সুধীরজনকে বসিতে বলিলেন। তিনি বসিলে তাঁহার করে হোসেন এক খানা পত্র দিলেন।

পত্র খানি এই:—

প্রাণাধিকেষু—

সুধীর ! অধীর হইও না। পিতামাতা আমাদের শৈশবেই মর্ত্যালীলা শেষ করিয়াছেন। পিসীমাতা আমাদের বিপদের সঙ্গে সঙ্গে ভবলীলা শেষ করিয়াছেন। আমিও চলিলাম। অনুতাপদগ্ধ জীবনের পরিসমাপ্তিতেই সুখ। আমি বঙ্গমাতার কুসন্তান। ব্রাহ্মণজাতির কলঙ্ক ! বঙ্গের ত্রাস—হিন্দুর আতঙ্ক। এই ঘোর পাপময় জীবন রাখিয়া সুখ নাই। আমি মরিলাম, তুমি কাঁদিও না। আগায় জ্যেষ্ঠ ভ্রাতা বলিয়া স্বীকার করিও না। আমি হিন্দু সাধারণের বৈরী ; সেই অরি-ভাবে আমাকে ঘৃণা করিও। সংসারে একা আসিয়াছ, একা যাইবে। নশ্বরজগতে অবিনশ্বর কিছু নাই—যশ কিছুদিন মাত্র থাকে। দেশের কার্য্য করিও। এক যুগান্ত অমর থাকিবে।

আমার আর কিছু বলিবার নাই। যত সত্তর পার দেশে যাইবে। দেশে যাইয়াই জগদম্বাকে বিবাহ করিবে। হরনাথ দাদার নিকট হইতে বিষয় সম্পত্তি বুঝিয়া লইবে। হরনাথ দাদা গরিব, তাঁহাকে পাটুলীর তালুক হইতে দুইশত বিঘা নিষ্কর ভূমি দিবে। হোসেনের নিকট যে কৌটাটি পাইবে, তাহা তোমার বিবাহের দিনে জগদম্বাকে দিবে।

আমি ভারতবর্ষের—বিশেষতঃ বঙ্গদেশের যে ক্ষতি করিলাম, তাহা আমার চতুর্দশ পুরুষেও পূরণ করিতে পারিবে না। অনিষ্ট করা যত সহজ,

ইষ্ট করা তত সহজ নহে । রাজপুত প্রভৃতি ভারতবর্ষের অন্যান্য স্থানের অন্যান্য হিন্দুর শোণিত এখনও কিছু উষ্ণ আছে । বাঙ্গালীর শোণিতে সে উপকরণ নাই বলিয়া আমার বোধ হইতেছে । কিরূপ ঘোর অত্যাচারে বাঙ্গালী হিন্দু উত্তেজিত হইবে, তাহার পরিমাণ আমি বুঝিয়া যাইতে পারিলাম না । আমি জগতের চক্ষু নিন্দিত, ইতিহাসের পত্রে ঘৃণিত, স্বদেশ ও স্বধর্মদ্রোহী পাষণ্ড পিশাচ বলিয়া অবজ্ঞাত হইয়া জীবনকে ক্লেশ-তুঘানলে দগ্ধ করিয়াও যখন হিন্দুতে সজীবতার চিহ্ন পাইলাম না, তখন এই গাঢ় নিদ্রিত জাতি আর কখন জাগ্রত হইবে কি না আমার সন্দেহ । ভাবিয়াছিলাম, ধর্মের আঘাতে বাঙ্গালী ও উড়ে বিশেষ ক্ষেপিবেন । ঘোড়ার ডাক বসাইয়া উড়িয়া জয় করিতে আমার উদ্দেশ্য ছিল । আমি উড়িয়ার বন জঙ্গল পাহাড় পূর্ণ দেশে দক্ষিণ হইতে উড়িয়া ও উত্তরদিক হইতে বাঙ্গালী কর্তৃক আক্রান্ত হইয়া বিনষ্ট হইব । ঘোড়ার ডাকে সোলেমান সত্বর সংবাদ পাইবেন । নবাবও অবিলম্বে যুদ্ধে আসিবেন । সমবেত উড়িয়া ও বাঙ্গালার সৈন্যের নিকট বঙ্গেশ্বর পরাস্ত হইবেন ! এই আশা যখন সফল হইল না, তখন আর আমার আশা সফল হইবার সম্ভব নাই । বাঙ্গালার হিন্দুরাজগণের দেবভক্তি দেখলেতো ? যে নূতন সম্পত্তির সন্ধান পাইবে, ঐ সম্পত্তির আয় হইতে কাশীতে একটি ছত্র, নবদ্বীপে কয়েকটি চতুষ্পাঠী এবং বাটীতে একটি চতুষ্পাঠী ও একটি মক্কাব করিবে । পাটুলী হইতে কাটোয়া দিয়া বর্ধমান পর্য্যন্ত একটি রাস্তা প্রস্তুত করিবে । কাটোয়ার কয়েকটি পাহালা করিয়া দিবে ।

আমার ভ্রাতা বলিয়া সমাজে পরিচয় দিলেও তোমার লোকে ঘৃণা করিবে । হোসেনকে অবিশ্বাস করিও না । হোসেন আমার অকৃত্রিম বন্ধু । তুমি আমার ঘৃণা করিও না । বিদায়—চির বিদায় । যদি পরকাল থাকে, তবে—তাহাতে আমার বিশ্বাস নাই ; থাকিলেও তুমি স্বর্গ ও



## উনপঞ্চাশৎ পরিচ্ছেদ

বনে ।

শিষ্য । গুরো ! আর একটি কথা ।

গুরু । তাইতো বলি, তোমার মায়ী বন্ধনও কাটে নাই—বিশ্বাস ও সম্পূর্ণ জন্মে নাই ।

শিষ্য আবার কাতরভাবে বলিল—“কি করিব ? মনের দোষ । আমি ত ভাবি আপনার প্রদর্শিত ও উপদিষ্ট কাজ করি, মনে নানাকথা এক সঙ্গে উদয় হয় । ধ্যান ধারণায় আর কিছুই হয় না ।”

গুরু । তোমার ভোগবাসনা এখনও পরিতৃপ্ত হয় নাই । তাই বলি তুমি আর কিছুদিন সংসারে থাকগে ।

শিষ্য । কয়েকটি সংবাদ । ভোগবাসনা আর আমার নাই । তবে স্নেহ মমতার হাত এখনও ছাড়তে পারি নাই ।

গুরু । আচ্ছ! বল, কি জিজ্ঞাসা করিবে ?

শিষ্য । আমি আপনার কথা : ভাবতে ভাবতে চিক্কাভটে আমার সেই শিরিরে কেমন করে আপনার দেখা পেলোম ?

## উনপঞ্চাশৎ পরিচ্ছেদ

গুরু । একথা তুমি এখন ভাল বুঝবে না । আমরা যে যোগ করি, সেই যোগের এমন এক শক্তি আছে, তার বলে আমরা বুঝতে পারি, আমাদের জ্ঞান কে কোথায় ব্যাকুল হ'লো । তোমার ব্যাকুলতায় আমার মন অস্থির হয়ে উঠলো । তাই আমি তোমার পটমণ্ডপে গিয়ে দেখা করলেম ।

শিষ্য । আচ্ছা আপনি আমার জ্ঞান সন্ন্যাসীর বেশ সঙ্গে নিলেন কেন ?

গুরু হাসিয়া উত্তর করিলেন—“ও সন্ন্যাসীর বেশ দুটা একটা আমাদের সঙ্গেই থাকে । আমি পূর্বেই বুঝতে পেরেছিলাম, উড়িষ্যাভ্রয়ের পর তোমার যখন নৈরাশ্য আসবে, যখন দেখবে জগন্নাথ দগ্ধ করাতেও উৎকলবাসিগণ তেমন উত্তোজিত হ'লো না ও বঙ্গালায় উত্তেজনার চিহ্নমাত্র দৃষ্ট হ'লো না, তখন তুমি নিশ্চয়ই হতাশ হবে । আমার ইচ্ছা ছিল, এই সময়ে তোমাকে ধর্মপথে আনব । তুমি বড় অন্যায় করেছ । তুমি তোমার শরীর যোগধর্মগ্রহণে অপটু করে ফেলেছ । তোমাকে সন্ন্যাসিবেশে সেই পটমণ্ডপ হ'তে বের করে দিলাম । বিশেষ করে বলে দিলাম, আহার নিদ্রার ব্যাঘাত করবে না । তুমি এক বেলা নিরামিষ আতপন্ন ও অপর বেলা ফল মূল আহার করবে, তুমি কিনা অনাহার অনিদ্রায় শরীরটি মাটি করে রাজমহালে পার্ক, অঞ্চলে এসে অজ্ঞান হ'য়ে থাকলে । এখন তোমাকে বনে বেধে সুস্থ করতে হচ্ছে ।”

শিষ্য । কি করব গুরো ? শিবির হ'তে যে রাত্রিতে বেরলেম তারপর দিন মধ্যাহ্নকালেই দেখলেম ফকির সলিমসা বৃক্ষ মূলে যায় যায় । তাকে নিয়ে দুই দিন বসে থাকলেম । ফকির আমায় চিন্তেনা, আমি তাকে চিন্তেলাম । দেশের জন্যই ফকির ম'রে গেল । হিন্দু মুসলমানে একতা সাধনই ফকিরের আন্তরিক ইচ্ছা ছিল । জীবের প্রতি অত্যাচার না হয়, এই ফকিরের কর্ম ছিল । ফকির অযোধ্যা অঞ্চল হ'তে আমার

সমাধিস্থ করিতে হইবে। সেনাপতি আত্মঘাতী হইয়া মরিয়াছেন, ঘোষণা করিতে হইবে। পথিমধ্যে সেনাপতির সহিত যুমুর্খু সলিমসার দেখা হইয়াছিল। জগৎপ্রেমিক সলিম সেনাপতির অঙ্কে মস্তক রাখিয়া মর্ত্যলীলা সংবরণ করিয়াছেন। কালাপাহাড় অনাহার ও অনিদ্রার কতদিন পথে কাটাইয়া জীর্ণ শীর্ণ হইয়া পড়েন। তিনি পথে অশেষ ক্লেশ পাইয়াছেন। পরিশেষে ক্ষুৎপিপাসা ও শ্রান্তি ক্লান্তিতে মৃতপ্রায় হইয়া রাজমহালের জঙ্গলের নিকটে অজ্ঞান অবস্থায় পড়িয়া থাকেন। মৃত সন্ন্যাসী বোধে কেহ তাঁহাকে স্পর্শ করে নাই। জ্ঞানানন্দ স্বামী নানাস্থান পর্য্যটন করিয়া নিরঞ্জনের অনুসন্ধানে তথায় তাঁহাকে তদবস্থায় প্রাপ্ত হন। স্বামীর শুক্রবার তাঁহার চৈতন্য সম্পাদন হয়; তাঁহাকে সবল ও সুস্থ করিবার জন্ত স্বামী তাঁহাকে রাজমহালের এক পর্বত-গহ্বরে রাখিয়াছেন; নিরঞ্জনের কৃত্রিম জটা শ্মশ্রুর পরিবর্তে এখন প্রকৃত জটা শ্মশ্রু হইয়াছে। স্বামী তাঁহাকে ধ্যানধারণায় অভ্যস্ত হইতে বলিয়াছেন। তিনিই তাঁহার আহার সংগ্রহ করিয়া দিতেছেন ও মধ্যে মধ্যে আঙ্গিয়া তাঁহার সহিত দেখা করিতেছেন ও তাঁহার মন পরীক্ষা করিতেছেন। কালাপাহাড় বিশেষ অনুতপ্ত হইলেও তাঁহার ধর্মবিশ্বাস ও ধর্মভক্তি অক্ষয় প্রবল হয় নাই।

আমরা যে দিনের কথায় এই পরিচ্ছেদ আরম্ভ করিয়াছি, সেই দিন স্বামী পূর্ববর্ণিত কথোপকথনের পরই স্বস্থানে চলিয়া গেলেন। নিরঞ্জন একাকী পর্বত-গহ্বরে থাকিলেন। পৌষমাসের প্রথমভাগ শীত বিলক্ষণ পড়িয়াছে। নিরঞ্জনের অ্যুত্তম করিবার জন্ত নিকটস্থ বন হইতে শুষ্ক কাষ্ঠ আহরণ করিতে হইতেছে। তিনি সেই দিন অপরাহ্নে কাষ্ঠ সংগ্রহ করিতে গিয়াছেন; এক উচ্চ বৃক্ষশাখায় উঠিয়াছেন ও কাষ্ঠ ভাঙিতেছেন। বনমধ্যে বৃক্ষ তলে দুই জন কাঠুরিয়া আসিল। কাঠুরিয়া

কছে। বড় বড় সেনার কতা গুলোই বড় কাঁদছে। রঙ্গীন নিশেন উড়িয়ে দেছে। যুদ্ধের বাণ্ডি বাজাচ্ছে।

কাঠুরিয়ায় এই কথা বলিতে বলিতে বনাস্তরে গমন করিল। নিরঞ্জন বৃক্ষ শাখা হইতে মুর্ছিত হইয়া ভূতলে পতিত হইলেন। কতক্ষণ অচৈতন্য অবস্থায় থাকিলে তাহা কেহ জানে না। বহুক্ষণ পরে তাহার সংজ্ঞা লাভ হইলে, তিনি নিজে নিজে বলিতে লাগিলেন—“আমি কোথায়? আমি সেই পাপ তাপ ও অত্যাচারময় পৃথিবীতে, না নরকদ্বারে? মাথা, বুক, পঞ্জর, হাত ও পা যেন নাই বলিয়া বোধ হচ্ছে। এ সব ক্লেশ কি যম দূতের বন্ধনের ক্লেশ? কে বলে পাপ পুণ্য নাই? কে বলে স্বর্গ নরক নাই? কে বলে এই অসীম ব্রহ্মাণ্ডের স্রষ্টা নাই? অপরিণামদর্শী তরলমতি স্বার্থপর অসহিষ্ণু মানব, সামান্য ক্ষতি বৃদ্ধিতে বিকার প্রাপ্ত হইলে বিশ্বপতিকে উড়িয়ে দিতে চায়! ঈশ্বর ত আছেন! পাপপুণ্য ত আছে! নরক ত আছে! তবে আমি দাঁড়াই কোথায়? আমার কে আছে? ইহলোকে মুখ দেখাইবার স্থান নাই—সম্মুখে ভীষণ নরক। হায়! হায়! আমি কি করি, কোথায় যাই, কাহাকে ডাকি! হতাশ! হতাশ! ঘোর নৈরাশ্য! ঈশ্বরকে মানি নাই। কখনও তাঁকে ডাকি নাই। পাপে ভর করি নাই—এমন পাপ নাই যাঁ করতে সঙ্কচিত হয়েছি। দেবদ্বিজের সর্বমাপ করেছি—প্রাণের পর গ্রাম পুড়িয়েছি। পিশাচ, পিশাচ, আমি ঘোর পিশাচ; দামব, দামব, আমি ভরস্কর দৈত্য। পাপের কল হাতে হাতে। যোগমালা তুমি কোথায় গেলে? প্রেমময়ী, মেহময়ী, শুশ্রূষাময়ী, শান্তিময়ী প্রেমসী! তুমি কোথায়? পানীর কর তোমার দিকে প্রসারিত হ'লো—আর তুমি বাবুতে,—আকাশে,—কোথায় মিলিয়া গেলে। তুমি শান্তিসূক্তি দেবী। তুমি সূক্তিমতা পতিতকৃতি। তুমি পানীর শাপপ্রভাবে

তারা আশা করলেন, এই কৃতবিদ্যা ব্রাহ্মণসন্তান বদেখরকে করায়ত্ত করতে পারলে হিন্দু মুসলমানের বিদ্বেষ দূর হবে ; হিন্দু মুসলমানে একতা সাধিত হ'বে, বাঙ্গালা, বেহার, উড়িষ্যা ও আসামের অশান্তি ক্লেশ দূর হ'বে, আমি তার কি করেছি ? ঘোর অশান্তির আগুন জ্বলেছি। অনৈক্যের ভয় স্থান প্রশস্ত হইতে প্রশস্ত করেছি ও পৈশাচিক অত্যাচারে বাঙ্গালা, বেহার ও উড়িষ্যায় ঘোর অনর্থ বাধিয়েছি। ভ্রান্তি, ভ্রান্তি, আমার সম্যক ভ্রান্তি। উপযুক্ত প্রতিফল। না, না, কিছুতেই ত মনকে বুঝাইতে পারি না। ঐ যে চূর্ণীকৃত মামুদের শব চারিদিকে দেখছি। ঐ যে আলুলায়িত-কেশা ভগ্নশিরা, বিরসবদনা, শোকতাপ-বিধূরা নজিরণ মূর্তি সর্বদিকে। অশ্রময়ী নজিরণ! অশ্রুজল সংবরণ কর, আর সহে না। চূর্ণদেহ মামুদ! আর ছট্ কট্ করিস্ না। আর ত্রাহি ত্রাহি করিস্ না। বাবা মামুদ! ভাল মুখ দেখা—বাবা বল। নজিরণ হাস, হাস, আবার সেইরূপ হাস। বাপ মামুদ! আমার বুকে আর। নজিরণ! এস, তোমার উরুদেশে মাথা দিয়া শয়ন করি। নজিরণ! এলেনা। বাবা মামুদ! এলি না। আর বাবা মামুদ! আর। এস শ্রেয়সি নজিরণ এস। আর সহে না, সহেনা। মলেম, গেলেম।”

এইরূপ আক্ষেপ করিতে করিতে নিরঞ্জন আবার মূর্ছিত হইয়া পড়িলেন।





## পঞ্চাশৎ পরিচ্ছেদ ।

### কাশীর পথে ।

গুরুদেবের মনের ভাব যে, কি তা বুঝি না । যে যোগ শিখাচ্ছেন, তাই শিখান । যোগেই তন্ময় হ'য়ে থাকি । যোগের গ্যার নিশ্চিত থাকিবার— শান্তিতে থাকিবার—আর তৃত্বিতীয় পদ্ধতি নাই । এ ধন সম্পূর্ণ রূপে পেলে সংসারে আর কিছুইত চাই না । মুনি ঋষিগণ এই সূত্ৰের এক চেষ্টে অধিকারী থাকায়, অন্য কোন সূত্ৰের প্রতি দৃষ্টি করেন নাই । ঠাকুর কি কচ্ছেন বুঝি না । আবার কেঁথায় নিয়ে যাচ্ছেন, আবার কেন মন কাঁচা করছেন, কেন আমার দেখাচ্ছেন, তাঁকে বঞ্চনা কচ্ছেন, এসব রহস্য গুরুদেবই জানেন । • গুরুদেব যেন সর্বজ্ঞ, সর্বব্যাপী । তিনি যা ভাবছেন, তিনি যা করবেন স্থির করেছেন, তা অবশ্যই আমার পক্ষে কল্যাণকর হ'বে । আমার এত ব্যগ্র হইবার প্রয়োজন নাই । আত্মহত্যা করিতে চেষ্টা করি নাই । সে পাপে কেন মজ্ব ? পালান্ডে গেলেম, ভাঙ্গা স্থান দিয়ে গঙ্গার পড়ে গেলেম, গঙ্গার জলে ভাসতে, ভাসতে চলেম, গুরুদেব যেন আমার ধরবার জন্য গঙ্গার কূলে, গঙ্গার



জলে দাঁড়িয়ে ছিলেন। আমার ধরলেন, উঠালেন, বাঁচালেন, নৌকায় ক'রে নিয়ে এলেন, তারপরে না সেই পাহাড়ের উপর মার কুটারে রেখে দিলেন। মা সাক্ষাৎ দয়াময়ী মা। মাও যেন আমায় কি বলবেন বলবেন ক'রে বলছেন না। যা হ'ক কিছু বিজ্ঞাসা করবার প্রয়োজন নাই। মাজি আমার পরম শুভাকাঙ্ক্ষিনী, গুরুদেব সাক্ষাৎ শিব। এক অশ্বখ মূলে এক নবীনা সন্ন্যাসিনী আপন মনে আপনি এইরূপ বলিলেন।

একা একা সেই নবীনা তপস্বিনী এইরূপ ভাবিতেছেন, এমন সময়ে আর চারি পাঁচটি সন্ন্যাসিনী আসিয়া তথায় উপস্থিত হইলেন। ইহঁরা সকলেই কাশীধাত্রী। ইহঁদিগের মধ্যে একজন প্রবীনা সন্ন্যাসিনী আছেন। তাঁহাকে সকলেই মা বা মাতাজি বলেন। তাঁহার অধীনেই সকল সন্ন্যাসিনী বাইতেছেন।

এই সময়ে সন্ধ্যা ঘোর হইয়া আসিল। গৃহস্থ পল্লীতে প্রতি ঘরে গৃহিণীগণ আলোক জ্বালিতেছেন, শঙ্খ বাঁজাইতেছেন ও ধূপের সুরভি গন্ধে গৃহ ও গৃহপ্রাঙ্গণ পরিপূর্ণ করিতেছেন। দেবালয়ে আরতির আয়োজন হইল। আরতির বাণ্ড বাজিয়া উঠিল। ভক্তগণ আসিয়া সমবেত হইল। আরতির ঘটায় ভক্তগণের স্তবপাঠের ছটায় আগন্তুক সকলের মন শান্তিরসে পূর্ণ হইয়া উঠিল। কুলরথু গৃহস্থের দ্বারা বসন ভূষণে সাজিয়া কবরী বাধিয়া রূপের গর্বে প্রস্তুতিত গোলাপ সুন্দরীর গায় আপনার বসন, ভূষণ ও বর্ণের প্রতি দৃষ্টিপাত করিয়া তনয়কে স্তম্ভ পান করাইতে বসিলেন। শিশু স্তনের এক বোঁটা মুখে দিয়া অত্র বোঁটা হাতে টিপিয়া কখন গাল পুরিয়া চপ চপ করিয়া মুখ পুরিয়া ছুঁ পান করিতেছে, কখন বা মুখ পুরিয়া ছুঁ লইয়া কুলকুচো করিয়া মায়ের মুখে ছড়াইয়া দিয়া, মায়ের রূপের গর্বে নষ্ট করিয়া হাসিয়া দেখাইতেছে, সরল শিশুর মত সুন্দর ভাগ্যে আর কি আছে? বালকদল খেলা ভাসিয়া হাসিয়া নাচিয়া সরল



## একপঞ্চাশৎ পরিচ্ছেদ ।

### অভিষেকে ।

সম্মুখে পূণ্যভূমি বারাণসী ; ঐ বিশ্বেশ্বরের রক্তমণ্ডিত মন্দিরের শীর্ষ-স্থিত ধ্বজা উড্ডীন হইতেছে ; ঐ অন্নপূর্ণা-মন্দিরের উচ্চতর শিখরে রক্ত-পদ্ম-ধ্বজা পত্ পত্ করিতেছে । ঐ ভাগীরথীর জলকল্লোল ধ্বনি শ্রুত হইতেছে । জাহ্নবী পূর্বদক্ষিণগামিনী, কিন্তু এই পবিত্র তীর্থে পূত-তোয়া সুরধুনী দেবদেবীগণের উপাসনার জন্ত যেন উত্তরবাহিনী হইয়াছেন । ঐ বিশ্বেশ্বরের আরাতির শব্দ ঘণ্টার ধ্বনি হইতেছে । জ্ঞানানন্দ স্বামী কানীর পরপারে শিষ্যগণের সহিত উপনীত হইলেন । স্বামীর শিষ্যগণের পরিচয়ের আবশ্যকতা নাই । যাহারা বিশ্বপ্রেমিক, যাহাদের জীবন জগতের কল্যাণের জন্ত উৎসর্গীকৃত হইয়াছে, যাহাদের জাতিধর্ম-ভেদাভেদ জ্ঞান নাই, তাঁহাদিগের সহিত পাপী, তাপী ও পাড়িত কত রকমেরই লোক থাকে । তাঁহাদিগের পবিত্র হৃদয়-উৎস হইতে যে জীব-হিতব্রত-সুধাধারা প্রবাহিত হইতেছে, তাহা সকলে দেখে না, শুনে না,

## একপঞ্চাশৎ পরিচ্ছেদ ।

অথচ কত নির্জন স্থান পবিত্র করে । এই সকল পবিত্রাত্মা সাধু পুরুষগণ নামের প্রার্থী নহেন, ঘণের আকাঙ্ক্ষী নহেন, সুখের অভিলাষী নহেন ও সম্পদের উপভোগী নহেন । তাঁহাদিগের নিষ্কাম, নিস্পৃহ, নির্লিপ্ত, শান্তিময় ও সুখময় জীবন ব্যস্ততা ও ক্ষিপ্ততার সহিত কত কার্যে নিয়োজিত হইতেছে, অথচ তাঁহারা সর্বকার্যে নির্লিপ্ত রহিয়াছেন । মাতাঙ্গির জীবনও সেইরূপ ।

কাশীর গঙ্গা-মধ্যস্থ সোপানাবলী, মন্দির সমূহ, অট্টালিকানিচয় ও কাশীপদ-চারিণী স্বচ্ছসলিলা গঙ্গা দেখিয়া নিরঞ্জন বলিতে লাগিলেন—  
“ওরো! আমি কাশী যাব না । আমি আর কাশীর পুণ্যক্ষেত্রে পদ বিক্ষেপ করিব না । কাশীর দৃশ্য দেখেই আমার হৃদয় কম্পিত হচ্ছে, মন অস্থির হচ্ছে এবং স্মৃতি আমার মস্তিষ্ক সহস্র বর্ষিকের দংশন হচ্ছে । আমি কোন্ মুখে কোন্ প্রাণে অন্নপূর্ণার দ্বারে ও বিশ্বেশ্বরের মন্দিরে প্রবেশ করিব ? আমি ঘোর পাপী—বিষম কলঙ্কী মুসলমান । এই ধন-শ্রী-সমৃদ্ধি সম্পন্ন, অট্টালিকামালায় সুশোভমানা নানাশিল্পকর্মসম্পন্ন, নানাশিক্ষা-গারসমবিতা বারুণসী না আমি পোড়াইয়া ছারখার করিয়াছিলাম ? বিশ্বেশ্বরের মন্দির ভেঙেছি, অন্নপূর্ণাকে মন্দির সহ চূর্ণ করেছি, সঙ্কটের সর্বনাশ মেখেছি, কালভৈরবের পক্ষে আমিই কাল হয়েছি, তিল-ভাণ্ডেশ্বরের মাথায় পদাঘাত করেছি, কেদারেশ্বরকে উৎপাটন করেছি ও তুর্গা বাড়ী ও তুর্গার তুর্গতির এক শেষ করেছি । বিষ্ণাগার সকল পুড়িয়েছি ; গ্রন্থ সকল ভস্মসাৎ করেছি । এই কাশীতে না আমি ছাত্র ছিলাম ? আমারই গুরুর চতুষ্পাঠী ও গ্রন্থালয় কি ছেড়েছি ? কৃতঘ্ন ! কৃতঘ্ন ! পাবণ্ড ! পিশাচ ! অসুর ! রাক্ষস ! আমি মায়ের কুপুত্র, দেশের কুসন্তান, স্বদেশ ও স্বজাতির কলঙ্ক, পরিচিত জনের বৈরী ও আশ্রয়-প্রাপ্ত স্থানের মহাপত্ন । লোকের কাহারও এক পাপ থাকে, কাহারও এই পাপ

## কালাপাহাড় ।

থাকে ; আমি সকল পাপে পাপী । অনুতাপ, অনুতাপ তুমানল ! কোথায় শিক্ষাগার কাশীর নিকটে চিরকৃতজ্ঞ থাক্ব, অধ্যাপক ও চতুর্পাঠীর উদ্দেশে প্রণত হইয়া কল্যাণ সাধন করব, তাই না অগ্নিময় জালায় কাশীর ধ্বংস সাধন করেছি । উঃ ! কি ব্যতিথা ! কি যাতনা ! এই পবিত্র তীর্থ আমি অগ্নি জালায় জালাতন করে—গোরক্কে প্রাবিত করেছিলাম, গোমাংসে সর্বত্র পূর্ণ করেছিলাম, গোমুণ্ড দেবদেবীর আসনে রেখেছিলাম ও আল্লা আল্লা রবে কাশী কম্পিত করেছিলাম । না না এ নাস্তিক পাষণ্ড, এ গোঘাতী ও গোখাদক রাক্ষস কিছুতেই কাশীতে যেতে পারবে না । কোন মুখে যাবে ? বিশ্বেশ্বর কি তাঁহার অভয় পদে এই ভীত পিশাচকে আশ্রয় দিবেন ? দয়াময়ী মা অন্তর্পূর্ণা তাঁহার করুণাকণা দানে এই অসুরকে কি উদ্ধার করবেন ? কাশীর অগ্ন্যাগ্নি দেবগণ কি এ পাষণ্ডাদপি পাষণ্ডের প্রতি ফিরে চাইবেন ? না না, আমি যেন দেখছি, ভৈরব কালভৈরব মূর্তিতে চখে আগুন ও হাতে শূল লয়ে আমার দিকে আসছেন । মা সিংহবাহিনীও ত্রিনয়নের উর্দ্ধ নরনে অনলশিখা, করে কুপাণ, শেল, শূল, মুষল, মুদগার জাটী, গদা ধনু কিনা ? ঐ যে চখের আগুন আমার পোড়াতে এলো । ঐ যে কোন অস্ত্র আমার গারে পড়ছে, কোন অস্ত্র আমার মাথায় পড়ছে ও কোন প্রহরণ আমার সম্মুখে ঘুরছে ।

জ্ঞানানন্দ স্বামী গঙ্গার ত্রিগু সলিলা কালাপাহাড়ের চক্রে ও মুখে সেচন করিলেন ও বৃকে দুই চপেটাঘাতি করিয়া মধুর স্বরে বলিলেন—“বাবা ! চক্ষু মুদ্রিত করিয়া স্থির হয়ে বসো । কোন ভয় নাই । কল্যা তোমার পূর্ণাভিষেকের দিন । কল্যা তুমি যোগরাজ্যে অভিষিক্ত হ'বে । এ রাজ্যে অনেকেই একাকী অভিষিক্ত হ'য়ে থাকেন । তুমি জ্ঞীর সহিত এক সঙ্গে অভিষিক্ত হ'বে, সুতরাং তোমার অভিষেককে পূর্ণাভিষেক

## কালাপাহাড় ।

তরুনীতে শিষ্যাগণের সহিত ভাগীরথী উত্তীর্ণ হইয়া মণিকর্ণিকায় বসিয়া শিষ্যাঙ্গিকে নানা উপদেশ দান করিলেন । যোগমায়া মাতাজির নিকট যে কথা শুনিবেন শুনিবেন আশা করিয়াছিলেন, অল্প সে কথা শুনিলেন । মাতাজি যোগমায়াকে সুন্দররূপে বুঝাইয়া দিলেন—যোগরাজ্যে, উচ্চ ধর্ম্মে হিন্দু মুসলমানের ভেদাভেদ নাই ও জাতিবর্ণের ভেদাভেদ নিন্দিত ও ঘৃণিত । নিরঞ্জনের সহিত যোগমায়ার এক সঙ্গে যোগ ধর্ম্মে দীক্ষিত হইলে কোনই দোষ হইবে না । একস্থানে যোগমায়া মাতাজির কথা ও অন্যস্থানে নিরঞ্জন স্বামীর কথা নীরবে শ্রবণ করিলেন ।

উষা আসিল । লোহিতরাগরঞ্জিত অরুণদেব তপনবিরহবিধুরা ধরিত্রীকে হাসাইবার জন্য পূর্ব্বগগনে আসিয়া দাঁড়াইলেন । অভিমানিনী ধরণী প্রফুল্ল হইলেন বটে কিন্তু হাস্য করিলেন না । অরুণ যেন সাধ্য সাধনা করিতে লাগিলেন । বায়ু হিল্লোলসহকারে মেদিনীর পুষ্পাভরণ ও পত্রবাস দোলাইতে লাগিলেন । তাঁহার কুন্তল স্বরূপ ব্রততীপুঞ্জ ও লোমস্বরূপ ঈষিকা, কুশ, দুর্বাদল সমূহ নাড়িতে লাগিলেন । বসুধার অবগুণ্ঠন স্বরূপ তুষাব ধবল মেঘমালা সরাইতে লাগিলেন । বন্দি-স্বরূপে বিহগকুল অরুণের পক্ষে ধরার ষশোগীত গাইতে লাগিল । অবনি ক্রমেই হর্ষের চিহ্ন সকল প্রদর্শন করিতে লাগিলেন ।

এই সময়ে জাহ্নবীর পবিত্র সলিলে স্নান করিয়া গৈরিকবসন পরিধান পূর্ব্বক পুষ্পমালায় ভূষিত হইয়া যোগমায়া দণ্ডায়মানা হইলেন । অপরঘাটে নিরঞ্জনও স্নান করিয়া ঐরূপ বসন ভূষণে সজ্জিত হইয়া প্রস্তুত হইলেন । মণিকর্ণিকার ঘাটে মাতাজি যোগমায়ার হস্ত ধারণ করিয়া দাঁড়াইলেন । দশাশ্বমেধের ঘাট হইতে নিরঞ্জনের হস্ত ধারণ পূর্ব্বক জ্ঞানানন্দ স্বামী তাঁহাকে মণিকর্ণিকার ঘাটে লইয়া গেলেন । নিরঞ্জন যোগমায়ার সন্মুখে দাঁড়াইলেন । স্বামী অঙ্গুলীনির্দেশে দেখাইলেন, এই তোমার যোগমায়া ।

## কালাপাহাড়

বিশ্বাস—এস্থলে বিসর্জন দিতে আনিয়াছিলাম। স্বামীজি ও আমার উভয়েরই ভুল হয়েছে।

জ্ঞানানন্দ স্বামীও বিষাদে কম্পিতস্বরে বলিলেন—“যোগমায়া সাক্ষাৎ দেবী। ভক্তির মূর্তি। সাক্ষাৎ নারীধর্ম। প্রকৃত নির্ঝাঁক রমণীরত্ন। প্রকৃত আনুগত্যের অমূল্য নিধি। তাঁহার হৃদয় বুঝ নাই, মন পরীক্ষা করি নাই। তাঁহার অগাধ অতলস্পর্শ ধর্মাবিশ্বাসের পরিমাণ বুঝ নাই। আমাদের বড় ভ্রম হইয়াছে। ভ্রান্তি না হইলে ত শিব হইতাম। কেহ ভ্রমে একটা মারে। কেহ ভ্রমে শত শত জীব নষ্ট করে। এইস্থলেই ত মানবত্বে দেবত্বে প্রভেদ। এ ভ্রমের অনুতাপ রাখিবার স্থান নাই।”

কালাপাহাড় বেগে যোগমায়ার মস্তক ভূতলে ফেলিয়া দিয়া লক্ষ প্রদামে উঠিয়া দাঁড়াইলেন। তিনি উর্দ্ধবাহু হইয়া উচ্চৈঃস্বরে বলিতে লাগিলেন—“আমিই ত রাজা হরিশ্চন্দ্র! এই মণিকর্ণিকায় একবার আমার ধর্ম পরীক্ষা করেছিলে। আমার শৈব্যা গিয়েছিল—আমার রোহিতাশ্ব গিয়াছিল—আমি ভুঁদোর গোলাম হয়ে ছিলাম।” এবার গেল আমার শৈব্যা। রাজমহিষী শৈব্যা! তুমি গেলে? তুমি মলে? তুমি ত্রীকেবারে গেলে? না না, এত শৈব্যা নয়। এ যে আমার অনন্তহুঃখিনী যোগমায়া। এ যে আমার প্রেমপুত্রলি যোগমায়া। এরূপ পতিহিতে রত আর কে? নিজের খাওয়া নাই, পরা নাট, সুখের কামনা নাই, পতিই সর্বস্বধন। ঐ নজিরগ, এই আমি, স্থান কালীমন্দির—তুমি না এই মূর্তিমতী দয়াবেশে তথায় প্রবেশ করেছিলে? তখনও আমার আশা ছিল। আজ আমার কিছু নাই—কিছু নাই যোগমায়া। কিছুই নাই। আজ সিন্ধা, কলক, গামি, অপমান, হতাদর, নৈরান্ত্র অনুতাপ ও আত্মগানি তির আর আমার কিছু নাই। কালীমন্দিরের সামান্য বিপদে উদ্ধার করলে, মন্থুখে নরক, অসীম নরক, এনরকে আমাকে উদ্ধার করবে না?



## উপসংহার ।

পাঠককে অনেক বিরক্ত করিয়াছি । এক কথার কত বার পুনরুক্তি করিয়াছি । এখন আর দুই একটি কথার অবতারণা করিয়া, তাঁহার নিকট হইতে বিদায় লইব ।

যোগমায়ার মৃত্যুর পর হইতে কাশী সহরে মধ্যে মধ্যে এক পাগল আসিত । তাহার আসিবার কাল্যকাল নির্দিষ্ট ছিল না । সে প্রাতঃকালে মধ্যাহ্নে, সায়েং সময়ে ও নিশীথ সময়ে কাশী সহরে আসিয়া বিষম চীৎকার করিত । সে কখন চীৎকার করিয়া বলিত—“আমার রাজ্য দেও, যান বাহন দেও, আমার মাতঙ্গ তুরঙ্গ দেও, আমার রাজমহিষী ও রাজপুত্র দেও, আমি আবার অযোধ্যায় রাজা হ’ব ।” সে কখন চীৎকার করিয়া বলিত—“পালাও, পালাও কালাপাহাড় এলো ! কাশী—পোড়াবে, গ্রন্থ পোড়াবে, দেবদেবী ভাঙবে, হলহুল বাধাবে । ভীষণ দানব, ভয়ানক রাক্ষস ।” কখনও বলিত—“আমি অযোধ্যাধিপতি মহারাজ রামচন্দ্র । আমি সীতা-বিরহে নিতাস্ত অমৃতপ্ত । আমার অশ্বমেধ হলো না । প্রেয়সী সীতা কোথায় ? কোন বনে লুকাইল ?” পাগল কখনও, চীৎকার করিয়া কাঁদিয়া বলিত—“ওরে আমার নজিরণ নাই, মামুদ নাই, শুঁড়ো শুঁড়ো হ’য়ে মরেছে । আমার নবীর পুতুল গ্যাছে । আমার প্রিয়তমা ভাৰ্যা

## উপসংহার।

আসিয়া দ্বাদশটি শিব ও একটি সত্র প্রতিষ্ঠা করিয়াছিলেন। তিনি সত্রের কার্য নিৰ্বাহের জন্ত অনেক টাকা কাশীর এক পাণ্ডার হস্তে অর্পণ করিয়া যান ! সেই টাকা এক ধনী মহাজনের কারবারে খাটিত ও তাহার সুদ হইতে শিবসেবা ও সত্রের ব্যয় চলিত। সেই শিব ও সত্র প্রতিষ্ঠার দিন হরে পাগলাকে একবার কাশীতে স্থিরভাবে ভ্রমণ করিতে দেখা গিয়াছিল। তৎপরে তাহাকে বা তাহার মৃতদেহ কাশীর কোথাও লক্ষিত হয় নাই। আমাদের কেলা অর্থাৎ কৃষ্ণচন্দ্র ঘোষ মহাশয়ের বংশ এখনও রাত্ৰ অঞ্চলে আছে। স্ত্রীতে পাই কৃষ্ণচন্দ্র ও বিদ্যা সুখসচ্ছন্দে দীর্ঘকাল জীবিত ছিলেন। সোলেমান ও দায়ুদের পরিণাম, ইতিহাস পাঠক মাত্রেই অবগত আছেন। হোসেন সেনাপতি কালাপাহাড়ের শাসনে বৈর-নির্যাতন করিতে পারেন নাই। দায়ুদের সময়ে মোগল পক্ষের পৃষ্ঠপোষক হইয়া ও গোপনে চরের কার্য করিয়া দায়ুদের সর্বনাশ সাধন করিয়াছিলেন। ছবিরণের ও দ্বিজিরণের বিষয়ে আমরা আর কিছু অবগত নহি। পাটুলী অঞ্চলে যে রায় বংশ আছেন, তাঁহারা নিরঞ্জনের জ্ঞাতি বংশধর বলিয়া স্বীকার করেন না এবং বর্ধমানের মজুমদার বংশ কালাপাহাড়ের মাতামহ বংশ বলিয়া পরিচয় দেন না। কালাপাহাড়ের চরপঞ্চায় কলঙ্কই বোধ হয় এরূপ করিবার কারণ।





